

du Melan 3008/ 15/

# TILTRES D'HEVRET de Vertu

DE FEV TRES-CHREftien Henry IIII. du nom, Roy de France & de Nauarre.

ACCOMMODEZ AV NOBLE & glorieux furnom de GRAND à luy publiquement donné pour Epithete d'honneur, apres sa mort.

Par Andre'Dy Chesne Tourangeau,




## A PARIS;

Chez Igan Petit-Pas rue sainct sean de Latran au College de Cambray.

M. DC X.

Anec prinilege du Ray.





## A LA ROYNE MERE REGENTE en France.



Bien que vous ayeZ esté pronon-cee GRANDE du même iour que Low Low wous ane Z ven la

lumiere : si est-il vray que vostre GRANDEUR n'eust pas esté entiere, si vous ne fussie deuenue GRANDE ROYNE, en espousant un ROY, qui par sa valeur s'est acquis le noble & glorieux surnom de GRAND, & d'Incomparable. Vous aueZ, MADAME, cu

part en la GRAND EVR de ce ROY, pendant qu'il a dignement regné dedans la France, & l'auez quant & luy rendue plus heureuse, florissante, & redoutee, qu'elle n'auoit esté plusieurs siecles auparauant. Maintenant que la mort enuieuse de nostre longue felicitél a proditoirement rauy de la Terre pour le faire heureusement regner dans le Ciel: eque vous estes seule par puissance absolue, ce que vous estiez auec luy par merite: ie me suis affermysur ceste creance, que vous ne refuseriez part & credit en vos faueurs à l'Image de ceste mesme GRANDEVR, que ie represente icy sous les TILTRES D'HEVR & de VERTV tireZ des plus grandes actions d'un PRINCE si recommandable, Et qui ne s'enuieilliront iamais non plus que les merueilles de sa vie. Receuez-la s'il vous plaist, MADAME, ainsi que de celuy qui consacre tous les iours ses souspirs of son cour à sa memoire, comme il fait presentement à vous ses affections, Et ses esprits pour demourer à iamais,

### MADAME,

Devostre Majesté,

Le tres-humble, tres-fidelle, & tres-obeissant suiect & seruiteur, Andre' Dv Chesne.

### Prinilege du Roy.



Ovysparla grace de Dieu Roy de France & de Nauarre, à nos amez& feaux Coseillers les gens tenans nos Cours de Parlement,

Preuost de Paris, Baillif de Rouen, Sencs. chaux de Lyon, Tolose, Bordeaux & Poitou & leurs Lieutenans: Et à tous nos autres insticiers & officiers qu'il appartiendra Salut. Nostre bien aymé Iean Petit-pas, marchand Libraire & Imprimeur en l'Vniversité de Paris, nous a fait remonstrer qu'il a recouuré vn Liure intitulé L'ElogeRoyal, ou Les Titres d'Heur El de Vertu, de feu Tres-Chrestien HENRY IIII. du nom , Roy de France & de Nauarre , lequel il feroit volontiers, imprimer, mais il craint qu'apres l'auoir exposé, autres Imprimeurs & Libraires de ceruy nostre Royaume, le vousissent semblablement imprimer, ou suscitassent les estrangers à ce faire, & par ce moyen frustrer ledit Petit-pas de ses frais & mises, rendre sa peine inutile & luy faire receuoir perte & dommage. Pour à quoy obuier, &afin qu'il se ressente du fruict de son labeur, il nous a tres-humblement supplié & requis luy permettre faire imprimer ledit Liure en tel caractere que bon luy semblera, & interdire à tous autres Imprimeurs ou Libraires de l'Imprimer, & aux estrangers d'en apporter, vendre ne distribuer en aucune ma-

niere que ce soit, & à ces fins luy octroyer nos lettres necessaires. Novs A ces cavses desirant l'aduancement de la chose publique en cetuy nostre Royaume, & ne voulant permettre que ledit suppliant soit frustré de ses frais, peines, & labeurs, vous mandons & enjoignons par ces presentes que vous ayez à permettre comme nous permettons audit Petit-pas, imprimer ou faire imprimer ledit Liure, vendre & diseribuer iceluy en telles formes & caracteres que bon luy semblera: faisant tres-expresses inhibitions & defenses à tous autres Imprimeurs, Libraires & autres personnes de quelque estat & condition qu'ils soient de l'imprimer ou faire imprimer vendre & distribuer, contresaire ou alterer sans le consentement dudit Petit-pas, durant le terme de six ans, apres que ledit liure sera paracheué d'imprimer, & aux estrangers d'en apporter, vendre ne distribuer, sinon que de ceux qu'aura fait imprimer ledit suppliant, fur peine aux contreuenans de vingt cinq liures tournois d'amende pour chacun exemplaire, applicable moitié à nous, & l'autre moitié audit suppliant, confiscation d'iceux, despens, dommages & interests. De ce faire vous donnons pouuoir & mandement special, nonobstant oppositios ou appellations quelsconques, pour lesquelles & sans preiudice d'icelles ne voulons estre differé, Clameur de Haro, Charte Normande, & priuilege de pays, ausquels nous auons derogé & derogeons par cesdites presentes: Et pource

que d'icelles le suppliant pourra auoir affaire en plusieurs & diuers lieux, nous voulons que au vidimus d'icelles fait par l'vn de nos amez & feaux Conseillers, Notaires & Secretaires, foy soit adioustee comme au present original, & outre qu'en mettant par bries le contenu du present priuilege, au commencement ou sin dudit Liure, que cela ait forme de signification, & soit de tel esse t, force & vertu, que si ces dittes presentes auoient esté particulierement monstrees & signifiees: Car tel est nostre plaisir. Donné à Paris le dernier Iuillet, l'an de grace mil sixcens dix, & de nostre Regne le premier.

Par le Roy en son Conseil.

Signé BRIGARD

## LEPITHETE


D'HONNEVR,

D'HENRY LE GRAND IIII. du nom, Roy de France & de Nauarre.

Où par abregé sont representées les plus grandes actions de sa vie, son lamentable trespas, & ses Obseques.

Dedié à la Roynemere Regente en France.

Par Andre' DV CHESNE Tourangeau.



A PARIS,

Par Charles Chappellain, ruë des Carmes, au College des Lombards.

> M. D.C. X. Auec Prinilege du Roy.

#### Extraict du Prinilege du Roy.

Par grace & Privilege du Roy, il est permis à Iean Petitpas Imprimeur & Marchand Libraire en l'Université de Paris, d'imprimer & vendre un liure intitulé, Eloge Royal, ou Epithète d'honneur d'Henry le Grand cor. Et sont saites defenses à tous autres Imprimeurs & Libraires d'en imprimer ou vendre, sinon de ceux que le dit Petitpas aura imprimez, & ce pendant le terme de six ans, sur peine aux contrevenans de vingt cinq liures d'amende par chacun exemplaire applicable moitié au Roy, & l'autre moitié audit supliant, confiscation d'iceux, despens, dommages, & interests, nonobstant oppositions ou appellations que lconques. Donné à Paris le dernier de Iuillet, l'an de grace mil six cens dix, & de nostre regne le premier.

Par le Roy en son Conseil.

'ali gode, coo e po th DOTX

Signé,

BRIGARD.



## A LA ROYNE MERE REGENTE EN FRANCE.

## Bien que vous ayez esté pro-

ADAME,

noncee GRANDE du même iour que vous auez veu la lumiere : si est-il vray que vostre GRANDEUR n'eust pas esté entière, si vous ne fussiez deuenuë GRANDE ROYNE, en espousant un Roy, qui par sa valeur s'est acquis le noble 🔗 glorieux surnom de GRAND, & d'Incom. parable. Vous aueZ, M A D A M E, eu part enla GRANDEVR dece Roy, pendant qu'il a dignement regné dedans la France, es l'auez quant es luy rendue plus heureuse, florissante, & redoutee, qu'elle n'auoit esté plusieurs siecles auparauant. Maintenant que la mort enuieuse de nostre longue felicité l'a proditoirement

rauy de la Terre pour le faire heureusement regner dans, le Ciel : & que vous estes seule par puissace absoluë, ce que vous estieZ auecluy par merite:ie me suis affermy sur ceste creance, que vous ne reffuserieZ part & credit en vos faueurs à l'Image de ceste mesme GRANDEVR, que ie represente icy sous les TILTRES D'HEVR & de VERTV tirez des plus grandes actios d'Vn PRINCE si recommandable; & qui ne s'envieilliront iamais non plus que les merueilles de sa vie. Recenez la donc sil vous plaist, MADAME, ainsi que de celuy qui cosacre tous les iours ses souspirs & son cœur à sa memoire, com me il fait presentement à vous ses affe-Elions, & ses esprits pour demeurer à iamais,

MADAME,

De vostre Majesté, Le tres humble, tres sidelle, & tresobcissant sujet & serviteur, Andre Dy Chesne.



## LELOGE

DV GLORIEVX TITRE

DE GRAND,

DONNE POUR EPITHETE.
dhonneur au tres-Victorieux, tres-Auguste & tres-Clement, HENRY IIII.
du Nom, tres-Chrestien Roy de France &
de Nauarre, apres sa mort.



E ne sont pas les homes qui se sont accordez ensemble pour nommer ce Prince de la Flevr de lis, que la France vient de perdre, le Grand

&l'Incomparable. La Providence diuine, & la Vertv, s'estans vnies en vn mesme sujet, suy ont acquis iustement ce glorieux Titre, & les grands miracles qu'elles ont fait en sa personne, l'ont glorieus entre enrichy de toutes les qualitez plus esseuées, qui pouuoient meriter vne gloire immortelle. Autant d'actions de sa Majesté, c'estoient autant de Vertvs, & de merueilles, qui l'exemptoient de trouuer son pareil: & autant de particularitez du cours de sa vie, autant de mysteres de la Prevoiance diuine, qui reservoit son courage pour sauver & faire resseurir cest Estat.

CE sont les Titres plus illustres des Roys, & les qualitez plus eminentes des Monarques, destre appellez les Aigles & les Sacres, pour leur hautesse & sublimité: les Avgystes, pour leur diuinité: les Hevrevx, pour leur prosperité: les Fovdres, & les Tonnerres, pour l'éclat & le bruit de leur valeur: les Pasteurs des peuples, pour leur prudence: les Pies, pour leur deuotion & pieté, les Peres de la Patrie, pour leurs merites enuers les Pays de leur origine.

Mais ce Grand Prince, que tout le Monde pleure & regrette, partageoit en commû tous ces titres, & toutes ces qualitez, auec les autres PRINCES qui les ont euës: en luy seul estoit le gros de touts ces Epithetes d'honneur, que les autres

n'ont possedées qu'en detail.

C'ESTOIT VN AIGLE en sublimité, puis qu'il auoit volé si haut, qu'il ne s'estoit épouuanté du Tonnerre. Aigle à aisse tenduë, lequel auoit tousiours l'esprit en l'air, haut, haut dedans le Ciel, & qui sur terre, ne sentoit rien moins que la terre. Aigle en droite pointe de ses yeux sur les plus beaux yeux du Ciel, & grand chef d'œuure de Dieu, comme sils aisné de la Nature, qui ne tenoit rien à sief, ny en hommage que de Dieu mesme, & qui n'auoit rien sur luy que le Ciel & le Soleil. Prince en sin dont l'authorité pou-uoit oster la paix aux autres Princes, comme la plume d'Aigle deuore les plumes des autres Oyseaux.

C'estoit vn Sacre empenné de hautesse, puis que son haut vol trouuoit le Ciel trop bas pour s'essore. De voler haut, il s'y plaisoit, de sondre à bas, il ne pouuoit. La bassesse luy estoit vne sumce aux yeux, vn famier au nez, vn absynthe au goust, & vne horreur à sa Royalle nature. Son cœur estoit tellement fait aux l'Empereur. C'Estoit vn Avgyste en diuinité, puis que toutes ses actions estoient augustes & divines, voire augustement & diuinement pratiquées par luy, comme par vn autre Auguste. L'on conte de cet Empereur Romain, que de ses yeux sortoit vn éclat qui donnoit de l'admiration aux yeux, & de l'estonnement aux esprits de ceux qui le regardoient. Et dans l'entendement de ce grand Avov-STE de nostre Rome n'estoient qu'Emeraudes, Rubis, & Diamants, qui comme autant de Soleils de perfections auoient les éclats si brillants, qu'ils esblouissoiet & faisoient des eclairs à la veue des plusclair-voiants, & des merueilles à leurs ames.Il auoit ainfi qu'Avgvste,,remply l'Vniuers de la renommee de ses felicitez, fermé le Temple de IANVS pour nous ramener la Paix sans ailes, & rendu far la fin de son regne la France toute de marbre, bien qu'il ne l'eust trouuce que de brique au commencement.

IL s'estoit acquis le titre d'Hevrevx, non de la façon, que quelqu'vn disoit heureux le Roy de Perse, pour estre venu fort jeune à vn si puissant Estat : car comme répondit Agesilaus à cestuy-là, Priam en tel âge ne fut pas malheureux: Mais pour avoir esté toussours éclaire du Soleil de touts les plus heureux, & plus honorables bon-heurs du monde. C'estoit luy qui couchoit en la chambre de labelle Fortune, c'estoit son mignon, & fon fauorit, il dormoit sous son pauillon, il sommeilloit sur son oreiller, voire il reposoit entre ses bras, & à pleins voiles il jouissoit du vent de la prosperité, & des delices de la terre. C'estoit à son occasion que cette Maistresse des humains estoit passe en Fance sans patins volans, fans boule roulante, ainsi qu'on dit qu'elle passa la riuiere d'Eurotas, pour demeurer chez les Lacedemoniens. Il s'estoit, maniant l'espee, presenté de tel front à elle, qu'il sembloit qu'elle lui cust donné l'authorité de ses commandements par tout le monde, & qu'elle ne peust refuser la victoire ny les trophecs à

Biij

l'asseurance de sa dextre: Comme depuis ayant repris le caducee pour s'asseoir au thronepaisible de sa gloire, & comme l'Arbitre irrecusable de la Chrestienté, les rayons qui en éclatoient, touchoient les pl' hardis de si soudain ébahissemet, qu'ils pensoient de sa Majesté Royalle, ce que Seneque disoit de la grandeur & felicité imperiale. C'est moy, disoit-il sous la personne d'vn puissant Empereur, qui ay esté si aggreable aux Dieux, qu'ils m'ont choisipour estre leur Lieutenant en terre : C'est moy qui les seconde, c'est par ma bouche que se prononcet les Arrets immuables de la bonne ou mauuaise Fortune des humains. Tous ceux qui le voioient en ce haut degré de Majesté, où il estoit, auoient veu la Fortune, (j'vse de ce mot, selon le vulgaire) qui faisoit vn festin, à tous les Rois & Princes dela terre, & qui en leur presence & à leur veuë, deliant deux Courones qu'elle auoit sur la teste, les auoit imposées sur la sienne, & declaré hautement qu'elle les luy donnoit, comme ayant esté le plus magnanime Prince, qui cust combatu contre elle en la campagne des temps, tant passez que presents. Elle qui ayme la nouveauté, & qui est legere & inconstante, n'auoit iamais eu guere d'arrest en ses actions: Mais en la personne de ce Victorieux Monarque, il sembloit qu'elle s'y fust arrestee pour y demeurer. Il estoit, non le piuot où elle auoit tourné, mais le bois où elle auoit fiché le cloud de son inconstance. Et si elle l'auoit chery en jeunesse, elle le caressoit hors de ieunesse: si son Printemps luy auoit pleu, son Autonne luy estoit tres agreable. En verd ou en gris, elle estoit tousiours à luy, bien que ceste humeur luy fust chose inaccoustumee. Et certes le monde croioit, que pour luy seul elle contraignoit son naturel. Ouy, on le croyoit, & disoit on qu'elle se violentoit soy-mesme pour plaire à ses honneurs: de sorte que pour luy seul sembloit n'auoir esté dit, ce que Solon auoit dit à Cræsus, que les Roys, quelque beau visage que fortune leur fit, ne se pouuoient appeller Hevrevx, iusques à ce qu'on leur eust veu passer le dernier jour de leur vie, pour l'incertitude, & varieté des choses humaines, qui d'vn bien leger mouuement se changent d'vn estat à vn autre tout divers.

CE PRINCE estoit encor yn Foydre,

& vn Tonnerre, puis qu'il avoit emousse la force de ses ennemis, comme on dit que les Serpents frappez du foudre perdent tout leur venim. Le foudre tombant en la Chambre du Roy François premier, presagea les malheurs de la France en Italie. Mais lors que ce Fov-DROIANT, qui du Ciel& de la terre faisoit vn seul fonds pour sa grandeur, rendoit la fortune toute noire de courroux, brui-ante en tempeste, brillante en éclairs, foudroiante en tonnerre : tempeste, éclairs, & tonnerre pelle-melle, il sembloit que la Terre & le Ciel eussent pessemeslé leurs fureurs pour abysmer & met-tre à fonds les desseins de ses énnemis. C'estoit yn Tonnerke, qui quelque part qu'il roulast, presageoit tousiours la vi-ctoire de la Tres-Chrestienne flevr DE LIS, comme celuy qui tomba sur le Chasteau S. Ange en l'an 1571. presagea l'insigne victoire des Chrestiens à Le-pate, où les Turcs perdirét pres de vingt mille hommes, cent cinquante galeres, cinq mil prisonniers, trente-quatre principaux Capitaines, fix vingts Gouuerneurs, ou Cointes de Galeres. En vn mot, qui sçait comme la foudre vengeresse resse perdit le superbe Salmonée pour auoir voulu aussi vainement que malheureusement contresaire la soudre de IVPI-TER, roulant des chariots sur l'airain sonnant deses ponts,

(Iupiter l'abisma pour auoir contrefait La fondre de l'Olympe, & le bruit qu'elle

fait)

Cestuy-là doit sçauoir quant & quant comme ce IVPITER FOVDROIANT de l'O-lympe FRANÇOIS, punissoit les temeraires Salmonées, qui au hazard du soudre, vouloient contresaire ses soudres, comme il bruioit en tonnerre, pour esclater en soudre sur ceux qui vouloient aller du pair auec ses honneurs infinis & nom-

pareils.

IL estoit aussi le Pasteve des peuples, puis que non seulement nous le tenions pour l'Agamemnon de nostre Grece, qu'Homere appelle de ce nom, mais aussi puis qu'il estoit le prudent conducteur de tant d'hommes, & qu'il auoit la reserue, & le gouvernement de tant de troupeaux humains: voire puis qu'il estoit Roy d'vn Royaume le plus remply & le plus peuplé qui soit au monde, & d'vn Royaume quigrouille de personnes, &

qui en a tant que frapant du pied la terre, on en fait sortir des buissons, & fourmiller par les campagnes. Aussi luy estoit-ce vne grande felicité de commander à tant de gens si sublims en esprits, si opulents en richesses, si grands en forces. Ce luy estoit vn grand heur d'estre seul homme qui presidoit sur tant d'hommes, & d'estre seul Chef, qui gouuernoit tant de Chefs.

IL estoit pareillement l'Antonin des Pies, & des Deuotieux, non tant pource qu'il portoit le nom de Roi Tres-CHRESTIEN, & dc FILZ AISNE DE L'E-GLISE, ainsi que ses predecesseurs, qu'à cause qu'il aymoit la Pieté par dessus tous les Princes Chrestiens, & quetoutes ses actions estoient vrayement dignes d'vn PRINCE TRES-CHRESTIEN, & de la pieté de la Maison de Bovrbon, de laquelle on void de si memorables remarques par toutes les Eglises de France:voire dignes de la deuotion & du religieux zele qui canonisa jadis Monseigneur S. Lovis, appellé par Innocent IIII. PRINCE CATHOLIQUE ET ROI TRES-CHRESTIEN, de la tige duquel il auoit en fin esté recogneu, & dont il sui-

noit la Foy, comme il portoit la Couronne: Aussi son cœur estoit il le Temple dans lequel il conservoit & entretenoit le feu sacré de l'Amour de Diev, veillant à son seruice, & Estat, qui est l'Eglife, comme si Dieu ne l'eust fait grand, qu'à fin qu'il l'aimast plus grandement, & le seruist plus librement. Les fruicts de la Piete' setrouuoient par tout. Paris les cultiuoit, la Cour en imitoiteles exemples, France en benissoit le zele, & les Eglises plus celebres de son Royaume, qu'il a decorees, les Hospitaux qu'il a fondez, les Colleges qu'il a fait bastir, en conseruent encor, & conserueront à iamais la memoire.

C'ESTOIT en fin le Pere de la Patrie, le Traian des bons Roys de la terre, qui fur ses vertus portoit les cœurs de ses sujets, & toute leur gloire sur ses triomphes: le Chervein & premier enfant du Ciel, qui l'espec flambante au poinquoir dessendu l'entree du Paradis de sa France, à ses ennemis: le grand Doien & premier Pair des Princes de son siecle: ce Traian, qui seul meritoit au monde les yeux de tout le monde, ce bel Astre, sous qui ceux qui viuoient ne pouuoient assez

Cij

longuement viure, iusque là que les semmes estimoient heureuse leur secondité, voiants pour quel Prince elles ensantoient des suiets, & pour quel Caritaime des soldats. Et vrayment estoit-il Pere de la France, puis que non seulement il auoit releué les ruines de son Empire, & fait reuiure sa gloire presque esteinte, mais aussi l'auoit esseue à vn étage de grandeur si haut & redoutable, qu'elle inanioit sous luy l'espee & le caducee, la paix & la guerre de toute l'Europe à discretion.

A ces iustes louanges que la verité luy donnoit par l'Uniuers, à ces glorieux eloges, à ces Titres d'honneur, que la Verty combatant pour l'immortalité de son nom sournissoit à sa gloire, ceste grande Renommee qui s'estoit sormee par la singuliere prouidence & grace de Dieu, de ses Royalles Vertus, adioutoit, qu'il étoit l'Invincible, le Triomphant des Victorieux, le Victorieux de plus vaillants & belliqueux, le Tresvalliant, Tres-veillant, Travaillant, le Clairvoiant, le Restaurateur de son Royaume, le Fondateur durepos public, le Protecteur de la

13

Paix & tranquilité de l'Europe, l'ORNE-MENT de l'Eglise, l'ARBITRE des Chrestiens, la Sevrete du Monde, les De-LICES & l'AMOUR du genre humain.

Ovi, il estoit Invincible, puis qu'en son esfroyable sureur il atterroit & enterroit tousiours ses ennemis, & qu'il estoit par tout le terre-tremble de leur cœur: Puis qu'il se portoit courageusement aux endroits où le peril estoit plus grand, où l'on ne voioit pleuuoir que sang, ny gres-ler que morts, & qu'il n'a cessé iamais de vaincre sans estre vaincu, iusques à tant qu'il ayt cessé d'estre ce qu'il estoit.

IL estoit le TRIOMPHANT des Victorieux, puis que tout glorieux detriomphes, tout triomphant de gloir e, il auoit tant de fois vaincu ses haineux en leurs

Victoires.

IL estoit le VICTORIEVS des plus vaillants & belliqueux, puis que iamais vaincu, tousiours vainqueur, & conduit de Dieu parmy les armes chaque iour double combat, double victoire, l'vne contre ses ennemis, l'autre contre les siens, & contre soy-mesme, vsant de prudence, où la generosité lui pouvoit porter dommage.

IL estoit le TRES-VAILLANT, TRES-VEILLANT, & TRAVAILLANT, puis que comme Scipion Emilian entre les Romains; il estoit tenu pour vn grand Chef de guerre en son camp, pour vn sage Scnateur en son Conseil, & pour vn disere Orateur en ses harangues militaires: qui sont les trois vertus, ou plustost les trois Couronnes immortelles dont les plus grands Vainqueurs ont esté jamais honorez. Et ceux qui regardoient de pres ses actions, disoient de luy ce que l'on disoit des Israëlites, qu'il auoit l'espec en vne main, & la truelle-en l'autre, pource qu'il reparoit d'vne part les ruines de son Estat, & les desordres des troubles: & de l'autre, il l'accroissoit & augmentoit par les armes.

Il estoit le Clairvoiant, puis que les yeux deson esprit ne s'esblouissoient point à la clarté, ny ne s'obscurcissoient és tenebres. Non, ils ne s'esblouissoient point à la clarté, puis que comme petits Aiglons, qui sont les Princes de l'air, ils regardoient asseurément le Soleil des plus grandes prosperitez, luy faisoient tête, & tenoient bon sans claigner controses rayons. Ils ne s'obscurcissoient point

és tenebres, puis que comme on disoit des yeux de l'Empereur Tibere, qu'il voioit de nuit comme en plein iour, aussi le bon iugement de sa Majesté penetroit les plus prosonds affaires si clairement, que ce qu'vne sois il auoit approuué & prononcé, estoit tenu & reputé pour bien

iugé.

IL estoit le RESTAURATEUR de son Royaume, puis que la France, qui se laissoit tomber sur ses propres ruines, & se jettoit entre les bras & à la mercy du desespoir mesme, aydee de sa main s'estoit si heureusement releuce: puis qu'il auoit rompules fers, sous lesquels gemissoitle puissant Empire des Gaules, auoit essuié les larmes des François, mis la discorde abatuë à ses pieds, & fait tous ses sujects vn corps vuidé de ses mauuaises humeurs, & remply des esprits de concorde & d'obeissance: auoit di-je fait vomir à la rebellion toute sa colere en vn coin du Royaume, & amollirles cœurs (que ceste Meduse auoitendurcis en rochers) sous l'ineffable impression de ses FLEVRS de Lis.

IL estoit le Fondateur du repos public, puis qu'il auoit estably l'abondance, & la seureté parmy son peuple, planté l'obeissance & la felicité par tout.

IL cstoit le Protectevr de la Paix, & tranquilité de l'Europe, puis que non seulement il auoit rapelle la Paix & la tranquilité, donné l'harmonie & le temperament à cegrand corps malade de la Chrestienté, tant agité des symptomes & convulsions de nos animositez: mais aussi puis qu'il tenoit en vray Alexan-DRE, le pied ferme sur le milieu du cuir, qu'il regnoit heureusement dans le cœur des François, comme dans le cœur de la France, & que la presence de ses vertus tenoit les choses en tel estat, que rien ne bougeoit, rienne s'esleuoit, s'il ne remuoit, ses ennemis n'ayans pas moins d'occasion de le craindre, que ses sujects de l'aymer: puis en fin que sous les heureux auspices de ceste paix, il iouissoit du repos, qu'il auoit donnée à tous au prix de son sang, & de trente cinq annecs de son âge emploiées en des exercices si penibles & laborieux.

IL estoit l'OR NEMENT de l Eglise, puis qu'il estoit son premier fils, le fils aisné de la creance des Chrestiens, & puis que comme disoient autrefois les Ambassa-

deurs des Rois de Hongrie, & de Boëfme estans à Tours, au Roy Charles VII. il estoit la Chrestienne Maison, où les autres Princes n'en sont que la Muraille, la Colonne de l'Eglise Catholique, où les

autres Rois n'en sont que l'Escu.

IL estoit l'Arbitre de la Chrestienté, puis que son nom venerable & glorieux auoit acquis tant de creance & d'authorité parmy tous les Chrestiens, que ses Volontez estoient receués pour Loix sacrees, ses Conseils pour des Preceptes infaillibles, & ses Parolles pour des Oracles du Ciel: Puis que le Conclaue & le saint Siege les respectoiet, l'Allemagne & l'Italieles honnoroient, l'Espagne les redoutoit, l'Angleterre y deseroit, & les Pays bas s'y soubmettoient.

Il estoit la Sevrete du Monde, puis que tout le Monde se retiroit comme à l'abry sous l'ombre de ses lauriers, & puis que tout le Monde, comme tousiours, & en tout temps, ne trouvoit autre resuge sous luy, qu'à la Couronne de France, ainsi que les passans aux arbres sueillus,

durant le foudre de l'orage.

C'estoit en fin vn Titus, l'Amove de tous les peuples, les Delices, & la BIEN VVEILLANCE du genre humain, puis que ses plus puissants voisins mesme ne pouuoiet celer, qu'ils ne ressent que de se voir vn tourment plus extreme que de se voir priuez de sa veuë & de sa presence, comme de l'object qu'ils desiroient le plus au Monde, les actions duquel ils estimoient non seulement immortelles, mais diuines: & ne sçauoient s'ils deuoient plus enuier sa fortune, qu'aymer sa valeur, & admirer son merite, tant l'vin & l'autre surpassoient les merueilles du Monde.

Avssi sous ces honorables conditions, le grand Seigneur voulant monstrer l'estime qu'il faisoit de ce Prince, en comparaison des autres Princes Chrestiens, ausquels la Maison des Ottomans ne par-le que hautement, lui donoit les titres de GLORIEVX, MAGNANIME, ET GRAND SEIGNEVR DE LA CROIANCE DE 1ES VS-CHRIST, ES-LEV ENTRE LES PRINCES DE LA NATION DV MESSIE, TERMINATEVR DES DIFFERENS QVI SVRVIENNENT ENTRE LES PEVPLES CHRESTIENS, SEIGNEVR DE GRANDEVR, MA-IESTE'ET RICHESSE, ET CLAI-

RE GVIDE DES PLVS GRANDS. Titres autant pompeux & fauorables, qu'ils sembloient luy, appartenir autrement qu'à tous les Monarques & Potentats du Monde.

Et defait, Diev qui le regardoit autrement que les autres, comme le Soleil void d'vn autre œil Ivpiter que Saturne, & qui l'auoit mis à part pour le faire vn Miracle dela Nature, l'auoit noblement & glorieusement appennagé de tant de Grandevrs, & de Vertvs particulieres, & de si haute & si auguste marque, que toutes les actions de sa vie n'ayants esté que merueilles, & tous les succés de ses affaires que Miracles, on ne pouvoit apres sa mort le surnomer d'vne plus finguliere & plus remarquable qualité, que de celle de Grand, & d'Incomparable. Qualité qui ne s'enuicillira jamais, & qui fortifice du vent de la bonne fortune de ce Prince, ombragera les plus hautes Grandeves, & fera commo le Soleil, qui seul de iour, ou plus que nul autre de tous les Feux du Ciel, a sa clarté brillante,

Plein d'immense grandeur, rond, Vagabond,

Et tenat de sous soy tout le mode pour terme, obscurcira le bril plus esclatant de toutes, sans estre obscurcie d'aucune, & ne pardonnera pas mesme à ceux qui pour estre trop essoignez n'en voudront entrer en admiration & reuerence.

C'est vne ancienne coutume, & de long temps pratiquee parmy nous, de donner à nos Rois des tesmoignages vniuersels & publics, de leurs Vertus Royalles, apres leurs trespas. Et me plaist fort qu'en vne si sainte police qu'est la Fran-çoise, se soit messee ceste belle & louable ccremonie. Depuis que PHILIPPES le Bel eust esté par cry public surnommé le Ca-THOLIQVE, à la poursuite du Clergé, l'on a tiré tels Epithetes d'honneur en pratique, & cherché depuis dans la vie de nos Roys les plus belles vertus de leur ame, pour les en honorer à son de trompeapres leur decés, & leur donner vn perpetuel credit au Mode. Ainsi Philippe de Valois fut apres sa mort appellé le BIEN-FORTUNE', Iean son fils, le Bon: Charles V. le SAGE & le RICHE. Charles VI. nomméle BIEN-AIME, CHAR-LES VII. le TRES-VICTORIEVX, Louys XII. le Pere D'V PEVPLE François I. enrichi du Titre de Cle-MENT, & de Pere des bonnes Lettres, & Henry II. son fils, de la qualité de Belli-Quevx. Auparauant quelques Roys auoient receu le mesme honneur, mais sans aucunes solemnitez, & par un taissble consentement du peuple, qui le leur descroit selon les merites de leurs vertus. Charles, premiere tige de la seconde race, receut en ceste façon le surnom de Martel: Louis, celuy de Debonnaire, & long temps apres Philippes II. sur surnommé l'Auguste, & le Conove-Rant.

La condition d'HENRI IIII. l'Honneur des Roys de la terre, & le Soleil d'où tant de rayons d'Honneur au monde, estoit sanctifiée de l'heur de tous ces titres honorables.

CELVI de CATHOLIQUE luy appartenoit autant ou plus iustement qu'à Philippe le Bel, puis que sa Religion & Piete reluisoient tant en l'Eglise Catholique, & que le chef de l'Eglise Catholique Apostolique & Romaine ne luy refusoit aucune de ses benedictions, voiant que Dieu luy enuosoit toutes celles, qu'il auoit jamais données aux Roys, les quels

D iij

estoient selon son cœur.

CELVI de BIEN-FORTVNE! luy estoit deu, aussi bien qu'à Philippe de Valois, auquel ce fut vne grande & bien belle fortune, de paruenir à la Couronne de France, par la mort de trois hoirs mâles, enfans de Philippe le Bel, qui tous moururent dans l'espace de treize ans, sans laisser aucune lignee. Ouy, il lui estoit deu, puis que la Couronne de France a passé si legerement & sans beaucoup s'arrester aux Maisons de Valois, d'Orleans, & d'Angoulesme, pour le venir trouuer comme celuy qu'elle cherchoit & desiroit pour quelques secrettes vertus qui luy apparoissoient, & que depuis monté sur le Theatre de la Royauté, il luy a fait apparoistre. Ce que considerant, il me seble voir vn voyager, qui sans seiourner en beaucoup de beaux lieux, & de belles maisons, qui se presentent en son chemin, marche & passe tousiours auat pour gagner vn noble Palais, où il tend, & n'a cesse ny repos qu'il ne se voic où il desire.

CELVI de Bon luy estoit naturel, puis que sa Naturele publicit l'vn des meilleurs Princes de l'Europe, qui ne se lassoit jamais de bien faire, & qui paroissoit

comme vn Diev bien-faicteur entre les hommes: Ouy, le titre de Bon luy appartenoit, & naturellement & par acquest, à d'autant meilleur titre qu'à I EAN fils de PHILIPPE de VALOIS, que ce qui est vniuersellement & absolumet bongest meilleur, que ce qui n'est bon qu'en particulier & à condition. Le Roy I EAN estoit Bon en particulier, mais sous luy furent enfantées les longues & penibles divisions que ses peres avoient preparées à la France & à l'Angleterre, sous luy defaillit plus que deuant aux François le bien de la Paix, & de la tranquilité du Royaume, bien vniuersellement bon, & que nous deuions estimer d'autant meilleur & plus parfait, que ce braue Prince l'auoit épars & rendu commun par tout, qu'il auoit rendu l'ame à la France', & luy auoit fait vn corps tout neuf.

SA SAGESSE & SES THRESORS luy donnoient pareillement le surnom de SAGE & de RICHE, aussi bien qu'à Charles V.II estoit SAGE, & Prudent, puis qu'ilauoit tant de SAGESSE en son Estat, & que la PRVDENCE mesme estoit le quadran de toutes ses actions. Il estoit RICHE, puis

qu'il avoit acquité ses debtes, recouvert son domaine, & enrichila FRANCE d'or, de fer, de courages, trois pointes du foudre de la guerre. Ouy, il estoit SAGE, puis que naturellemet & des sa naissace, il foisonnoit en esprit & intelligece, en sens & iugement, puis qu'il aymoit tant les gens Sages, & experimentez aux Conseils & affaires, & que comme vn autre Charles V. il auoit vn fi grand zele au fait & conduite de la iustice & police de son Royaume. Voireil estoit beaucoup plus Sage que Charles furnommé le Sage, pour ceste qualité Royalle, puis qu'il ne sut jamais blamé comme cestui-là d'auoir fait aucun acte de peu de Sagesse, & que Platon mesme eut estimé son Estat heureux, pour estre gouverné par vn si SagePRIN-CE. Ouy, il cstoit RICHE, puis que l'on ne pouuoit l'accuser d'indigence; non plus que les enfans d'Attalus & de Crœsus, de pauureté:voire plus Riche que ne fut jamais CRASSVS, & les Thresors qu'il a laissez en mourant, non feints, comme ccux duvieil Ferdinand de Castille, qui par ruse d'Estat faisoit croire qu'il auoit vn grandamas de Finaces en la Tour de Xiatine, & de tout rien. Il estoit Riche au dessus

dessus des plus riches Roys, puis qu'il au noit chez soy son Inde, & son Perou, & tout ce dont les autres Royaumes se vantent trop ambicieusement. Car il les auoit sans frais d'armées, sans fatigue de nauigation, sans hazard, sans tempeste, & toussours asseurées dedans son sein, & au

milieu de sa tranquilité.

LA BIEN-YVEILLANCE du Monde luy auoit donné la qualité de BIEN-AIME beaucoup plus iustement qu'à Charles VI. puis que le Monde de vertus qui l'accompagneient, le faisoient aymer & desirer, non sculement des siens comme vn bonRoy, mais aussi de toutes les Nations dela Terre, comme vn grand Prince, & que CHARLES VI. ne fut pas mesme aymé ny defiré de la Royne sa femme, ny du Dauphin son propre fils, qui lui firent la guerre, lors que pour son foible cerueau, la France s'abismoit presque dans la confusion, & luy-mesme & son espouse furent sousmis en la puissance des Anglois, anciens & mortels ennemis de sa Couronne.

IL auoit encor gagné le nom de Tresvictorievx, à l'espec & pistolet, à meilleures enseignes que Charles VII.

L'yn auoit conquis sur les Anglois, tout ce qu'ils tenoient en France, horsmis Calais. Et la valcur de l'autre se mettant comme la muraille entre luy & les Espagnols, luy auoit donné les Palmes qu'il tenoit, auoit ietté l'eau sur le feu de nos embrasements, donné guerison à nos playes, rappellé les Loix & la Iustice fugitiues,& fait que la France du lit mortel où elle estoit, passe, desiguree, & de qui l'on ne recognoissoit dessa plus le premier visage, estoit n'aguere l'estonnement & l'espee qui donnoit crainte aux plus puissantes Monarchies, l'Estoille qui auoit les plus grandes illuminations du Ciel de la fortune, & l'heureux Empire pour qui les destins sembloient auoir renoué de plus grandes destinées, & juré solemnellement sur les Autels de l'Eternité de plus grandes promesses. Ouy, il portoit le nom de TRES-VICTORIEVX, puis que par ses Victoires il auoit releué l'honneur de la Monarchie des Lys, que ceste bonne Espagne, l'Espagne ceste bonne voisine fouloit aux pieds, & puis qu'il auoit fait cognoistre à tous ses ennemis que jamais la France ne fut assaillie qu'auec la honte & le regret des assaillans: ennemis qui ne l'osoient regarder que comme vn Lyon en terre, comme vn Aigle en l'air, & au Ciel de sa vaillance comme vn Soleil, qui escartoit, qui dissipoit toute tempeste & orage, tous-jours haut en Aigle, tousiours rayonnant en Soleil, & tousiours braue sur eux en Lion.

Le Titre honorable de Pere Dy Pey-PLE, luy estoit communauec Louys XII. non seulement pour auoir deliuré son peuple,& chasse la fedition du milieu de luy, mais aussi pource que comme le propre metier de Dieu & des vrays Roys, est de s'emploier pour le salut des hommes, aussi sembloit-il n'auoir iamais vaqué à autre exercice, qu'à procurer le bien & le repos aux enfans de la Chrestienté, & ce de tant plus soigneusement & diuinc-ment, qu'il estoit par dessus les autres Roys Chrestiens, vnc plus viue image de la diuinité: Sur tout depuis que ceste Diuinité auoit honoré sa dextre du Sceptre François, elle auoit par excellence marqué son cœur des traicts de ceste sienne image, luy donnant le celeste desir qu'on voioit brusser & briller en luy du bien & falut de ses sujets. On dit de Louys XII.

Eij

que sabonte Royalle auoit joint ensemble l'Empire & la Liberté. Et ce mesme Prince disoit qu'il n'appartenoit au Roy de France, de venger l'iniure du Duc d'Orleas, qui estoit vn mot plus beau que fon sceptre, plus grand que n'estoit grad fon Empire. On en peut dire autat de nôtre braue HENRY, qu'il auoit fait toute la France Françoise, & redonné la Liberté premiere à ce fleurissat Empire des Gaules:Et qu'estant Roy de France, il n'auoit pas voulu venger les iniures du Roy de Nauarre, nó plus que le Roy Louys XII. ne se ressentoit de celles du Duc d'Orleans. Aussi estoit ce vne personne publique, & comme terrestre Divinité, qui obligeoitles autres par les beaux actes de son pouuoir & de ses vertus, ne visant qu'au bien des peuples qu'il auoit en charge, à l'imitation de la souueraine Majestė, qui a fait, & fait tout pour sa creature raisonnable. En vn mot, il estoit bien Pere du Pevele, puis que du coing, & à la vieille marque de ces bons anciens, qui Rois & Peres, commandoient, non comme Roys, mais comme Officiers, comme Ministres de la Royauté, il alfoit si prudemment au deuant des necessitez de son peuple, qu'il estoit si braue & courageux pour le dessendre, si menager & liberal pour le faire paroistre riche en

beauté, & beau en richesse.

I'L enuioit aussi les glorieux titres de CLEMENT, & de Pere des Lettres &fciëces sur le Roy François premier. De Clement, ayant noié dans la mer de sa CLE-MENCE les choses passées, changé les punitions en recompenses, effacé toutes les marques des animositez & violences ennemies, & preferé misericorde à iustice, douceur à vtilité. De PERE des sciences, ayant fait sous son Empire refleurir les Lettres & les Loix, restabli par Edit folemnel les Maistres de la Ieunesse, exilez par Arrest, & augmenté les Professeurs de la Theologie. Titres d'autant plus grands en luy qu'ils s'estoient depuis cet ans trouuez rares entre les Princes de la Flevr de lis, qui croioient que le Soleil ne luisoit que pour eux. Entre les noms de louange que l'on donnoit à la magnanimité du Roy François, ie ne m'arreste point plus sur ce que les estrangers l'appelloient la Gentillesse, & la Covetoisie du Monde, que sur ce que les François le nommoient le Pere des

E iij

ARMES ET DES LETTRES. Et ces mesmes qualitez embellissoient tant les titres de ce braue Prince Henri IIII. qu'elles n'estoient pas moins estimées entre ses conditions Royalles, que les perles entre les pierreries de ses deux Couronnes. A quoy i'adiousteray dauantage que come vn autre François I. il s'estoit acquis aussi parmy les Suisses l'honorable furnom de Bon Pere de la Nation DES LIGVES, puis que tout aussi tost qu'il se fut auacé sur le thrône de ses plus hautes felicitez, il serra d'vn nœud plus étroit l'Alliance de ceste Republique, & n'eut rien qui luy donnast plus de contentement, en la renouuelat, que de voir ses amitiez moins communes qu'auparauant enucrs la France.

IL possedoit encor la qualité de Bel-LIQVEVX, puis qu'il auoit non seulement dompté ses ennemis, secourus se amis, vangéses iniures, mais aussi rendu la Fortune tributaire à la France, éleué d'autât plus son Estat, que plus il estoit soulé & accablé, & que toutes les armes soudroiantes contre juy ne l'auoient peu iamais dompter: En vn mot, qu'il estoit le plus Belliqueux Roy, qui jamais eust porté sceptre en main, ny Couronne sur teste.

În n'est pas que les trauerses de ceux qui preferoient la ruine de leur patrie, à la conscruation du sacré nom Royal, ne fussent tout de mesme autant d'ombres mises à propos pour luy disposer nouueaux triomphes par les memorables batailles, dont les succez fortifierent entierement les esperances des cœurs Frãçois où il restoit quelque trace de fidelité, & releuer l'éclat de sa gloire & de sa renommee, plus haut, que ne fut iamais celle du Prince CHARLES. Ce fortuné Prince s'estoit par la force du corps & de l'esprit acquis le glorieux surnom de MARTEL, non tant pour ce que pendant les guerres des Maires des deux Palais, lesquelles empeschoiétles Fraçois d'occuper leurs armes ailleurs, il auoit rallié par sa vaillance les deux Mairies en sa personne, & contraint les peuples qui s'estoient des-vnis de l'Estat François, de luy rendre les vœux de leur obeissance: que pour auoir par sa magnanimité comme auec quelque dur Marteau, si bié batu les Sarrasins d'Espagne, qui faisoient par toute la France de tres-ignominieux preparatifs pour le receuoir, & si viuemet poursuiui leurs restes en toutes leurs traces, que la memoire en frappe encorel'ame de leur race. Que si en toutes récotres de qualitez on doit considerer les circonstances, il ne s'en sçauroit trouuer de plus à propos, ny de plus fauorables, pour nostre braue Monarque. Carayant chassé les divisions d'entre les François, & tous les vrays François s'estants jettez entre ses bras, pour ne commettre plus le salut de l'Estat qu'à sa vertu, l'estónement de ses forces en fut si puissant, que les forces des Espagnols, qui s'étoiét esmeus contre luy, comme les plus puissants del'Europe, & qui se deuoient plutost souvenir que les François les auoiét faits Chrestiens, en demeurerent abbatues,& ne remporterent de la France que les foibles Deitez des Romains, la Fie-VRE, la CRAINTE, & la Paste covlevr, sur leur face, & dans leur ame.

SA DEBONNAIRETE'le publioit vn autre Debonnaire, pource qu'il imitoit les exemples de celuy, qui deuant luy s'estoit rendu digne de ce nom par ses dou-

ceurs & bontez naturelles.

Ses Conovestes en fin faisoient voir en luy partout le Monde, vn autre Phi-LIPPE 33

LIPPE CONQUERANT & AVGVSTE, deux qualitez plus infignes des deux premiers Émpereurs de Rome, Jules Cefar, & Octauia. Vn Conquerant, puis que commevn autre Cefar, ou Philippe II. il auoit conquis le Royaume des Gaules à la pointe de son espec, & que porté sur les ailes de son courage à de plus grandes & de plus hautes resolutions, il n'auoit encor deuant sa mort autre pensee que de continuer ses Conquestes. Vn Octauian, vn Philippe Auguste, puis que comme vn autre Empereur, vn autre Monarque Auguste entre nous, il audit restitué la paix & le repos à son Empire, & vn Empire de felicitez à son Estat. Les successcurs de Philippe second, ayeul du Roy S.Louys, devoient à son espee, ce qu'ils estoient, puis qu'auparauant luy les Roys de France ne seruoient quasi plus que de monstre, pour le nombre des grands Comtes, & Ducs, qui possedoient les plus belles & riches terres du Royaume. Et les heritiers legitimes de nostre braue HENRY ne desauouront iamais que la France ne luy doine toute sa grandeur, puis que quand il fut declaré conserua. teur d'icelle, le nom Royal ne passoit

quasi pas le riuage de Diepe, & sembloit se vouloir noier dans la mer de confufron, si Arques n'eust seruy de leuce, pour

en releuer la gloire.

Tovs ces glorieux titres estoient autant d'obligations que la Providence diuine auoit sur ce braue Prince: toutes ces honorables qualitez autant d'hyporeques, que la VERTV s'estoit acquises sur luy: Titres & qualitez auec lesquelles debatoient encor de la presseance la Religion de Clouis, la deuotion de Dagobert, le Cœur & Valeur de Charlemagne, le Bon-heur de Capet, l'Equité de Robert, la Sainteté de Saint Louys, la Bonté de Louys XI. la Magnanimité de luy-mesme, si la Fortune jalouse de la gloire pompeuse de tant de titres & qualitez, entreprenant de renuerser l'appuy qui les soutenoit & maintenoit, n'eust fait sortir du coup, tion pas vne esteincelle, ains vn Soleil de GRANDEVR, qui les a recueillies comme brils éclatans de fa lumiere, & leur donnant place esgalement à toutes autour de sa Couronne, l'a fait nommer le GRAND, le TRES-GRAND Roide la flevr de lis. Nom d'autant plus Auguste, & singulier, que la mort ny le temps ne pourront iamais rien sur luy, non plus que les nuës sur le Soleil, non plus que le seu sur la pierre, que Pline appelle Ætites. Nom que la Monarchie de France doit honorer, & tenir d'autant plus cher, qu'elle en estoit demeurce priuce pres de huict cents ans, & qu'il lui sera voir tant qu'elle sera France, son Henri au plus haut point de sa Grandeur, son Henri le seul Grand de la terre, & qui donnant loy aux selicitez du Monde, n'auoit plus rien à vaincre que sa propre selicité, quand la Mort le croyant vaincu s'esseroia de le voir Victorieux.

Ovi, Victorieux de la mort, puis que sa GRANDEVR a commencé de reuiure par ses playes, & son Honneur par son sang. GRANDEVR qui fait viure le Mort, & qui mourroit si le Mort ne l'a faisoit viure.

Ovi, le Grand, puis qu'il estoit à Sceptre Emperier & absolu releué en montagne sur sa Grandeur, ferme en cube sur son authorité, bruiant en tonnerre sur sa vaillance, rayonnant en Soleil sur sa gloire, gracieux en Printemps sur sa bonté.

Ovi Henri Le Grand, puis qu'il étoit Grand en toutes Royalles Vertus. Grand en Pouuoir, puis qu'il faisoit posfible l'impossible. Grand en Valeur, puis qu'il portoit le baisemain de ses ennemis à la pointe de son espec. Grand en Pieté, puis que c'estoit le plus beau sleuron de son Sceptre, la premiere vertu de son ame. Grand en Clemence, puis qu'il sçauoit pardonner aussi bien que vaincre,& donner la vie & la liberté aussi bien que la mort à ses haineux. Grand en Magnanimité, puis qu'elle luy auoit acquis vn si grand Empire de felicitez. Grand en Iustice, puis qu'elle luy conseruoit les felicitez d'vn si grand Empire, & qu'on tenoit pour iuste tout ce qui luy plaisoit, pour loy tout ce que sa volonté ordonnoit.Grand en Religion, puis qu'elle reluisoit par toute la Chrestienté. Grand en Magnificence de bastiments, puis qu'elle n'auoit sa pareille en tout le Monde, Grand en Foy, puis qu'il n'en auoit jamais manqué à ses amis, ennemis, ny à ses propres sujects. Grand en Preuoiance, puis qu'il procuroit si soigneusement l'accroissement des commoditez de son Royaume. Grad en Liberalité, puis qu'il recompensoit si bien les merites &lavertu de ceux qui l'auoient bien seruy.Grãd en jugement, puis qu'il choisissoit & aua37

viuacité de reparties, puis qu'il estonnoit les plus viss esprits par ses responses. Grand en Courage aux accidents, puis qu'il ne pouvoit estre esmeu d'aucune chose. Grand en Moderation, puis qu'il se tenoit à plein pied sur le point doré de la mediocrité, & donnoit vne assiete tant asseure à son cœur. Grand en Prudence, puis qu'il estoit le plus auisé Prince du monde. Grand en Equité, puis qu'elle paroissoit enuers tous. Grand en sin en toutes Royalles Vertus, puis qu'il les avoit toutes au plus haut point de leurs Grandeurs.

Ovi, le seul Grand, & le Tres-grand de la terre; puis qu'il étoit l'Idee des Gradeurs & Perfections des plus grands Princes & Monarques du Monde, la Perfection & Grandeur des Idées du Ciel, à qui en pleine proprieté appartenoit ce titre Royal, ainsi que plusieurs perles portent le nom des choses à quoy plus elles ressemblent, dit Pline.

Ovi, Henrile seul Grand, puis qu'en luy estoit le gros de toutes les Granders, que les plus Grands n'ont jamais euës qu'en detail, comme on disoit

de Theodose l'Empereur, & qui don? noient par tout ombre aux plus hautes GRANDEURS, non moins que le Soleil emousse la clarté, & affoiblit la chaleur detoute nature de feu, ce dit Plutarque.

Ovi, HENRI LE TRES-GRAND, puis qu'il surpassoit les Heros en Grandeur, les Grands en Vertu, les Vertueux en Hőneur, & qu'il estoit honoré du cœur, & graué en la memoire de tous les hommes.

Ovi, il estoit l'honoré de son siecle, & fa GRANDEVR aura credit au Monde dans les fiecles extremes, ne pouuant non plus s'enuicillir que ses Vertus; voire ceux qui ont porté les titres de GRANDS au temps passe, rendront tous le baisemain à sa Royalle GRANDEVR.

Ovi, les plus GRANDS Empereurs, que le Soleil ait jamais esclairez, estoient inferieurs en quelque chose à nostre Hen-RI le GRAND, & nostre GRAND HENRI les égaloit tous au plus haut point de leurs Perfections & Grandeurs, si sa GRANDEUR esleuce à un si haut point ne leur donnoit en tout la carte blanche.

L'univers a cu six Empereurs, & souuerains Monarques, entr'autres, qui par les merueilleuses actios de leur vie se sont acquis le glorieux surno de GRAND:

SIX GRANDS Empercurs & Monarques, de six diuers Empires & Monarchies: Grece, Macedoine, Rome, Constantinople, Allemagne, & la France. Au nombre senaire remply de tout plein de mysterieux presages, se rencontrent ordinairement les grandes Merueilles. Il a tousiours esté l'Hieroglife de Grandeur, & de perfection, depuis que ce grand Tout fut parfait en six iours : & ce qui est remarquable, la Gradeur n'a jamais esté esté si grande & parfaite en aucun d'eux qu'en Henri de Bovrbon, sixiesme au rang de GRANDS, qui en comparaison des cinq autres a donné l'estre accomply à ceste Grandeva Royalle, comme l'homme petit abregé de toutes les Grãdeurs des autres Creatures, la perfection & l'accomplissement de ce grand Monde, ne fut creé que le sixiesme iour.

HERCYLE le Grand, Empereur de fai Grece, eut de grandes victoires contre les monstres de son siecle. Mais il prit en sin vne robbe & coisse de Damoiselle pour virer le suseau sur le giron d'Omphale, il se sit peigner & attiser au Palais de la Royne de Lydie, & mit bas la peau de Lió, pour se mettre à l'égrais des delices & de la volupté. Henri le Grand estançant les rais slamboians de ses armes, ne plus ne moins qu'vn astre raionnant qui saute d'Orient en Occidét, a retiré la France des fraieurs de tous les monstres du Monde, iamais esseminé, tousiours

plein de cœur & de courage.

ALEXANDRE le GRAND, Roy de Macedoine, apres plusieurs reuers & secousses de fortune, se veid éleué sur le throsne Royal de Darius, tout couroné, tout triomphant en gloire, à mains pleines de lauriers, & qui come l'Oedipe de Sophocle,se pouuoit dire non l'enfant, mais le Dauphin, & le premier né du Monde: Mais la ruine de Thebes, le meurtre de Menander, & du Medecin d'Ephestion; de tant de prisonniers Persies à vn coup, d'vne trouppe de soldats Indiens, non sans interest de sa parolle, des Cosseïens, iusques aux petits enfants, la faute commise contre Clytus, sont saillies vn peu mal excusables. Et s'il a remporté des victoires nonpareilles sur ses ennemis, ce ne fut pas sans auoir la teste fenduë d'vn coup de cimeterre en la journee du Granique; 41

nique, le col froisse d'un pilon contre les Illyriens, l'espaule & la cheuille du pied percées de coups deuant la ville de Gaza, l'estomach percé contre les Malliens, la cuisse faite à jour d'une sleche en la bataille d'Issus, l'os de la jambe sendu en deux contre les Gandrides. A coup dire, sans tant de coups, & sans tant de blessures, sans tant de cruautez, & sans violement de promesses, nostre Henri le Grand s'est triomphamment esseué sur le throsne de ses Predecesseurs, & de la Grandeur de son nom a remply tout l'Uniuers.

Pompee le Grand, l'vn des plus grads Capitaines de Rome, porté sur l'air de ses desirs, & ses desirs enslez du vent de sa vaillance, sur victorieux de tant de nations, qu'il arriua au faite de la gloire, par la grandeur de son courage. Mais la fortune jalouse de ses prosperitez, l'abbatit en sin sous les armes triomphantes de son beau-pere, & sit tomber quant & luy la liberté de Rome. Henri le Grand, victorieux de ses ennemis, & triomphante des victorieux, n'a jamais veu tomber sur luy tant qu'il a vescu, la honte des vaincus: & les vaincus voulans esfacer

leur honte ont tousiours augmenté sa gloire & sa renommee, comme sa gloire & sa renommee depuis ont moté la Frace au plus haut echelon de ses franchises.

Constantin le Grand, Empereur de Constantinople, a donné la paix & le repos à l'Eglise Catholique, Apostolique & Romaine. Mais il a preparé l'enfantement des longues & penibles diuisions, qui ont depuis luy regné dans son Empire. Henri le Grand n'a jamais esté plus grand, ny veu son Estat esleué à vn plus haut estage de gloire & de grandeur, qu'apres qu'il a restitué la paix & la tranquilité à l'Estat de Dieu, qui est l'Eglise.

CHARLES le GRAND, Empereur d'Allemagne, s'estendit & s'essagit sur les plus vaillantes nations de l'Europe: mais il sut affligé de plusieurs pertes, & de la malheureuse bataille de Ronceuaux. HENRI le GRAND, attaqué des plus puisfantes sorces de l'Europe, bandées contre luy, n'a jamais esté battu: tousiours à leur dos & à leurs talons, comme s'il eust porté les victoires sur sa main: Et tant de lauriers qu'o voioit verdoier sur sa teste, ces beaux & riches lauriers, il les auoit cueillis au champ victorieux de trois batailles rangees, main à main, pied à pied, pistolet contre pistolet, espec contre espece dans l'horreur & le carnage de trente cinq rencontres d'armees, de cet quarante combats, & de trois cents sieges de places, où la longueur de ses mains, & la grandeur de son courage auoient tousiours paru.

GRAND donc HENRI IIII. & le seul GAAND de la terre. HENRI la Grandeur de nos jours, le jour & la Grandeur des plus grands Monarques du Monde. HENRI le seul GRAND, puis qu'il passe en Grandeur tous les plus Grands de la terre. HENRI le Grand & le Victorieux, en qui plusieurs Grads Rois & Empereurs, comme plusieurs Marius en vn Cesar.

Ouy, dans le grand Henri, plusieurs Grands ont paru, Hercule, Alexandre, Pompee, Constantin, Charlemagne: cóme jadis en Hercule, en Alexandre, en Pompee, en Constantin, en Charlemagne, Henri le Grand. Ouy, Henrile granda paru dans tous ces grands Empereurs, & la Grandeur d'Henri le grads siglorieux, viura tout autant que la gloire, quine sçait que veut diremort.

G ij

44

Les GRECS ont dit de leur HEREVLE qu'ils ont fait fils de Iveiter, qu'il ne faifoit, voire ne pensoit rien qui ne sut grad, & grandement vtile: & que toutes ses actions, toutes ses cogitations n'estoient que Grandeur. C'est pourquoy en souuenance de luy la Grece a retenu fort long temps en ses mesures le pied d'Hercule, comme le grand pied. Et certainement ils recitent de luy des choses hautes & genereuses, & des actions dignes, d'vn grand & magnanime Prince. Car ils ne le font pas conceu comme les autres, mais à nuits redoublées, & n'est pas fitostné, qu'ils luy font estouffer deux serpents. Il n'est pas adulte, qu'il ne combat & n'abat que des Hydres à sept testes, des Gerions à trois corps, des Cerberes à trois gosiers, tous monstres triples, voire plus de deux fois triples, jettans le feu par les yeux, par le nez, & par la gorge. Scs armes sont vne massuë, ses vestemets vne peau de Lyon: son Amante & Maistresse plus cherie la Vertu, laquelle il voulut preferer à la Volupté, qui taschoit. de le seduire sous l'apas de ses caresses. Hors des combats il est infiniment religieux, & pour la douceur & mansuetude

de son esprit, merite d'auoir vn autel comun auec les Muses. En sin ils sont cet Hercule ensanté, non pour autre suiet ce sembloit, que pour repurger par tout les monstres & les ordures de la terre. Hercule si grand & si respecté par tout des plus grands, qu'Alexandre le grand accepta la Bourgeoisse des Corinthiens, pource qu'Hercule ne l'auoit resusce.

Eт les François, que disent-ils de leur Henrile Grand?Y cut-il jamais de plus grandes merueilles, que celles que la Prouidence diuine a voulu faire voir au monde, non seulement en la naissance & progrez de sa vie, mais en toutes les actions de sa personne? Tout le monde n'a t pas cogneu que comme enfant du Pere tres-haut, il estoit reserué pour remonter la France au throsne de ses plus hautes felicitez? Et n'a t'il pas fait cognoistre à tout le Monde, que ce qu'il ne feroit, il ne falloit pas attendre qu'vn autre le fit? Si nous le prenons en l'excelléce de son origine, ce n'estoit point vn fils de Iupiter, mais le Iupiter du mode mesmes, le confabulateur, & l'amy de Dieu, leDieu mesme bié-faicteur des humains, ainsi que les Grecs nommoient leurs

Roys. Cen'estoit point vn Roy d'adoption, comme on disoit de Caius & Lucius Cesars, enfans d'Agrippe & de la fille d'Auguste, ains d'extraction. Son Pere estoit Antoine de Bovrbon, Prince du sang Royal de France, dont la famille descenduë de ce grand Archambaud, Maire du Palais de nos Roys en l'an 599. & qui souloit garentir par son espec ses, transactions & contracts, auoit par vne gloricuse rencontre, & par le Mariage de Monseigneur Robert de France esté celestement vnie à la Maison du Roy saint Louys, son grand ayeul, & grand predecesseur, & tige de sa Royalle Maison. Sa merc estoit leanne d'Albret, fille des Roys de Nauarre, qui de tout tempont raporté leur origine au grad Her cyles. Sa conception fut vn presage de sa future grandeur aux armes. Car si les Poëres, dont les meilleures denrées ne sont que merceries fabuleuses, ontremarque que deux Deeffes, Thetis, & Venus, ont autrefois apporté des armes à deux desplus vaillants Capitaines du Monde, Achille, & Ence: queliugement doit-on faire de la grandeur de ce Monarque, auquel deuant mesme qu'il sur formé, le

grand Mars a bien voulu fournir de Fleche, & se desarmer pour luy? N'a ce point esté taisiblement annoncer qu'vn iour

De ses DARDS penetrans la pointe qui trauerse,

Feroit deça, de là, mainte playe diuerse, Et mettant bas le peuple à monceaux dessous soy,

Donneroit iusqu'au cœur des ennemis du Roy?

N'a-ce point esté nous predire par vn muët prognostic, que ietté dans la forge de MARS, & dans la plus espessegresle des Fleches ennemies, il contraindroit en fin ses haineux par vne puissance grāde,& grandement redoublee, de luy rédre son heritage legitime, & les plus grands Capitaines de l'Europe de iurer par son espec? Aussi a r'il tousiours brulé d'ardeur de combattre comme Achille dans Homere, & Ence dans Virgile, lors qu'on leur eut apporté les armes faites par Vulcan. Ardeur que l'on ne pouuoit enfanter qu'à nuits redoublées comme Hercules, & par vne conception qui fut la violette blanche, dont la fleur ouuerte presageoit à la France la venuë de son

48

Soleil de MARS. Toutes les circonstances de sa naissance, le lieu, le iour, le mois, furent accompagnées de rencontres grades & admirables. Le Bearn luy sournit de PAV, pour Massue: Sainte Luce, comme

Chafte Lucine Vint sa faueur encliner,

Desia son Apollon commençant de regner. Et du mesme iour qu'il cut veu la lumiere, le plus petit Soleil de l'an le salua l'vn des plus grads Princes du Monde, voire le veid naistre en vn mois si heureux pour sa grandeur, qu'il fut depuis en iccluy sauué miraculeusement, marié & comblé d'autres benedictions. Sa premiere nourriture ne fut pas moins fauorable, pour auoir passé son enfance à Corase en lieux aspres, aux exercices plus rustiques de la campagne, afin que la delicatesse deson education n'empechast les actios de son courage. Les plus grands Monarques & Capitaines n'ont pas esté nourris autrement. O ctauius fit esleuer Auguste son fils, parmy des gens de la plus abjecte sortune, & l'enuoia dés le bercçan nourrir à vn petit village des siens, fort proche de Velitres, & luy tint autant qu'il fut en nourrice & encor au de là, lé failan

49

faisant dresser à la plus basse, & commune façon de viure. Achille passa sa primé vere auec les Centaures, & fut nourry de la mouëlle des Lyons. Aussi cete education dans les rochers plus steriles, cete nourriture toute rustique, & ces exercices laborieux de sa tendre jeunesse furent les certains fondements que le Ciel jettoit pour rendre son esprit & son corps inuincibles. Ce fut là que cet Hercule Gaulois apprist premierement à estouffer deux Serpents, ennemis de la naissance & subleuation des Roys, la Volupté, & la Flatterie. Ce fut en ce lieu, qu'en l'ame de ce Victorieux, ame de l'adoption du Ciel, commencerent de paroistre ça bas en gros les grandes ames du temps jadis; plus veritablement que les Grecs ne disent qu'é certaine isle de la mer Majour, Achilles & les autres preux de la Grece, apres leur mortse montroient familierement en esprit: plus veritablement que l'esprit, qui sous le nom d'Horton raportoit autrefois des nouuelles de tous les coins du monde à Corase, ne se sit voir au Scigneur de Corase mesme. Ramenteuant en quel estat il estoit apres la mort du Roy de Nauarre, son Pere, à qui

H

il auoit affaire en l'an 1568, quel estoit l'orage qui fit fondre sur luy en quatre années dix armées Royalles, quell'estat de sa maison, la tendresse de sa jeunesse, & les grands affaires qu'il auoit sur les bras : c'est encor exprimer dauantage, combien Dieu a basti sa grandeur sur vne basse & perilleuse descente, &qu'Hercule ne fut jamais plus grand, que quand il fut afficgé des Pigmées. Toutes les grãdes actions de savie & de son regne, & qu'il a si heureusement acheuées pour mettre la France en paix, la Paix en honneur, & seurcté, surent des metueilles qui eussent estonné autant d'Herculs. Hercule portoit toufiours la peau du Lyon qu'il auoit tue, comme Thesee la Massuë de Periphetes ce voleur insigne. Et quel corps pour tant de trophées, pour tant de peaux de Lyons encore toutes sanglantes, autour de tant & tant de trophées de nostre HENRI? Luy ce Thesee, luy cet Hercule, luy ce grand Camille qui a retiré la FRANCE du bassin de sa riuiere, de l'enfer de ses confusions, des fraieurs de tous les monstres de la terre, & qui à l'espec & pistolet-a donné loy à tous les manuais Demons conjurez contre la fortune de cet Estat. Finalement ce que le Poëte disoit d'Hercule, apres qu'il eut espousé Hebé:

> Qui parauant estoit de Iunon ennemy Fut tost apres son gendre & son meilleur, amy

Iele dis d'HENRY le GRAND, apres qu'il eut espousé sa Couronne. Aussi la ville d'Auignon voulant representer ses victoires & triomphes, & n'en ayant peu rendre les honneurs à la personne de sa Majesté, les rendit à son portraiet sous l'essigle d'Hercules, comme Adrian sit triompher le Tableau de Trajan.

HENRI donc, l'Hercule des François, fans pair ny fans peur, & qui doit se donner pour singulier honneur, qu'on escriue à la base de sa statuë, HENRI IIII. Domptevr DES Monstres, puis qu'il a laissé vn heritage net & paisible à son heritier legitime, & à soy vne gloire immortelle, d'auoir comme Vaspassan, relequé le Temple d'Honneur, & de Vertu.

C'A tousiours esté le naturel d'Alexandre, de ne rien faire, & ne rien engendrer que de grand. Aussi disoit-on qu'en la Grandevr estoit tout son esbat. Et sa composition mesme estoit telle, que

Hij

tout ce qu'il auoit en luy, voire le plus vif, n'estoit qu'honneur, & que grandeur. Car mesme sa sueur, dit Plutarque, n'estoit que muse & parfum odorat, c'estoit mirrhe, c'estoit cynname. S'il pleuroit, c'estoit de peur que son pere Philippe ne. le laissaft sans rie faire. Et toutefois apres fa mort, la Macedoine commença de floter sur le devoir (comme toussours les peuples vont à gauche) & se fust volontiers portée toute entiere entre les mains d'Amintas, & des enfans d'Æropus. La Grece sut en caprice, en humeur de jouer. à băder & à racler contre luy: l'or & l'argent des Perses en flux & en marée pour mettre le Peloponnese en mouuement: Les Scythes au point de battre aux champs, & de porter la main à l'espee sous la faucur de leurs voisins, tres jaloux de voir ce Prince sur son boute-selle. Mais aussi sa vertu touchee à l'Aymat de l'honneur, regarda tous ces dangers de plein œil, & leur alla au deuant comme si sans danger. Sa main ne sit jamais faux à son cœur, ny son cœur à la vertu, plus il fut à l'estroit, plus il tascha d'essargir ses coudées, & le descendant de ses affaires le mit à l'ascen dant de son courage, iusques à faire obliger les Dieux en sa faueur, & en tirer des oracles pour pleige deleur obligation; Tv es invincible, MON FILS. S'il batissoit c'estoit ou la ville d'Aristote son precepteur, ou celle d'Alexandrie, qui retient encor aujourd'huy le nom & le renom de son Auteur. S'il triomphoit, c'estoit du gére humain. S'il conquestoit c'estoit le monde entier, ne remettant rien au lendemain. Encor en vouloit-il plusieurs pour les vaincre,& son cœur plus grand que la terre, (bien qu'il ne fust qu'vn point en la terre) ne pouvoit estre borné des bornes de la terre. Son cœur n'estoit qu'yn Sacre empenné de grandeur, & qui n'enduroit les plus penibles trauaux de la guerre, que pour estre loue des Atheniens, voire qui ne vouloit autre butin de ses victoires & conquestes que l'honneur & la gradeur. Trouuoit-ill'escrain des parfums de Darius?il y enfermoit son Homere.Prenoitil Thebes? il pardonnoit à la maison & famille de Pindare. S'il vouloit vne statuë, il la vouloit de la main de Lisippe, comme sa peinture de la main d'Apelles, & vouloit vne statuë, non de deux ou trois coudées, mais vn Colosse plus grad

Hij

que le mont Pelion, plus sourcilleux que l'Olympe, plus esseué que le plus haut mont de Thrace, & ne la vousoit oissue ou inutille, mais qui tint d'vne main vne grande ville, & de l'autre versast yn grand fleuue, & pour sa baze, qu'elle cust vne

grande estendue de Pays.

Tovres ces Grandeurs setrouuoient en nostre grand Roy. La GRANDEVR estoit l'air où il voloit, l'Ocean où il se bagnoit, & la terre où il faisoit ses courses plus heureuses. C'estoit la campagne où comme vn Coursier genereux il prenoit sa earriere, où il se plaisoit de jetter la poudre au vent, & de paruenir auec longue haleine, au but de ses Royalles intentions. Il estoit à la teste, & non aux pieds dela GRANDEVR, son ame vn mont de Liban, & non vn vallon de Raphaim, vn Chaisne haut & sourcilleux, & non vnc petite bruiere, vn Soleil, & non vne bafse estoille, vn Tibre, & non vn ruisseau, vne mer de grandeur, vn Ocean de toute fublimité. Sur tout en l'Aube de son bien faire, & lors qu'à cœur de diamant, comme vn grand & genereux Prince, & vray diamant de son siecle, il voulut jetter sa reputation au jour; quelle fut sa gradeur?

Esleué dés l'âge de sept ans pres de ceux ausquels il deuoit succeder par droit & par merite, il fut à seize recogneu General d'un party dont les esperances abbatues par la perte de quatre batailles, commencerent à se releuer sous la faueur de ses armes, & sous le bon-heur de son grand courage. A Coutras, l'orient de fes esperances, il se fit craindre à ceux qui ne le vouloient aymer, ny recognoistre. HENRI III. son predecesseur, desesperé & presque pris dans Tours, sut si heureusement secouru par luy, que son seul nom releua les courages plus abbatus, & sa hardiesse l'eust trois mois apres fait rentrer victorieux en sa ville capitalle, sans l'execrable parricide qui finist sa vic. A lors les vrais François iustement desolez, & apprehendans plusieurs Tyrans pour vn Roy legitime, dont ils recognoissoient la iuste cause, se ietterent entre ses bras, & commirent à sa vertula laivengeance de leur Prince, & le salut de l'Estat. Et bien que le mois d'Aoust luy semblast preparer en moisson les felicitez d'Auguste, l'estonnement neantmoins fut si puissant & la fidelité si abbaruë, que plusieurs l'abandonnerent hon-

reusement, & comme Macedoniens semiblerent plus que iamais floter sur le deuoir. Toute la terre s'esmeut, & les plus puissants de l'Europe, come autres Perles & Gregeois preparerent leurs armes contre luy. L'insolente obstination des rebelles luy fit faire autant de combats que de traites, autant de sieges que de logis.Les Roys, les Princes, les Prouinces, les Estats, les Villes, les grands & les petits, les riches, & les pauures, les ieunes & les vieux s'opposoient à luy comme contre vn ennemy public pour l'acca-bler, & il s'adressoit à eux comme vn pcre à ses enfans, pour les gagner. Par tout où il passoit, tout cedoit à ses armes, & à peu dire en peu de temps il fit voir qu'il n'y auoit parcille force que la diligence, & que les plus grandes conquestes ont été executees en ne perdat point de teps. Aussi eut-il comme vn autre Alexandre, toutes ses victoires, en ne remettant rien au lendemain: & sembloit qu'il courust la France, non pour combattre, mais pour vaincre: tousiours moins liberal de son honneur que de nulle autre chose, comme le plus doux fruict qui se peut retirer des labeurs de la guerre, n'estant que

que cela: Le casque en teste, le harnois fur le dos, vn autre Bucephal entreles jambes il ne faisoit que demander: Où sont-ils? on sont les ennemis? comme Alexandre, Où est Darius, où sont les Perses. Toutes les villes forcées publicrent sa puissance, les rendues sa foy, les surprises sabonté. Bref quelque temps apres, & par sa valeur, & par constance & patience, il contraignit les Roys, les Princes, les Prouinces, les Estats, les villes, les grands & les petits, les riches & les pauures, les jeunes & les vieux, de le rechercher, & se prosterner deuant sa Royallé Maieste L'Espagne mesme, ayantrecogneu par la reprise d'Amiens, que l'impossible cedoit à la Iustice de ses armes, & qu'il estoit tousiours inuincible, luy demanda la Paix, quittant tout le profit de la guerre pour l'auoir: si qu'il sembla lors que la France n'eust esté abbatue par les mains ennemies, que pour se releuer plus haut par les siennes victorieuses, tantilluy acquist vn repos honorable par l'heureuse fin de ceste guerre ciuile. Et comme le mont Caucasus, les mótagnes Émodienes, la riuiere de Tanais, & lamer Caspiene, furent les images du

pouuoir d'Alexandre; il fit les Alpes, le superbe rocher de Montmelian que les nations tenoientimprenable, le Piedmont, & les Pyrenées images du sien. Encor ce grand Alexandre, & qui a meritéletitre de GRAND Roi, ne se contenta pas d'auoir coupé le nœud des diuisions de son Empire, & fait boire tous ses suiets en vne mesme coupe d'amitié, les ayant mis en la plus profonde & plus heureuse Paix qu'ils pouvoient desirer,il rechercha les remedes aux desordres qui ne se pouvoient guerir au temps de guerre, & voulut encor denouer les liens qui pouuoient tenir la France dans les Labyrinthes de la misere, & de la souffrance; si comme Alexandre, il fust mort sans Davphin. Pour quel effect il épousa la plus grande Princesse de l'Vniuers, & declaree Grande des le propre jour de sa naissance, MARIE DE MEDICIS, quele Ciclauoit destince pour estre l'ornement de l'Italie, la gloire de Florence, le lustre de sa maison, l'espoir de la France, & la tige des Roys. Et les fruicts & benedictions que Dicu donna à ce mariage, seruirent de couronnement à ses grandeurs precedentes, comme de remedes aux

maladies publiques de son estat, pourceque luy ostant la crainte qu'il pouuoit auoir, qu'apres sa mort la gloire de son Roiaume ne fut precipitee du haut point de son ascendant, comme jadis des Roys de Macedoine, successeurs du grand A lexandre, il s'en estoit fait des Greffiers & Menuisiers à Rome, elles rendirent tost apres les seurs de Lis sorissantes, par la naissance d'vn Davphin, Auraport de Pline, iamais l'Empereur Auguste ne prist vn plus certain presage de sa grandeur future, sinon de ce que comme vne fois il se promenoit sur le bord de la merde Sicile, vn Dauphin sortant dehors des ondes luy vint saillir aux pieds. Et la naissance de ce DAVPHIN ROIAL, fût vn asseuré tesmoignage à nostre Auguste de la bonté de Dieu, & de tout ce qu'il auoit ordonné pour la grandeur & pour le repos perpetuel de son Royaume. Tesmoignage auquel pour gage eternel du falut de ses suiets, pour asseurance certaine de la Grandeur de ses Lis, &pour gloire immortelle de son heureux regne, le Ciel adiousta puis apres cinq autres Royalles plantes, pour en affermis dauantage les grandeurs & les feliciteza

E

Et quant aux bastiments de ce grand Monarque, il acheua pendant la Paix, no des Alexandries, mais des Saines Germains, & des Fonțainebleaux, qu'il auoit plus de suiet d'appeller de son nom, que n'en eutiamais Alexandre le Grand de doner le sien à ceste ville d'Egypte, pour estre le recueil & l'abbregé des perfectos de l'industrie, le compliment de l'artifice de tous les hommes. Il poursuiuit le bastiment non d'vne petite ville, en l'hon-neur de quelque Aristote, mais bien vn grand Louure, qui s'esseue aussi haut sur les belles Maisons du reste de la Chrestienté, que la grandeur de ses vertus Royalles s'esleue sur les vertus des autres Princes de la terre. Et c'est ainsi qu'il se contentoit de cultiuer les fruicts de la Paix, sans penser à la guerre, que pour rauoir le sien, ou qu'il ne fut offensé. Alexandre prioit que iamais homme ne poussait & ne portait ses conquestes plus loin que lui. Mais on a souuent ouy dire à ce GRAND ROI, que quand il cust peu rendre la Maison de Frace aussi puissante en l'Europe, qu'est celle des Ottomans en l'Asie, quand il eust peu prendre tous les Estats de ses voisins, il ne l'eust pas

fait, au des-honneur de sa parolle obligee pour l'asseurance de la Paix. Ce sut vá coup hardy à Staficrates, de vouloir donner chambre & logis à dix mille homes dans la main gauche d'Alexandre, & de la droite luy faire verser vne grosse riuiere dans la mer. Mais si les choses font grandes ou petites par la comparaifon des vnes aux autres, ce Stasicrates ne feroit-il pas sa montagne petite en penfant par sa grandeur rendre grand nostre ALEXANDRE? Cent pour dix, mille pour cent, millions pour mille, autat degrads courages vaincus, & mis sous le joug par HENRILE GRAND, comme d'hommes au mont Athos fous la main de fon faux Alexandre.

En Thrace, donc parmy l'horreur des rochers; qui péleroit en Meduse empierrer ce Prince, dont la Grandeur jette ses rayons aussi auant que le Soleil, & qui ne fait moindre logis qu'en l'estenduë de tout le Monde. Stasserates d'un rocher & d'une montagne vouloit faire un Alexadre. Mais quel corps d'homme par l'esprit, ou quel esprit pourroit representer nostre Henri par le corps? Sa Grandeur qui s'alongera autant que le temps, & qui lij

va du pair auec les fiecles des fiecles, elle ne mourra point. Et bien qu'il n'y ayt des montagnes Thracienes en nostre France, ny des images sur nos montagnes, si ne mourra t'elle jamais, & ne laissera d'y auoir vn plus Grand Alexandre au monde, que ne fut jadis Alexandre le Grand, vn Henri grand guerrier, tresgrand, tres-sage, & tres-heureux Politique:vn Grand Henri, que l'on peut appeller Enuoyé du Ciel, comme commun Reformateur, Gouverneur, & reconciliateur de l'Vniuers, plus iustement que ne faisoit Plutarque son Alexandre: VN HENRI LE GRAND, dont la gloire plus que des plus GRANDS, dont la memoire plus que des braues & vaillants n'aura jamais ny borneny fronticre. Vn Henri plus grand qu'Alexandre, dont la grandeur nous sera plustost Deité que dignité, comme celle d'Alexandre le sut entre les Atheniens, puis qu'il estoit comme vne Deité terrestre entre nous.

POMPEELE GRAND, duquel on dit parmy ses autres qualitez, qu'il estoit fort bon homme de Cheual, auoit fait de grandes & diligentes conquestes pour la Republique Romaine, auoit vaincu Ser-

rorius dans les Espagnes, subiugué les Roys Mithridates & Tigranes, purgéla mer de Pyrates en quarante iours, bref contraint tant d'autres peuples & citez de recognoistre sa valeur, qu'il en auoit mis dans le Threfor public vne grande quantité de tres riches despouilles, & s'en estoit acquis l'honneur & lagloire de trois infignes triomphés. Mais ce qui l'auoit plus recommandé, c'estoit qu'en toutes ses victoires, il auoit tousiours vse de clemence & de douceur vers les vaincus, iugeant qu'il estoit aussi beau de faire les Roys, que de les surmonter, & qu'il auoit combatu iusqu'à la mort pour la liberté publique, ayant toussours deuant les yeux que quand la mort auroit mordu son corps, elle n'auroit nulle prise sur ses vertus, qui sans le corps ne laisseroiet pas de viure en la beauté de ses actions, comele Liege, & cetarbre que Pline appelle Adrachné, ne meurent point pour leur oster l'escorce. Capable au reste de n'estre iamais vaincu, s'il n'y eust point eu de Cesar pour le vaincre.

Novs auons en nostre GRAND Ros, de pareilles, voire beaucoup plus fauorables rencontres. Car de vaillance & de

resolution il en auoit, comme Pompee, tout ce qui s'en pouuoit imaginer : en auoit fait autant, ou plus de preuue que Pompée mesme, & ses exploits de guerre portoient bien autant de tesmoignages de hardiesse se sessiance militaire, que ceux de Pompée: la victoire le suiuant comme son ombre, par tout oùil guidast. Les peuples & villes qu'il auoit contraints de recognoistre son merite & sa vertu, les Princes qu'il avoit soumis à son authorité, les batailles qu'il auoit gagnées par sa valeur, luy auoient transporténonles triomphes de Pompee, mais les lauriers triomphans d'Alexadre, Victorieux de soy-mesme; Victorieux du temps, Victorieux de son heureuse fortune, qui ne fut one vaincue que de luy, il auoitabsous ses ennemis au lieu de les codaner, les auoit louez au lieu de les blasmer, les auoit aymez & restablis en leurs Estats & dignitez, au lieu de les hayr & despouiller de leurs moiens. Autant de citoiens, autant de beaux exemples de sa douceur, & dignes des mœurs & dela grandeur de sa personne. Mais en cela du moins preferable à Pompée, que combatant pour les loix, pour la patrie, pour

le sien mesme, il n'auoit comme luy, esté accablé de malencontre, ains ne s'estoit iamais veu plus heureux, que contre les ennemis de sa Couronne, & iamais Dieu n'auoit fait voir à la France vne plus grade certitude de sa conduite & gouvernement envers la Flevr de lis, que quand il combatoit pour elle, & preseroit le bié

publicà son propre interest.

Constantin le Grand, premier fondateur du nom & del'Empire de Cóstantinople, a esté vn Prince, qui toussours a manié ses vertus à l'auantage de son peuple, qui s'est tourné à droit & à gauche pour affermir son repos. Mais ce qui l'a recommandé dauantage iusqu'à nous, c'est que s'estant fait imprimer le diuin caractère des Chrestiens sur le frôt, il donna tréue aux persecutions de l'Eglise, dissipa les nuages qui troubloient son contentement, l'eleua sur le thrôsse plus haut de la tranquilité, bres fit grauer la Croix en ses estendars, en vertu de laquelle il eut de grandes victoires.

HENRI le GRAND, au dessus duquel on ne recognoist plus rien de grand en la terre, ce Grand Roy, qui surpassoit tous les Roys de son siecle en grandeur ausse.

bien qu'en merite, ne laissoit rien en blac ny en vuide sans le remplir de ses bienfaicts. Il auoit rendu son Empire sembla: ble au Soleil, qui ne luit & n'eschausse que pour les homes & les elemés, à la terre qui porte, & n'en a que faire. Rien ne donnoit plus d'éclat, rie ne releuoit plus la grandeur de sa Royauté, que ses actios qui visoient toutes, & n'auoient ny blanc ny butte que le bien public. Luy ce bon Roy, tousiours estoit vestu & habillé des passions de ses peuples, & tout entier à eux, afin qu'ils fussent tous à luy. Mais ceregloire est petite au prix de celle qu'il a meritee, non seulement quandil a tendu les bras à la Verité, & recogneu l'Eglise, quele Pape luy a commencé d'enuoier toutes les benedictions qu'il enuoioit aux Rois, lesquels estoient sclon le cœur de Dieu, que Dieu

Sur tous ses compagnons comme plus à son

L'a d'huile de liesse abondamment sacré. Ains sur tout lors que jouissant heureusemét de la Paix, que ses armes glorieuses luy auoiét acquise, il n'a pas estimé ceste paix entiere, ny ses contentements parfaicts, que toute l'Eglise Chrstienne ne

iouist quant & luy d'vne tranquilité generale. Ouy sa gloire sut grade, lors qu'il se prosterna premierement à genoux à l'Autel sacré, dans l'Eglise de saint Denys, Apostre de la France, qu'il professa la Foy & Religion de ses ancestres, qu'il reprit l'honneur de Fils Aisne' de l'Eglise de Dieu, Catholique, Apostolique & Romaine, & que come vn autre Roy d'Armenie Tigranes, auquel vn Sophiste conseilloit d'espouser toussours les vertus, & non les fautes d'autruy, il se fut affermy sur ceste resolution : Qu'il ne suiuroit plus les autres sur leurs chopements, que la Iustice, & les Autels de Dieu servient les bornes & la frontiere de ses actions. Ouy, la gloire de ses armes sut plus grande lors que Roi Tres-Chrestien il fut sacré & couronné dans le milieu de son Royaume,& dans le plus ancien Temple de la Chrestiente', pource qu'à ce coup les cœurs timides furent fortifiez, & tout le pretexte qui donoit tant d'audace aux meschants, tant de crainte aux gens de bien, & tat de suiet de rebellion aux plus violents, s'esuanouït. Ouy, la gloire de sa Paix & tranquilité fut tres-grande, lors qu'il dressa toutes ses pensées & tous ses

desirs à vne sainte reformation de l'Eglise en son Royaume, & qu'écor le saint Siege autourd'huy tenu par nostre saint Pere Paul V. Sacré Parrein du plus haut FLEVRON DES FLEVRS DE LIS, aressenty la douce & forte chaleur de ses desirs ardens aux differents interuenus entre luy,& le Venitien, quand par l'entremise du tres-illustre Cardinal de Ioievse, sa Majesté les a si heureusement demessez & composez, obligeant d'vn eternel biéfait celle noble & ancienne Seigneurie tousiours affectionnée à ceste Couronne, ains toute la Chrestienté menacée par vne petite bluette, de se voirardre d'yn esclandre, dont la flame eust donné. iusqu'aux Estoilles du Ciel, & les cendres iusques au Centre de la Terre. Ausse ce grand Prince a t'il tousiours regardé lebien dela Religion, & l'a plus qu'aucun Prince Chrestien, procuré &auancé detout son pouuoir, croiant que son propre office estoit au seruice de Dieu, & à la Iustice, aussi bien qu'aux armes. Et comme l'vn des plus grands con-tentements de Constantin sut celuy des bastiments de sa Constantinople pendant qu'il cut la Paix, aussi n'y auoit-il exercice qu'HENRI le GRAND estimast plus digne de sa gradeur, lors qu'il iouisfoit du repos qu'il auoit acquis à la France, que de rebastir les ruines du temps, & faire des Edifices qui regardissent autant l'ornement de son Royaume, & la commune vtilité de son peuple, que sa gloire. La grande Eglise d'Orleans, Fontainebleau, sainct Germain, Monceaux, le College Royal de la Fleche, les Chemins reformez, mais sur tout le Pont neuf de Paris, le Louure, les Tuilleries, l'Arcenal, la place Royalle, l'Hospital S. Louys, la Rue Dauphine construite & percee de nouueau, Tous grands ouurages, soit que l'on considere les bastimets par les desseins, ou les desseins par les bastiments, breftant de mazures rebasties ds marbre & de porphire, seront à longues années tesmoins non seulement de l'emploite Royalle de ses moyens, de sa liberalité naturelle, & de sa munificence, ains aussi qu'il auoit plus de subiet d'appeller ceste grande ville HENRINOPLE, de son nom, que n'en cut iamais Constãtin, de nommer du sien la ville de Bizance, ny Charles LE Chavve, I'vn de ses predecesseurs, de donner à Compiegne K iij

celuy de CARNOPLE, apres l'auoir fait.

CHARLES, qui par la valeur de son espees'acquist le surnom de Grand, & qui porta l'Émpire d'Orient en Occident, iugea, dit l'Historiographe de nostre GRAND PRINCE, qu'il ne pouuoit entreprendre rien de plus digne de son courage & de sa grandeur, que de faire par le moien du commerce, vne FRANCE de toute l'Europe, comme Alexandre de toutel'Asie, n'en auoit fait qu'vne Prouince. Il entreprist pour ce de ioindre le fleuue de la Saone à la Moselle, qui seictte dedans le Rhin, & faire aller le Rhin dans le Danube, lequel enflé du tribut de soixante rivieres se iette dans la mer. Mais ce Grand Roy, qui par la force de sa valeur auoit fait d'vn Nerac toute la France, auoit par les effects d'vne tresheureuse paix rendu tout le Monde le commun pays des François, & toutes les villes de France la retraicte de tout le Mode. Charles Le Grand ale premier portéla Fleur de Lis dans Florence, apres auoir reparé les ruines de ses fondements: & la Seigneurie de Florence afait present à nostre Henri le Grand

d'une PRINCESSE, qui a fait fleurir la FLEVR DE LIS dedans la France, & la renduë feconde & abondante en germe Royal, seul soustien & fondement du Royaume. Adelephonse Roy de Gallice tenoit Charles le Grand à tel point de merite, qu'il se disoit son seruiteur. Le Roy d'Ecosse le nommoit son Maistre, & son Seigneur, le saint Siege son bien-faifaicteur, l'Italie son Prince, la France son Roy, l'Allemagne son Empereur: & Aaron ce puissant Roy de Perse, qui donnoit la loy presque à tout l'Orient, deploioit faucurs sur faucurs, caresses sur caresses, & ne vouloit pas qu'autre que CHARLES cust main & authorité sur le faint Sepulchre. Et que voyons nous au monde qui ne contribuast n'aguere à la grandeur de HENRI le GRAND, dont CHARLES estoit l'vn des predecesseurs? Rome ses benedictions, l'Empire l'honneur de sa main droicte, l'Italie son baisemain, la Seigneurie de Venise son Alliance, l'Angleterre son amitié, la braue Suisse toutes ses piques, Hollande & Zelande ces deux vicilles guerrieres, le trenchant de leurs espées, Portugal le regret de ses Roys legitimes, l'Arrago ses plain; tes, la Nauarre ses souspirs & ses larmes; Castille sa crainte, sa terreur, son effroy, la Sauoye son respect & reuerence, la France son obeissance & sidelité, le grand Seigneur mesme sa bienucillance, sur tout autemps qui de si long temps estoit en nos veux. Ouy, bril & esclat, honneur & terreur deuoient bien porter les grandes vertus, & les vertueuses grandeus de ce PRINCE, puis que le grand Ture mesmes, ce foudre esclatant sur tant de peuples, le tonnerre & la terreur de tout le Monde, le festoioit de caresses, le caressoit de presents, en poignard, & cimeterre à la garde & fourreau d'or, garny de rubis, en pennache de plumes de heron, entées en vn tuiau tout couuert de turquoises, prefentez ces années passées à la Maiesté par Barthelemy de Cueur son Medecin, auec ceste excellente & haute brauade à la Flevr de lis, Qu'il estoit assez puissant pour passer sur le ventre de tous les Princes Chrestiens, sans excepter ny Pape ny Empereur, pourueu que le Roy de France ne s'en messast point: Que sans le cœur, le cimeterre, le poignaid, le pennache d'HENRI DE BOVRBON, il feroit porter le Tulban à toute l'Europe Chrestienne. Ainsi la gran73

deur & la haute dignité de celui qui l'honoroit pour le craindre, & qui le craignoit pour l'honorer, releuoit-il d'autant plus son honneur, & rehaussoit sa grandeur aux yeux de tout le Monde.

HENRI donc lescul GRAND, &le TRES-GRAND de la terre, puis qu'en luy seultant de GRANDS Roy, comme les Cieux, qui d'autat plus sont esseuez, d'autant ont-ils leurs mouuements grands en vertu, & moindres en nombre. Roy, comme vn Maistre, gracieux, & doux, qui en ses leçons ordinaires toutes esclatantes, toutes resonnantes de grandeur, monstroit aux Rois; que pour estre vrayment Roys en vertu, leur falloit suiure les vertus d'vn si GRAND Roi. Grand, trois & quatrefois Grand, luy qui du Ciel de son throsne, du haut de sa grandeur, donnoit ioye à ses amis, mal de cœur à ses enuieux, honneur à la posterité, exemple aux courageux, & courage à ceux qui n'alloient que d'vn pied sur le bien-faire.

IL estoit donc le seul GRAND, le TRES-GRAND de la terre, & sa Grandeur, la Grandeur de ce Prince incomparable; de ce Roy Tres-Chrestien, ce sage Pilo-

I

74

te, cegrand Cocher du Monde, s'estendoit,s'eslargissoit sur toutes choses, & come elle comprenoit tout, sembloit que rien ne la peust comprendre. C'estoit le Roy le plus GRAND, & le plus haut en degré d'honneur & de Grandeur entre les hommes, luy qui seul entre vn milion d'hommes, où rien que sa Volonté pour Loy, rien que sa Voix pour Oracle, son Sceptre puissant sur terre, son Trident formidable sur mer, & qui estoit esleué à vn point si grand & redoutable, qu'il pouuoit doner & oster la paix à qui il luy plaisoit. Les autres GRANDS, comme vn Hygyes en la Comté de Paris, vn Alain en la Duché de Bretagne, vn BAVDOIN en la Flandre, vn Theodose en l'Empire d'Orient, vn Отном premier en celuy d'Occident, vn Mahomet second fils d'Amurat, victorieux de la grande & renommee Costantinople, entre les Turcs: tous ces Princes, qui tous se sont acquis les titres de GRANDS, n'estoient que des Pigmées autour de nostre HERCVLE GAYLOIS: ou si c'estoient des Colosses en leur grandeur, ils estoient comme ceux de la ville de Millet, ou comme ces dieux des Tarentins, dont nostre GRAND ALE-

XANDRE, & nostre FABIVS le TRES-

GRAND ne faisoit qu'vne risce.

CE seroit offenser la memoire de ce Princeincomparable, d'oublier qu'apres tant de victoires & de triomphes, tant de graces & defelicitez, tant de grands effects de Iustice & de Pieté, de Valeur, & de Clemence, de Prudence & d'autres Vertus Royalles,il n'auoit voulu oublier pour comble de sa Grandeur, le Courónement de celle que Dieu luy auoit donnée pour couronner les benedictions & les faueurs que sa Providende auoit abondamment versées dessus son regne: ains en auoit fait celebrer les folemnitez au Temple plus renommé de son Royauaume, pour les glorieuses richesses de son Thresor, & les sacrez monuments des Roys ses predecesseurs, & au mesme lieu que deux autres grandes Roynes, CA-THERINE de MEDICIS, & ELIZABETH d'Avstriche auoient esté couronnées.

Paris, l'ornement & l'abregé du monde, & qui sur le monde de ses merueilles porte le baisemain des autres villes & Prouinces, faisoit lors diligéee d'acheuer l'apareil d'vne grande & Royalle entrée pour honorer le Triomphe de cete Prin-

Lij

cesse, auec vne pompe & magnificence vrayment digne des Megalesies de Berecinthe la mere des Dieux. Les Arcs, les Pyramides, les Statuës, les Tableaux, les Theatres, Temples, & Trophees enrichis de belles & ingenieuses inscriptions, & tant d'autres hardis ouurages, tous rayonants d'or & d'azur, donnoient desia de l'admiration aux yeux, de l'estonnement aux esprits, & de l'allegresse à toutes les nations de la terre, qui come aux ieux seculiers y estoient inuitées pour y voir ce. qu'elles n'auoient veuny ne verrontiamais ailleurs. Les beaux esprits meditoient des Deuises & Cartels Royaux, les sçauantes & riches plumes escriuoiet des Pancgyres & chants divins, pour honorer l'heureuse entree d'vne si grade Roine das sa ville Capitale, bref chacun se preparoit de dire ou faire quelq; chose pour le doncr à son honeur, & pour l'adjouster à ces publiques magnificences.

LA FRANCE d'autre costé voioit son Soleil, ce grand slambeau, qui maintenoit son Cicl, au plus haut & plus redoutable point de sa Grandeur, & qui se promettoit de faire bien tost voir à toute l'Europe, insques où pouvoit monter sa 77

puissance. L'Espagne & l'Italie s'estonnoient au bruit de ses armes, la Flandre & l'Allemagne trembloient, & les autres Nations prenoient l'espouuante à la seule apprehension du tonnerre, qu'il se preparoit de rouler iusques dans leur frontiere.

Maislas!ce Grand Roi, qui s'estoit trouué in uincible à tant de grads efforts de la fortune, & victorieux de plusieurs accidents du Temps, a cheremet esprouué parmy ces solemnitez qu'il estoit encordistingué de la commune des Roys, par l'issuë, come par le seiour. Les grands Princes & Monarques ont presque tousjours esté reseruez aux poisons, ou à l'asfassinat. Alexandre que la valeur enrichit du gloricux titre de GRAND, fut proditoirement empoisonné par les siens. Iules Cesar, surnômé le Conquerant, pour ses grandes conquestes, fut inhumainemet meurdry par vingt & trois Assassins. Et nostre Henri le Grand, helas! au grand regret non de la France seule, ains de toute l'Europe, a naguere senty les pointes plus acerées d'vne pareille infortune, sans que, ny le respect de son front si releué de Majesté, ny la reuerence du sa-

cré caractere que le doigt divin avoit imprimé dessus son front, aient peu faire tober de l'ame de ses ennemis vn proiet tất execrable. Il a lors que moins il le de-uoit, non aualé du poison comme Alexandre, non ressenty la douleur de vingt & trois coups comme Cesar; mais las!par la rigueur d'vn seul couteau guidé de la main parricide d'vn abominable monstre, esté contraint auant le terme de rendre la vie à celuy qui la luy auoit prestee. Alexadre mourut de poison apres auoir combatu des nations pour la plus part lasches & peu entendues en la guerre: Et nostre HENRIle GRANDamal'heureusement esté tué apres auoir triomphé d'vne nation de laquelle le nom est porté filoing, & qui a eu reputation autrefois d'aymer plus la guerre que le repos, voire de faire vn ennemy chez soy si elle ne le trouuoit au dehors:bref de la quelle on peut dire ce que l'on a dit des Romains: Preneurs & coureurs de mondes, qui cherchent les mers quand les terres leur defaillent. Cesar ayant eu cemal'heur, que de rencontrer le vilain suiet de la ruine de son Pays, & de l'empirement vniuersel du monde, fut proditoirement assassiné le mois de May par ses amis mesme, & dans l'auguste Senat, où l'image de Pópée veid son meurdrier meurdry pres de ses pieds. Et nostre Grand Henri, pour auoir donné la paix aux peuples de son obeissance, & reparé l'Empire Gaulois de pierres de diamant, n'a pas laissé de sentir la violence d'vn execrable parricide; au mesme mois de May, dedans sa ville capitale, aupres des arcs de triomphe, deuant l'image de celle qui auoit apporté le repos & sélicité dans la France, & qui

Sur toutes paroissoit richement atournée, Nouvellement par luy d'or d'Ophir couronnée.

Ouy, il a esté meurtry proditoirement, & ne s'est trouué personne en la France de cœur tant empierré, qui n'ayt à la pitoyable nouuelle de ce funeste euencment fait luire sur son front les traicts d'vne douleur extreme, les peuples voissins mesme, les Princes de l'Europe, les grands, & les petits, les riches & les pauures l'ont tous pleuré comme le plus seur soutien de la duree de leurrepos, & comme la plus ferme Colomne sur la durce de laquelle ils estoient asseurez de leurs felicitez. Et vrayment celuy là seroit-il

impie contre son pays, ou mortel ennemy du nom des François, qui ne se seroit esmeu de la perte que tous les membres de ce grand corps ont receuë par la perte de leur sacré Chef. Car nous auons perdu, las! par vn detestable parricide nostre Roy Tres-Chrestien HENRI le GRAND, le premier Prince du monde, l'ornement de l'Europe, le Pere de la France, le Prince, l'ornement & le Perc en qui tous les lauriers d'Alexandre, tous les triomphes de Cesar, toutes les felicitez d'Auguste, & qui seul auoit plus de clemence que tous les Princes & tous les Roys du Mode. Ouy, nous l'auons perdu tres inhumainement, & par l'exectable coup d'vnemaudite Furie, qui n'a pas espargné pendantl'honeur & la seureté de la Paix, celuy que Mars mesme bien qu'inconstant, auoit tousiours conserué parmy l'horreur&le carnage des batailles;Prince, auquel tant de millions d'hommes estoient redeuables de la vie, pour lequel des armées toutes entieres, des villes, des Prouinces, & tous les peuples de France en general eussent alaigrement souffert la mort:le plus abiect & le plus contemptible de tous les mortels luy a cruellemét rauy rauy la vie. Ce grand Ro 1, que Dieu auoit garenty d'attentats enormes, d'infinies trahisons, & de parricides horribles, a par la perside inhumanité d'vn abominable assassin esté cruellement priué de l'vsage du iour. Assassin, que non les Cãnibales & Lestrigons, mais les Tigres plus felons d'Hircanie n'esgalerent jamais parleurs seuices & cruautez: & qui ne fut jamais du sang de ces sidelles Frãçois, lesquels ont tousiours porté tant de respect & de reuerence à leurs Princes fouuerains: mais plustost de la race de ces vieux Gots Arriens, meurtriers ordinaires de leurs Roys, lequel indigné que CLOVIS premier Prince Chrestien de la Fleur de Lis, les auoit miraculeusement chassez d'Angoulesme, a cuidé s'en vanger sur le plus grand successeur de Clouis, par yn tres-enorme parricide.

CE Roy belliqueux, ce magnanime Vainqueur, tousiours sans peur & sans crainte au milieu des combats, asseuré parmy le meurtre & les cris des ennemis, conduit de Dieu parmy les canonnades, & cliquetis des armes: a par la secrette conspiration d'vn seul (si toutefois seul) esté mal'heureusement meurtry dans le

milieu de sa plus fidelle & plus affectió= necville, entre les acclamations & cris d'allegresse, parmy la publique resiouisfance de tous ses suiets. Vn auorton produit de la baue de Cerbere, vn monftre enfanté des œuures de quelque Incube, vn execrable parricide, horreur de la Nature, vn parricide inhumain, organe de Sathan, vne engeance de ces viperes de Iuifs, que Philippe Auguste ayeul de S. Louys, auoit chassez pour conuertir leur Maison en l'Eglise des saints Innocets, a fait en ce melme endroit vn funelte lacrifice du plus grad & plus valeureux Prince, que S. Louys ayt iamais veu sortir de son sang. Vn homme vrayment de fer, nous a dans vne ruë tirant son nom du fer, priuez d'vn Roy tout d'or,&

Nassoit par tout le monde au lieu de la d'vn Roy qui sçauoit bien autre chose, que manier le fer comme Marius, & qui faisoit bien autant d'estat de l'or de la paix, que Louys Roy de Germanie du fer de la guerre. Et bon Dieu que ç'auoit esté vne Ordonnance faite à propos en l'ance que ce braue Prince veid premierement la lumiere du iour, & le mesme

de nos iours a cessé d'esclairer la France de sa lumiere, qu'on abbatroit toutes, les auances & saillies de maisons de ceste suneste ruë de la Ferronnerie, si les miseres du temps n'en cussent empesché l'execution!

Mars helas!falloit-il aussi que cemois remarqué pour la mort de plusieurs gras Princes, nommément par celle de l'Empereur Iules Cesar, le fust encore d'abédant par celle de nostre Lys, qui battu des plus rudes orages, n'auoit pourtant jamais panchélateste en bas! ce mois, di-je, qui void tous les ans fleurir les Lys & les Roses, falloit-il qu'il vist fletrir en si peu d'heure le teint coloré du Lys de la France, qu'il envist si tost fannir la beauté à nulle autre seconde! Ce mois auquel jadis nos Rois tenoient leur Parlement,& lit de Iustice, & se monstroient à leurs peuples au plus haut appareil de leur grãdeur, falloit-il qu'il vist l'ame & l'œil de la Iustice, la viuante image de Dieu, le rayon esclatat de sa diuinité, lequel auoit comme en depost la Balance pour le repos des hommes, se fermer, s'obscurcir & s'effacer en vn instant, comme il a fait!

Ce mois auquel tous les ans les suiets auoiét coutume de faire des preséts à leur Prince, falloit-il qu'il vist estrener des larmes communes de la France, le plus grand Prince que la France ayt iamais cu! Ce mois auquel nos Rois receuoient les hommages & baisemains des grades terres & Seigneuries qui releuoient de la grandeur de leur Couronne, falloit-il qu'il vist meurtrir sans pitié ce Monarque, aux Couronnes duquel toutes les plus hautes grandeurs faisoient hommage, & rendoient le baisemain!

Tous les autres mois de l'an auoient cotribué quelques degrez au Theatre de Gtandeur de ce Roy. Mars, sa coceptió, la victoire d'Yury, la prise merueilleuse de Paris, la reductió de toute la Bretagne. Decembre sa natiuité, sa vie saunée d'attentats enormes, son retour triomphant de la Sauoye, ses nopces auec la Serenissime Princesse Marie de Medicis. Aoust son Sceptre & son Royaume. Juillet sa conversion à l'Eglise Catholique, & la perte de ce qu'il ne pouvoitamender. Septembre les benedictions du faint Siege, la reprise d'Amiens, l'heureuse naissance & renaissance de son Dau-

phin. Octobre la victoire de Coutras, & l'alliance des Cantons. Nouembre, la naissance de sa premiere fille legitime. Feurier son sacre & Couronnement, la reduction de Sedan en son obeissance, la natiuité de sa seconde fille. Auril son entree triomphante en la ville de Chartres, son siege memorable deuant Rouen par luy reduit à l'extremité, deux autres benedictios de son mariage par les naissances des Ducs d'Orleans, & d'Anjou. Iuin le renuersement des pensées de ceux qui n'ayants fait la guerre pour auoir la paix, vouloient troubler la Paix pour auoir la guerre. Ianuier vn nombre infiny d'autres graces diuines, & de gracieux effects de la Prouidéce eternelle. Il n'y a eu, last que le mois de May, lequel ayant autrefois veu ce grand Prince heureusement secourir le Roy son predecesseur surpris à Tours, l'a veu ceste annce proditoirement surprendre sans secours en la plus grade ville de son Royaume. Ouy, ce funeste mois de May, qui promettoit sur l'autel de la Maiesté mesme vne moisson eternelle de felicitez & de grandeurs à la Fleur de Lis, a veu le plus grand Lys que iamais ayt produitle delicieux Edem de la France abbaissé iusque dans le sepul-

chre, par vn horrible parricide.

Mais que di-je, abbaisse? Non, la mort ne luy a rien diminué de sa hautesse, ains plustost comme le grand Colosse de Rhodus ne se monstra jamais plus haut quelors qu'estant abbatu, l'on pouvoit de son petit doigt, faire de grandes & admirables statuës: aussi ce grand Roy ne se yeid iamais si grand, que quand il estapproché d'vne chose si petite que la mort, Ce parricide infernal a peu luy oster cete vie caduque, que les mortels ne possedent que par vsage, & qu'il eust parauanture bien tost perduë, sans aucune contrainte, mais la gloire que ses vertus luy auoient acquise, & laquelle fait les grads hommes immortels, tants'en faut qu'il la luy ayt oftec, que plustost il l'a renduë plus illustre & plus rayonnante. Car vn si grand consentement de toutes nations à lamenter & desplorer sa mort, qu'est-ce autre chose, qu'vn tres-grand & tres-fidelle tesmoignage de l'opinion que tout le monde avoit conceue de ses merites, & de ses admirables vertus?

ET certes soit que l'on considere l'âge que ce grand Prince commença ses en-

treprises, le peu de moien aucclequelil fit vn si glorieux dessein, l'authorité qu'il gagna en cete sienne adolescence parmy les plus grans & experimentez Capitaines de monde, desquels il estoit suiuy, la faueur extraordinaire dont fortune embrassa & fauorisa tant de siens exploits hazardeux: ce grad heur qui faisoit voir en luy quelque chose au dessus de l'homme: Soit que l'on s'arreste à tant d'excellentes vertus qui estoient en luy, iustice, temperance, liberalité, foy en ses parolles, amour enuers les fiens, humanité enuers les vaincus: Soit en fin que l'on contemple tant de nobles qualitéz militaires, diligence, pouruoiance, patience, discipline, subtilité, magnanimité, resolution, en quoy il a esté le premier des hommes, la grandeur de sagloire pure, nette, exempte de tache & pleine d'admiration: On confessera que tout cela luy ayant amassé beaucoup d'honneur en sa vie, luy en a laissé encor dauantage apres samort; & que si la prosperité de son pays estoit née par luy, pourtant luy mort elle n'est pas morte aussi, comme on disoit du premier homme des Grecs Epaminondas. Voire peut estre qu'en-

cor à long temps d'icy, ce sera religieuse croyance à beaucoup d'estimer que ses medailles portent bon heur à ceux qui les auront sur eux, comme beaucoup l'ot estimé de celles d'Alexandre le Grand. Sateste blanchie à l'ombre des lauriers, son frontremply de grauité, ses yeux rias d'honneur, sa bouche oracle de verité, ses jouës & son menton couverts d'vne couleur si bien seante à la Maiesté; toutes ces rares beautez & conditions de sa personne ont esté emportees par la mort: mais sa GRANDEVR, la grandeur de ce tant Preuilegié du Ciel, ne seraiamais, non plus que son ame, menacée de sa fin par son comencement: Elle ne mourra point, ceste fille vnique de la Vertu, ceste vrayment canonisce, ceste sainte & sacree bourgeoise du Ciel, & de la terre, le miroir des Dieux & des Heros, le bame de l'immortalité, & duquel ses actios toutes teintes ressembleront au bois qui frotté d'huyle de Cedre, n'est iamais sujet à la carie, ny aux vers,

D'vn chasun sera se ployant Ceste alme GRANDEVR reueree Autant que le cours flamboiant Du Soleil aura de durce, Et tant que luira la clarté De la Lune au front argenté.

En ceste mort tous les François ont fait paroistre vn amour presque incroyable & digne d'estonnement enuers leur Prince souverain, & ce que nous n'auons iamais leu estre arriué à la mort d'aucun Prince, nous l'auons veu auenir en celle d'Henri Le Grand. Caraussi tost que son trespas sut diuulgué, non seulement tous furent en dueil & tristesse, larmes & cris, souspirs & plaintes par tout, puis que par tout on faisoit retentir, on faisoit ressentir que ce Prince François l'œil & l'ame immortelle de la France, n'auoit plus d'ame n'y d'œil pour elle:mais aussi comme en vn éclat inopiné de quelque grad tonnerre, les vns se pasmerent de fraieur, & d'autres moururent peu de téps apres, outomberent en des maladies, dont ils ne se sont depuis releuez. Et comme les peines presentes arrestent plustost la rage & forcenerie de tels parricides, que l'apprehension des supplices à venir, l'execrable & mal'heureux meurtrier fut plus frape de l'indignation qu'il recogneut en tout le peuple, lors qu'il sortit de la Conciergerie, que de tous les tour=

N

ments qui luy auoient esté ordonnez par la Iustice. Aussi n'y eut-il aage, sexe, ny condition qui n'exerceast quelque espece de vengeance sur sa charongne: les espées, les bastons, les pieds, les mains, les dents mesmes de plusieurs y surent employées: voire le seu (comme autresois le peuple Romain prist des torches allumées pour bruler les maisons des coniurez, les quelques pieces de ses membres

aualées par les plus feruents.

N'I a grand ny petit, riche ny pauure, qui n'ayt couru dans le Louure pour verser des larmes & des pleurs sur le corps de son bon Prince, pour voir les derniers honneurs & seruices qui luy ont esté rendus, pour augmenter les pitoyables lamentations quis y sont saites, & pour amplisser les prieres que l'on y a dites pédant quarante iours continuels. Il a esté publiquement à son de trompe honoré du glorieux titre & surnom de Grand, que les grandes actions de sa vie, iointes aux Royalles vertus de son ame, luy auoient acquis.

Les pompes funebres ont esté faites en toutes les Eglises de France, ausquel-

les quelques vns l'ont comparé à Dauid au commencement de son regne, à Salomon au progrez pour le bongouuernement,&regime paisible de son Royaume, à Iosias en la fin : quelques autres, à. Cesar en valeur, à Auguste en prosperitez, à Trajan en Iustice, à Constantin en. Religion, à Theodose en obeissance à l'Eglise. L'appareil des derniers offices. de la sepulture sut grand & somptueux. Le corps mort fut leué au chasteau du Louure, & porté par dessus le Pontneuf en l'Eglise Cathedrale de Paris. Les Capitaine, Archers & Arbalestriers de la ville, les Ordres & Paroisses, cinq cens pauures en robbes de dueil, les vingt & quatre Crieurs publics, le Guet, les Officiers de la Iustice du Chastelet, les Eglises collegiales, les Suisses portans contre bas le fer des hallebardes, les cent-Gentilshommes auec leurs becs de Corbin renuersez, les seruiteurs de la maison, les Generaux des monnoyes & de la Iustice des Aydes, les Docteurs & Bacheliers de Medecine & de Theologie, le Recteur de l'Vniuersité, Messieurs de la Chambre des Comptes, le Panon Royal alloient en teste de ce funchre couoy;

Le chariot d'armes couuert d'yn grand drap poissé de velours noir croisé de sazin blanc, enrichi de seize escussons de France & de Nauarre de riche broderie, tiré de six cheuaux bardez de velours noir iusques en terre, croisez de satin blanc, Les Pages de l'Escurie montez sur de grands coursiers couverts & houssez de velours noir iusques en terre marchoient apres. Les Esperons, les Gantelets, l'Escu Royal, la Cotte d'armes, le Heaume timbré à la Royalle d'vn mantelet de velours violet cramoisi, semé de Fleurs de lis d'or, & paré d'hermines, à la couronne close à l'Împeriale. Les Aumosniers, Abbez, Eucsques, Ambassadeurs, Archeuesques, Cardinaux. Deux Escuiers menants le Pallefroy d'honneur & de parade, les Herauts d'armes aux costez, & le grand Escuier apres. portant l'espec Royalle. Au plus pres de l'Essigie Monsieur l'Eucsque de Paris. La figure du Roy faite en cire, assise en son lit d'honneur, & parce des orneméts. Royaux. Autour Messieurs de la Courde Parlement en robbes d'escarlate : les Presidents portans chacun vn coin du drap d'or, qui estoit dessous icelle. Apres

93

le Bastó de grand Maistre, & la Banniere de France. Le Ciel ou Daix porté par les Escheuins. Les Princes du sang à cheual portans le grand ducil, & les longues queuës de leurs robbes soutenues derrierc eux. Les autres Princes & Seigneurs de la suite du grand ducil, pareillement à cheual. Les Cheualiers des Ordres, selon leur ordre & ancienneté, Les Capitaines des gens d'armes, les Gentilshomes & Pages de la Chambre; Capitaines & Archers des gardes. Toutes les rues où passa le conuoy tenduës de noir, aux armoiries de la ville, & des torches allumées à toutes les maisons. La Chapelle ardéte enrichie d'vne infinité de cierges, dressée dans l'Eglise nostre Dame. Le lédemain vn seruice solenel accompagné d'vne oraison funebre faite par Monsieur l'Euesque d'Aire, sur la vie, les memorables actions, la Pieté, la Religion & autres belles qualitez de ce grand Roy. Le seruice fini l'on le porta dans l'Eglise S.Denys, sacré monument de ses Predecesfeurs, auec vne pareille pompe & magnificence, où fut aussi dressée vne Chappelle ardente, ses obseques faites auec les ceremonies & solemnitez accoustumées, & l'Oraison Funchre prononcée par

Monsieur l'Eucsque d'Angers.

Qve diray-ie dauantage? tous les peuples de la Frace en general, ont en la mort d'HENRI le GRAND repeté d'vne merueilleuse affection cette voix que tant de siecles auparauant ils auoient enuoyée vers le Ciel au trespas du Roy Robert, l'vn de ses predecesseurs, & fils de Hugues Capet, en changeant seulement le nom, Henrico Imperante & Regente securi viximus, neminem timuimus. Patri Pio, Patri Senatus, Patri omnium bonorum, felix anima salus, felix ad superna adscensus, felix cum Christo Rege Regum per sæcula cohabitatio.

Christo Rege Regum per sacula cohabitatio.
Celuy doc que toute la Frace a tant regretté, celuy dont elle regrette encor tat la perte, qui doute qu'il ne fust viuant, l'amour & les viues delices de toute la Frace, & qu'il ne viue apres sa mort dans le cœur de tous les François? Il vit nostre Henri le Grand, nostre bon Roy dans la gracieuse souvenace de tous ses suiets, & tous ses suiets honorans son heureuse memoire auec louanges & souvenances perpetuelles seront les téples de son eternité. Elle vit sa Grandeur, & viura perpetuellement en la memoire des hommes

& de ce siecle, & de tous les futurs. Grans deur qui non comme la Myrrhe en l'Arabie, mais qui par tout le monde, portera l'encens precieux de ses vertus. Grandeur qui non comme la Roseau mois de May, mais qui de tous les mois ne fera qu'vn iour à tousiours pour embaumer la terre de son odeur, douce odeur, toute agreable o deur. Elle luit ceste GRAN-DEVR d'HENRY IIII. non comme l'Estoille de Canope, qui ne rend sa clarté qu'en l'Isle Taprobane, mais qui comme le Soleil seruira de flambeau d'Orient en Occident. Grandeur qui comme les Oliues, les Palmes, les Lauriers, & comme les arbres tousiours verds d'autour la ville de Memphis, ne perdra iamais la verdeur de sa beauté. Gradeur qui fait maintenant paroistre ce seul GRAND, ce TRES-Grand de la terre tout couroné de gloire au Ciel, tout rayonnant d'honéur entre les Anges, & comme vn grand Soleil sur les Estoilles de tout le monde, auec beaucoup plus de verité qu'on ne dit de Bacchus & d'Hercules, que par l'excellence de leurs vertus ils furent transformez en Dieux. Grandeur en fin quimalgré les parricides, demeurera fatalement

affectée à la genealogie de ce premier Pair des Princes du Monde, de ce Prince fans pair en la Maison des Lis, tout ainsi que iadis les Empereurs de Rome se firêt appeller Augustes & Cesars, par vne honorable memoire tirée de la valeur & du bon gouvernement de ces deux sonda-

teurs de leur Empire.

Ovi, le Roy Lovis XIII. que ce Grad Roy nous a laissé pour perpetuer sa tige, retiendra de la Gradeur de son pere; come les fruits tiennent de la sceue de leurs branches, les ruisseaux de la clarté de leur fontaine. Ouy, il sera grand come son perc, & d'autant plus grand qu'il a pour Regente pendant saminorité, l'vne des plus grades & plus sages Princes-ses du monde, & qui luy sera ce que sut Madame Blache à Moseigneur S. Louis, son grand ayeul, & grand predecesseur de sa Royalle Maison. Il regnera reluisant en vertus, excellent en puissance, heureux en obeissance. Pour celanous employons tous tres-ardamment, & tresvolontairement nos vœus, & supplions la Diuinité, qu'il allonge si long le sil de sa vie, que sa mortalité soit entre nous yne espece d'immortalité.







100.

#### TRISTE

# DISCOVRSET

ORAISON FUNEBRE,

svr le Trespas de Henry le Grand IIII. de ce nom, Roy de France & de Nauarre, pere du peuple.

PRONONCEE EN L'EGLISE S. Martin à Chauny en Picardie, le Ieudy 1. de Iuillet 16.0. en presence de toute la ville.

Par Frere IRHAN de-VILLART Religieux, profez de Saincte Croix de la Bretonnerie à Paris, & Prieur du Conuent de Chauny.



### A PARIS,

Chez Nicolas dy Fosse ruë S. Iaques. au Vase d'Or.

M. D.C. X. Anec Prinilege du Roy.



### A TRES-REVEREND PERE EN DIEV Monseignevr,

Monseignevr Charles de Balsac, Euesque de Noyon, Comte & Pair de France.

ONSEIGNEVR,

Me jettant sous les banieres de vostre protection (sauf conduit de mes desseins) parmy les tristes & deplorables

accidens de la France, recognoissant combien vous estes affectionné au service de nos Rois, & m'ayant faict l'honneur de me faire marcher sous vos enseignes, par trois diverses fois, dans les principales chaires de vostre Diocese, & mesme dans l'Episcopale: dont ie vous en ay une obligation infinie, ois auec tant de douceur & de raisons, le premier point de vos familiers discours, estoit de m'exhorter de porter le peupic à l'obeissance de nos Rois & de nos Princes. D'ailleurs nous estant arrivé un commandement de vostre part, de faire prieres solemnelles à l'imitatio de toute la France, pour l'ame de desfunctions.

de tres-heureuse memoire HENRY IIII. nostre legitime Prince, estat appellé de Messieurs de Chauny, pour faire l'oraison à la persuasion de mes amu, vos humbles seruiteurs, sous l'astre de vostre influence elle ose veoir le iour. La seule cognoissance que i ay de vostre noble extraction, de vos merites, qui vous rendent digne Prelat, denot enuers Dieu, fidel & ayme de son Prince, la lumiere de vostre Diocese, ce bruit general qui court par tout de vos vertus, m'a esmeu de vous choisir (comme l'autel de mes obligations ) pour vous y consacret toutes les intentions de mes fideles seruises & obeyssances. Entre mille perfections qui vous sont singulierement acquises, & qui honorent vostre personne, ie m'appuye sur ceste douce humeur, & accostable familiarité, graue neantmoins, dont si accortement tant de fois vous m'auez receu. La seule recordation d'un si auguste Prelat, me porte tellement au bon heur, que i'ose mettre au tour ce qui de soy, autrement ne merite qu'vn petit coin d'estudes parmy les vieils brouillards. Sous tat de bellesconsideratios, Monseigneur, soit de vostre noblesse, que vous tenes de la nature, que de la qualité que vous portez en l'Eglise, auec les obligations que ic vous ay particulieres, tout cela me sournit de moyens pour m'adresser droit à vous, & vous offrir tres humblement les premiers essais de ma bonne volonté, asseuré que le seul lustre de vostre noml ur donnera authorité & credit, en attendant qu'un tra ail de liure entier puisse s'esclorre aussi heureusement, comme i'ay fait le choix d'une si rare lumi re de la France. Le subiet est trifte & ne parle que d'un grand Roy, grand en toutes façons, la lamiere d'Israel, que nos propres pechez nons ont enleué d'une main parricide, lors que la France estoit en ses plus grandes ioyes & repos. L'honneur que vous portez a ces cendres Royales, aura credit de vous importuner pour vn quartd'heure de letture parmy vos plus serieuses affaires, obtenant ce bon heur, que d'estre bien venu de vous, me sentant vostre obligé par tant de bien faits, ce me sera vn moyen d'employer tous mes vœux & toutes mes prieres, pour obtenir du ciel la conservation de vostre prosperité, auec le comble des benedictions, pour demeurer inuiolablement toute ma vie,

#### MONSEIGNEVR,

Vostre tres humble & tres-obeissant serviteur, Fr. Iean de Villatt,



## TRISTE DISCOVRS

fur le trespas de HENRY le GRAND IIII. de ce nom, Roy de France & de Nauarre, Pere du peuple.

PRONONCEE EN L'EGLISE S. Martin à Chauny en Picardie, le Ieudy 1. de Iuillet 1610. en presence de toute la ville.

### ORAISON FVNEBRE,

Rex qui indicat in veritate pauperes, thronus eius in aternum firmabitur. Prou. 29.

Le Roy qui iuge en verité les pauures, son throsne sera estably en eternité.

Evx choses m'estonnent, (attentifs Auditeurs) dés le commencement de ce triste discours, la premiere, l'incapacité de mes forces, & le peu de pounoir que l'ay, estant le moindre des

Ecclesiastiques, & de ceux qui font profession de monter sur les theatres publics, ma suffisance est trop foible, mon esprit ne peut conceuoir, ny ma langue former des paroles dignes d'vn si grand Roy, veu que plus instement ie puis dire que le Prophete Hieremie.1. a.a.a Domine Deus, ecce nescio Logni. Ou comme Moyse Exod. 3. Quis sum ego ve vadam? Vn homme de si petite estoffe, (qu'à peine le monde sçait-il si ie suis parmy les hommes) parler d'vn si grand Roy, & de les admirables & inimitables vertus, le silence me seroit plus conuenable que la parole, n'estoit l'expres commandement en forme de priere prouenant de vous autres messieurs, qui auez authorité sur moy, dire des paroles du plus grand Roy du monde, dans le premier Royaume du monde, dans vne prouince des plus signalees de la couronne, & dans vne ville riche d'hommes d'esprit & de moyens, deuant des auditeurs si iudicieux: dont la plus part sont autant d'oracles qui tonnent parmy les barreaux.

Vn Roy qui surpassoit Auguste en valeur, Traian en iustice, esgaloit Constantin en religion,
Theodose en l'obessiance de l'Eglise, Dauid en
douceur, Salomon en sagesse, & pour maintenir
& conserver la paix dans son royaume, vn autre
losias en resormation d'estat. L'autre est l'inconstance des affaires de ce monde, nommémét
à l'endroit des grads. Qui ne s'estonneroit Iud. 4.
de la mort de Sisara, vn grand Prince qu'vne
femme tua auec ruze & sorce tout ensemble, lui
donnant premierementà boire du laist afin qu'il
dormist, & auec sorce luy perçant auec vn clou
les temples du visage ? Ce grand Abimelech

qu'vne autre femme tua tout arme & veillant, luy laissant tomber sur la teste vne meule, auec laquelle elle le froissa Iud. 9. Le Roy Achab tué par vn soldat nommé Adam selon Isseph, pour ce que iettant vne fleche en l'air à l'aduenture, tomba sur le Roy & Jetua 3. Reg. chap. vingtdeuxiesme. Sennacherib Roy des Assitions tué par ses propres fils, ainsi qu'il faisoit son oraison au temple de Nestoch. 4. Reg. chap. 19. Les plus grands Rois les plus genereux & vaillans, ô malheur fatal, ô accidens deplorables, sont la pluspart morts par des mains parricides, par des affaffins, & des furies infernales. Alexandre selon Q. Curtius libro 10. tué par vn sien eschanson, luy donnant à boire, y iettant de l'eau empoisonnee. Aristote sut soubçonné, selon Pluturque, de s'en estre meslé, luy son Roy qui l'appelloit son pere par honeur, & Philippes l'ayant choisi pour precepteur de son fils, ó ingraticude insupportable. Iules Cesar l'honneur & le principe des Empereurs, perdit la vie par ceux qu'il estimoit ses amis, qui à coups de force de poignards, lui firent abandonner la vie, au rapport de Suetone. L'Empereur Commodus par une sienne fille qu'il entretenoit, luy donnant vn breuuage au fortir d'vn bain, qui le fit mourir. Herodot, lib. 1. Ie laisse le grand Pompee elgorgé par vn sien amy, Romule malsacré au Senat.

Puisque nous sommes sur les Henrys, & que nostre discours nous y appelle, que dirons nous de l'Empereur Henry VII. les cheueux m'herissent en la teste, mon corps tremble, & mo cœur est transi à la seule pensee de cest attentat,

estant empoisonné en vne hostie en la ville de Florence au milieu de ses deuotions. Nos annalesne sont estat que de quatre Henrys, les trois derniers ( ô misere pour la France ) sunestement, & inopinément ont esté massacrez. Ie vous appelle à tesmoin Henry II. le pere de nos trois derniers de la maison de Valois, au quarantedeuxiesme de vostre aage par vn triste accident d'vn coup de lance, d'vn vostre subiet le Comte de Montgommery l'an 1559. Henry III. qui maintenant estes deuant Dieu, dites à ce peuple qui m'escoute, ce qui vous aduint à sainct Cloud le premier d'Aoust, par vne main parricide, qui vous enuoya au tombeau le lendemain 1589. Et vous, le dernier de nos Princes en magnanimité & grandeur de courage Henry IIII. le plus noble des Bourbons, le quatorzielme de May, iour deplorable pour la France, ne quittastes vous pas le Royaume du monde, pour embrasser celui du ciel? SIRE, deuant ces derniers adieux, vous qui estiez la merueille des Rois, l'ornement du fiecle, nostre ioye, nostre gloire, nostre honneur, le pere de la chose publique, le restaurateur de l'estat, nostre Prince & nostre defenseur, vous qui nous auiez donné en ceste vallee de larmes, le repos que l'on y peut auoir. Dieu tant de fois vous auoit aduerty, de vous donner mieux sur vos gardes. Ce fut vn bel aduertissement que Dieu feit à nostre Roy l'an 1592. le dixiesme iour de May à Candebec, Inetot, & Aumale, lors que sa Majesté sut blesse d'vne arquebuzade aux reins, neantmoins si miraculeusement que la balle ralentie de sa force parmi le vuide de l'air, & luv demeurant entre

la cuirasse & la chair donna comme par vn aduertissement ceste leçon au Roy, Sire, mesnagez plus escharchement vostre vie, elle est necessaire à vos peuples, & ne vous mettez doresnauant si brusquement dans la presse, Ne extinguatur lucerna Israel. Le vingtsixiesme iour d'Aoust 1593. Pierre Barriere natif d'Orleans empoigné prisonnier à Melun, ne tenta-il pas le moyen pernicieux de nous esteindre ceste belle lumiere, & nous sapper le plus beau fort de la France, & ce scelerat fut trouué saisi d'vn cousteau trenchant des deux costez. O prodige horrible, dont la seule souvenance me fait frissonner tout le corps, & tarir la parole en la bouche, Le Roy estoit encore tout botté, le vingtseptiesme iour de Decembre 1594. dans vne des chambres du Louure, ayant autour de luy ses bien-aymez Cousins, messeigneurs le Prince de Conty, le Comte de Soissons, le Comte de sainct Paul, & grand nombre des principaux seigneurs de sa court, comme voicy se baissant pour receuoir messieurs de Ragny & de Montigny, lesquels luy baisoyent le genouil, vnieune homme nommé Iehan Chastel, aagé de dixhuict à dixneuf ans se glisse parmy la foulle dans la chambre, luy donne vn coup en la leure superieure', l'entame, & luy rompt vne dent. Ce fut vn nouueau aduertissement du ciel, lors que l'entreprise diabolique pourpensee par ceste femme de sainct Denis, descouuerte à monseigneur de Comte de Soissons, tres-fidel à son Roy & à la couronne, ne tomba qu'à la confusion de ceste Megere, & à la manutention de sa Majesté. En fin il est mort, vn maudit parriciMort.

de & vn monstre de la France, Corrigez vo-Are Calendrier à present, ô lumiere de l'Eglise S. Hierosme, qui de vostre temps vantant la France la nommiez exempte de monstres, auiourd'huy plus fertille que l'Affrique, elle nous en esclot, & en tres-grande abondance. Les Hebrieux ont remarqué neuf cent sept sortes de morts naturelles, sans les violentes, sur les paroles de ce verset Domini Domini exitua mertis. Psal, soixante sept. Les lettres Hebraiques, duquel montent iusques à ce nom? bre sans les casuelles. Il est vray que c'est vne reigle generale, Deum nemo vidit unquam, Ioan. 1. toutesfois il va des Hebrieux qui disent que Moyle & sain& Paul le veirent estans encores en ceste vie. C'est vne reigle generale, Omnes nascimur filij ira, toutesfois on met hors de ce nombre S. Ican Baptiste, & Hieremie qui furent sanctifiez au ventre de la mere. Reigle generale que le peché originel nous suit en nostre conception, toutesfois la vierge en est exceptee. Reigle generale que In inferno nulla est re-demptio. Et S. Damasc. dit que Traian sut sauvé apres y auoir esté: mais il ne se trouue point que aucun ayt esté affranchy de mott. Les Roys ont leur vie plus courte que les autres. Ceux qui parlent des Princes, les recognoissent pour des colomnes du monde, les piuots de la nature, les soleils de la terre, les enfans du Ciel, les Lieutenans de Dieu, & les images icy bas de sa dinine Maiesté. Platona bien osé dire qu'ils estoient de la trempe de la Dininité, Rex Dem quifpiam humanus. Plutarc. Princeps simulachrum est Dei administrantis universa. Artabanus vn

Roy.

fameux Capitaine le confirma tout hault en la presence du Roy Xerxes, & à la barbe de Themistocles. Ce sont les monts d'Olympe esleuez par dessus toutes les impressions methereologiques. Aussi sont-ce les tiltres des Roys d'estre appellez grands pour leur sublimité, heureux pour leur prosperité, augustes pour leur divinité; pasteurs des peuples pour leur prudence, les sacrez & les oinces pour leur excellence. Mais toutes ces prerogatiues & grandeurs estoient encloses en nostre Roy Henry IIII. pour luy faire vn tombeau d'eternelle memoire dans la carriere de ses vertus au lieu de marbre, de porphire, & de iaspes. Nous tirons quatre de ses vertus excellentes comme il est le quatriesme Henry. le nombre de quatre luy est conuenable, tombeau Royal plus excellent que le Mausole d'Arthemise, ny que les pyramides d'Egypte, ny que les colomnes d'Hercules, ny que les sept merueilles du monde tant chantez par l'antiquité. Sa pieté, sa iustice sa clemence, & sa valeur.

Henry IIII. L'homme a 4. humeurs pour son entretien, 4. elemens au monde pour le sou-stien de l'vniuers, 4. vents principaux qui nettoyent le monde, 4. parties du globe terrestre qui le partissent, l'Orient, l'Occident, le midy, & le Septentrion. Le cœur humain se rencontre dans quatre assections, la douleur & la ioyé, l'esperance, & la crainte. Quatre belles vertus cardinalles forment l'homme moral. Quatre Euangelistes pour nous enseigner le chemin du Ciel. Les animaux se meuuent par qua-

tre moyens, quelques oyseaux des deux aisles & des deux pieds, l'homme des deux mains & des deux pieds, les cheuaux de quatre pieds, le Cerf & le Lieure a quatre dents. Nostre Roy porte le nom de quatre; en sa Royauté, quatre grands miracles sont suruenus. La celeste conversion tient le premier lieu. La reunion de ses subiects, & la ruine des coniurez, le second. Ce sacré mariage auec ceste incomparable Princesse Marie de Medicis digne espouse d'vn tel Roy, & mere de tant de grands & signalez Princes, qui sont les fruicts d'vn si hault mariage, esleuë dans le Ciel pour gouverner heureusement la France en la minorité de nostre Prince; le troissesme. La paix vniuerselle par tous les climats de ce Royaume, & dedans & dehors qui continuë encore heureusemet apres son deceds, le quatriesme. Selon les Escritures sainctes, les Rois sont faits en quatre sortes:naturellement Adam le sut en ceste maniere: Dominamini piscibus Maris, volatilibus cœli, & vniuersis animantibus que mouetur super terram, & par succession, comme sont les enfans des Roys qui succedent aux Royaumes de lenr pere apres leur mort, tel que fut Roboam qui succeda à Salomon, Manasses qui succeda à Ezechias, & Ieconias à Iolias. Troisielmemet, par election, comme sont ceux qui sont volontairemet esleuz & choisis du peuple pour estre leur Roy, tels que surent Saul & Dauid, lesquels furent choisis & establis Rois des Iuiss. Quatriesment, par vaillance comme sont ceux qui acquierét des Royaumes par les armes, tels que furent Darius, Cyrus, Alexandre, & plusieurs autres fameux, & grands Capitaines.

Nostre Roy a eu ces 4. Royautez. 1. par nature fils de ce grand Anthoine de Bourbon Roy de Nauarre Prince du sang Royal de France, descendu de S. Louys par son fils puisné Robert Comte de Clermont en Beauuoisis, sa mere Ieane d'Albret, fille des Roys de Nauarre. 2. par succession. La race des Valois sinissant à Henry III. le droict l'appella à ce bel heritage l'an 1589. 3. par election. Si ceste Couronne la plus honorable de la Chrestienté eust dependu de l'electio, ie m'asseure que sans faire tortaux Princes de nostre France, l'on n'en n'eust sçeu choisir vn plus capable, plus victorieux, plus Auguste, & plus aymant le peuple que nostre desfunct. Sa valeur luy a donné la conqueste de son Royaume hereditaire, duquel on le vouloit forclorre, & pour cest effect la pluspart des Seigneurs, & des bonnes villes estoient en armes assistees des plus grandes forces de l'Europe. Quatre choses principales sont requises à la grandeur d'vn Roy r. la puissance, attendu que la dignité Royalle se cognoit par la domination, Prouerb. 14. In multitudine populi dignitas Regis , & in paucitate plebis ignominia Principis. Roy d'vn Royaume, le premier de l'Europe, voire le premier de tout le monde, vn Royaume qui en vault cent, & qui a d'estenduë plus de deux cents soixante & dix grandes lieuës de long, & plus de deux cents de. large. Royaume composé d'vne infinitéde belles Prouinces, vn Royaume tout remply & tout peuplé. Ce ne sont point les solitudes de Lybie, ny les deserts de l'Egypte, ny les glaces de la Sarmatie, tout est plein de biens, comblé d'hommes, Royaume qui a obserué ces loix fondamé-

talles iusques à present, Royaume qui a cu desia soixante & quatre Roys tout d'vne tire, y comprenant le fleuron de S. Louys, qui soubs les auspices d'vne seconde Blanche tient les renes de nostre Empire, tous Chrestiens & Catholiques, compolez de trois races, conserué douze cens ans sans alteration de l'Estat Royal. Royaume annobly de douze Archeueschez, enrichy de quarante deux Eueschez, dixhuict Duchez, 82. Contez, fix cens mille que villes que villages. La denxiesme chose requise en vn Roy est la clemance, celle de nostre Prince s'esclaircira tantost en la troissesme piece de son Mausole, I - troisie me, la sagesse. Rex sapiens stabilimentum populiest. L'establissement de la paix, l'assopissement des guerres, la reconciliation de ses subiects, ces beauxiugemens donnez, & les sacrez Edicts tropettez sont les beaux effects que nostre second Salomon nous a produict. La 4. est la magnificence aux fortifications des villes frontieres, la prouision de toutes sortes de munitions necessaires au Royaume, les pauements des grands chemins, les montagnes applanies pour donner cours à des nouvelles rivieres, les canaux, les escluses, les ponts, les beaux & superbes bastimens à Paris, à S. Germain, Fontainebleau, Verneüil, Monceaux, & tant d'autres ouurages magnifiques, vrays fruicts de sa magnificence. Ie reuire la premiere pierre de son tombeau, la pieté & deuotion des Rois de France 2 esté le premier fleuron de leurs Couronnes. Fulgose lib. 2. c. 1. dit que les Ægyptiens ne loiioiet point leurs Roys ny de leurs Noblesses, ny de leurs richesses, pource que ce ne sont pas les vrays

Pieté.

vr ays biens de l'hômme, mais de la fortune. Ils le louoyent de sa religion & de sa Iustice. Dion de Nice dit, que le Roy est comme le Pilote du nauire, lequel pour bien gouuerner regarde tousiours le ciel pour voir le nort, & les estoilles qui le guident. Platon vn grand Philosophe en sa republique, a enseigné que le palais du Roy debuoit estre basty, ioignant vne muraille seulemet entre deux de celui des dieux. Le Roy Ezechias se tournant vers la paroy, c'estoit vers le temple contigu à son palais. Nos Rois de France ont fait plus d'estat du tiltre de Tres-chrestie, que de tous autres. Nabuchodonosor le faisoit nommer Roy des Rois, Alexandre le Grand Roy du monde, Demetrius expugnateur des villes, le grand Hannibal dompteur des Rois, Iules Cesar Capitaine de la cité, le Roy Mithridate restaurateur du monde, le Roy Attila le fleau de Dieu, le Roy Denis ennemy d'vn chacun, le Roy Cyrus vengeur d'vn chacun, le Roy d'Angleterre deffenseur de l'Eglise, celui d'Espagne le Roy Catholique, & celuy de France tres-chrestien. Clouis premier, eut la saincte Ampoulle du ciel à son baptesme & à son sacre, tesmoignage de sa pieté, auant qu'aler en guerre il prenoit la benediction de S. Remy, l'an 507. Dagobert qui est le XI. de nos Rois, par deuotion fit bastir ce beau temple de sain& Denis, & sit couurir la premiere voute du cœur d'argent, lieu qui est la retraitte de nos Rois, le sacré dortoir de leurs corps, le logis dernier de leurs entrailles, & le cimetiere de leurs ossemens, mourut l'an 647. Pepin fils de Charles Martel oint à Soissons par S. Bonifacel'an 752. se sentant malade pour se preparer à

la mort, il s'en alla faire oraison au sepulchre de fainct Martin de Tours, la retraitte de ses sainctes deuotions, & le rendez vous de sa pieté, d'où estant reuenu à Paris, il rendit l'ame l'an 768. S. Ambroise escriuant à l'Empereur Gratian, dit qu'il n'y a tiltre qui honore vn Roy dauantage, que celuy de treschrestien. S. Hilaire l'honneur de Poictiers, vne lumiere de la France, & l'vn de nos facrez docteurs en son l. des synodes contre les Arries, louë les Gaulois d'auoir esté toufiours constans en la Religion Catholique Apostolique & Romaine. Nos Rois pour leurs pietez, se sont deslogez de leur maisons Royales pour l'y placer. Le Roy Robert donna sa propre maison pour saire l'Eglise sain & Barthelemy proche du sacré Senat, & du palais de messieurs de la Court: Henry premier son fils à son imitation, quitta son louure & sa maison Royalle pour y faire bastir ce beau prioré de Sainet Martin des Champs. La maison des filles penitentes en sa premiere source fut bastie dans l'hostel d'Orleans maison Royalle. La deuotion de fainct Louys est trop cognue outre ces deux voyages d'outre mer, faisant bastir plus de 35. Eglises, que dans Paris & és enuirons, dont les premiers fondemens de nostre Couvent de saincte Croix de Paris tiennent de ce Prince l'obligatió, comme en estant le fondateur. La pieté de nostre Roy HENRY IIII.est trop notoire, elle paroist en sa miraculeuse conuersió, lequel apres la prinse de Dreux satisfaict à son desir, par l'instruction de monseigneur l'Archeuesque de Bourges, maistre René Benoist Curé de Sain& Eustache & de plusieurs autres, requiert d'estré admis au gi-ron de l'Eglise Catholique Apostolique & Romaine, & le vingteinquiesme iour de Iuillet 1594. en fit profession publique & solemnelle à sainct Denis. Incontinent apres ceste solemnité & deuoteaction, sa Maiesté enuoya monseigneur le Duc de Neuers, monsieur le marquis Pisani, auec monseigneur de Gondi à present Euesque de Parisà Rome pour rendre par eux obeillance au S. Siege, & tesmoigner qu'il ne desiroit moins imiter l'exemple des Rois ses predecesseurs, & meriter le tiltre & rang du premier fils de l'Eglise par ses actions, pour le supplier d'approuuer sa conuersion & l'authoriser de sa benedictió, coup qui apporta la reduction des villes, & recocilia les esprits esgarez dissipa les mutins & ietta les premiers fondemets de la paix. Vn autre telmoignage de sa deuotio fut so onctio à Chartres, Rheins pour lors tenat party cotraire, l'Abbaye de Marmontier fournist l'huile, qu'elle garde soigneusement dans sa saincte Ampoulle auec pareil vsage & vertu, selon que iadis Raoul & Pepin suret lacrezà Soissons Louys IV. à Laon, Hugues Capet à Copiegne, & Louys le leune pareillemet à Chartres. Ce fut le 27. Febur. és presences des Princes du sang & des officiers de la couronne, ausquels la saison permettoit d'honorer l'assistă. ce l'an 1594. Saul estant oinct Roy 1. Reg. 10. son cœur fut chagé, & sa persone redue capable de co mader sur les homes, l'Amalechite qui le tua declaré coulpable de leze Majesté, au premier chef est mis à mort par Dauid. Cerrince d'Israël Dauid oinct de l'esprit S. prospera en toute vertu: & no-Are feuroy depuis sa biéheureuse couersio prioit Dieu de grad cœur, il desiroit extrememet la redu Aio des deuoyez, &qu'on s'estudiast à les reduire

Bij

pas la douceur, & admonestoit serieusement les presats de son Royaume de s'y employer d'affectió, fauorisoitsur tout les bons Ecclesiastiques, les aumosnes qu'il faisoit aux Eglises, & principalement à ceste magnisique structure de l'Eglise Cathedrale de Saincte Croix d'Orleans.

Inflice.

La 2. pierre est la Iustice (Messieurs) de cet estat, i'aurois besoin auiourd'huy de la subtilité de vos beaux esprits, de la solidité de vos entendemens, & de l'eloquéce de vos langues pour vous dire, & anoncer combien nos Rois, & nommément nostre dernier, ont fait estat de ceste vertu. Les sainctes lettres veulent que les Rois facent iustice. Deuteron. 1. Tuli de tribubus vestris viros sapientes, & nobiles, & constitui eos principes, auditeillos, & quod iustum est indicate. 2. Paralip . Regnauit ergo Dauid super V niuersum Israel, & faciebat indicium & institiam cuncto populo suo. En France plus qu'en lieu du monde, nos Rois l'ont tousiours fait fleurir, les raisons y sont praignantes. 1. La grande duree de ce Royaume 1191. aus. Iustus vt palma florebit, longitudine dierum replebo illum. 2. les grands gages qu'ils donnent à leurs officiers de iustice, afin de la distribuer. La France (dit vn personnage de nostre temps ) excede tous les Royaumes au seul payement de tels offices, c'est signe qu'ils l'ay ment en faisant tant de despense, 3. les estrangers la sont venus cercher en France. 4. les vestemens de nos Rois du tout essongnez de ceux que portent les estrangers, car en leur grand seau & en routes les vieilles medailles, on ne les voithabillez que de long & en habit pacifique. Ephestion estoit aymé d'Alexandre se paratde

L'on compte le royaume de l'an 419. qui sont 1191. ans.

ses liurees, &se vestat de mesme couleur que luy. Alexandre mesmé pour s'introduire aux bonnes graces des Perses, qui lui estoient recentemét acquis, se voulut vestir à leur mode & porter leurs couleurs. Le grand Proph. Elie transporté dans le char flăboyant, pour memoire de fon amitié, & l'engrauer plus finement dans le cœur de fon disciple Elisee, lui laisse son manteau pour gage, 5. Nos Rois portét la main de Iustice en leurs representations & figure auec leur sceptre, come estant nee en Frace, 6. Ils ont baillé leur propre palais pour y tenir Iustice, & pour la loger, faueur singuliere de faire loger quelqu'vn en son hostel. Le Roy François d'heureuse memoire, se rendit recomandable, que pour bié vener & royalle mét accueillir l'Empereur Charles V. Il le faisoit loger en ses maisons, au lieu qu'il l'auoit tenu prisonnier à Madric en Espagne. Louys XII. son ayeul tant regreté pour sa boté, & tant aymé pour son bo naturel, en fit autat à L'Archiduc d'Austriche, Philippe pere de cest emper eur, lors qu'il passa la Frace pour aller en Espagne. Et quelques annees auparauant Louys XI. à l'Empereur Sigismond, auquel il fit ceste prerogative de tenir en son absence son lict de iustice. 7. Nos Rois en leur sacre ne iurent que deux choses qu'ils ont inviolablement gardé, de maintenir la Religion, & la Iustice. Ce qui a esté pratiqué dés le serment que fit Philippes I. venant à la couronne l'an 1054, à la feste de Pentecoste.

Nostre Roy quatre sois Grand, a recognu que Iusticia sirmatur solium, selon Salomon, il vouloit qu'elle sut bié administree, sans acceptió de personnes, ne permettoit que l'on mesprisast impu-

nément l'authorité du magistrat, & l'a colloquee si hautemet que les plus grads mutins & ceux qui sont môtez sur le theatre François des honneurs en ont senty des esclats soit aux despens de la retention de leurs personnes, dans des lieux asseurez, soit mesme au peril de leur vie, & de leur deshoneur. Il asseura les cheminsen dessendat les armes à to° ses subiets, & les rédit si asseurez que l'on eust porté des thresors a descouvert sans rien craindre.

Clemence.

Abordos Mest la z, pierre qui est de sa cleméce, plustost mes paroles sentent le sel d'vne pure affection, que l'huile d'vne molle adulation, ma lãgue est Françoise, mon cœur est chrestie, & mon discours ne sera point le poignard de Ioab, qui tua Abner par derriere, puis que ie parle de l'Agamemnon de nostre Grece, & del'Auguste de nostre Rome. Le Roy Charles VI prié par le Duc de Brabat & leCote deHaynault, de ne proceder rigoureusement contre le Duc de Bourgongne meurtrier du Duc d'Orleans frere du Roy, il dit ainsi. S'il veut venir ie le receuray, s'il veut seureté,ie la lui bailleray, s'il veut iustice ie la lui feray, s'ilveut misericorde je la lui donerai. Cleomenes auoit raison qui disoit que le vray office des Rois estoit no seulemet de bié faire à leurs amis, mais aussi des ennemis en faire des bons amis. Ioseph dit la Genese sauna l'Egypte par la prouision des grains, & nostre Roy a sauué la France par les fruits de sa clemence. Moyse seit passer la mer rouge aux enfans d'Israël, eschappez de la tyrannie de Pharao. Le Moyse de la France apres vine mer rouge de seditions engedrees dans les cœurs des mutins nous a par la clemece ouvert les portes d'vne terre de promission, fluante en lai& & miel de paix. Ie trouue en la S. Escriture 4. personnages qui ont aucunement triomphé le 1.fut Ioseph'à qui le Roy Pharao mit l'agneau d'or au doigt, la chaisne d'or au col, le fit vestirde blac, le fit moter fur vn char triophat, & fit crier à son de tốpe, qu'il fut cognu & honoré par tout son Royaume, come le plus grand seigneur apres luy secitque ascedere super currum suu secundu, clamante pracone, ut omnes coram eo genu flecterent. Gen. 41. Le 2.futDauid,1.Reg.18.lors qu'il eut tué Goliat & voulut faire son entree en Hierusale, portát la teste de son ennemy, & tout le monde criat, percussit Saul mille, & Dauid decem millia. Le 3. Mardochee. Assuere comandant à Aman premier Satrape de sa cour, & surintendant de ses affaires, qu'il allast trouuer Mardochee, & qu'il le fit vestir de l'habit Royal, qu'il lui mit vne conronne d'or sur la teste, & le fit monter sur son cheual, & ainsi triophant le sit mener par toute la Cité, & tenant les renes de son cheual, il criast & sit criet à tout le peuple, hoc honore condignus est que cunque Rex voluerit honorare. Le 4 fut Dan.cap.5. Et pradicatum est de eo quod haberet potestatem tertius in regno voluit Baltasar. Et ie dis que la clemence de nostre Prince le fait triompher, comme va Ioseph, pour les riches provisions de ses douceurs à l'endroit de ses subiets, à l'instar d'vn Dauid, qui apres auoir tué le Goliath de la France, qui estoient nos Guerres cruellement ciuiles entra par clemence en la possession de son Royaume. Il paroist plus heureusement que Mardochee puis qu'apres auoir descouuert les desseins des estrangers, qui servoyent de

garnison dans la premiere ville de France, leur donna libre sortie, & leur pardonna à tous le 14. Mars 1594. les pouuant exterminer. Finalement ayant donné l'espouuante comme vn Daniel feit à Baltasar à l'ennemy estranger le force de venir en vne paix. Senecque rapporte de l'Empereur Auguste une chose singulière, c'est qu'il pardonna à tous ceux qui auoient porté les armes contre luy. Le Roy des mouches à miel n'a point d'esguillon. Les Lis de la France n'ont que de la douceur. Ceite vertu a esté en son plain du temps de nostre Alexandre Henry IIII. En general ie vous appelle à tesmoings tous vous autres François en ce hel Edict d'amnistie, où toutes les iniures du passé, & les griefs soufferts qui estoient en vn nombre infiny, ont esté enseuelis & gubliez. Cesar le Dictateur pardonna tant de fois à ses ennemis les iniures qu'il auoit receues, si bien qu'il pleura amerement quand on luy presenta la teste de Pompee. Nostre Cesar a pleuré les douleurs de la France, & pardoné les erreurs des François. Pardonnat à ce Prince duquel il auoit desia conquis les terres, & les luy rendant par la paix qu'il feit auec luy. Il feit d'auantage qu'Alexandre qui s'atrista bien voyant le corps de son ennemy Darius blesse & mart, mais pour celà ne liivrendit son Royaume. Pour le particulier de sa clemence, pardonnerà ceux qui auoient attenté sur son Estat, & sur sa vie, les exciter à reuchir à eux, reprendre leurs hons sens & implorer sa douceur : semble en celà avoir imité la leçon de son maistre lesus Christ, qui aduertissoit vn sien subiect mal affetionné à sa personne (Iudas) voulant par la se

rendre semblable à Dieu plein de misericorde. S'il estonne les hommes auec le bruict des tonnerres, il ne lance pas souuent contre eux ses fouldres, plustost il les fait porter contre quelque escueil ou monstre marin, dans quelque forest ou contre le sommet d'vn rocher. l'abuserois de vostre loisir, '& ce seroit esclairer le So. leil, & porter de l'eauë en la mer, que de vous parler danantage de ceste sienne vertu si cognue & notoire à tout le monde, elle paroist par tout si glorieuse, que ie ne scaurois faire auec mes paroles que l'obscurcir. Qui pardonna iamais à ses ennemis auec plus de facilité que ce Prince? tant de milliers d'hommes de toutes qualitez, tant de grosses & puissantes villes en sont la preuue visible, & qui le tesmoigneront à la posterité, & n'y en a si petit en la France qui n'en ayt eu ressentiment. Et si le bruict est vray qui court de ce miferable & meschant parricide que ie n'ose nommer, puisque par Arrest de Cour tres-iustement donné dessence aux parens de ne plus porter ce nom, le iour du Couronnement de nostre tresauguste Princesse la Royne, veille de la mort de ce Grand Henry, ce tison des Enfers ayant receu vn coup de baguette de monsieur le Duc de Vendosme, le Roy l'en reprit luy disant, Mo fils, vous auez tort, c'est, peut estre, vn estrager qui me defire veoir. Paroles qui luy deuoient glacer le sang dans le ventre, luy faire tomber le cousteau des mains, & luy changer le cœur. La 4. & derniere pierre est tiree de sa valeur, ses victoires & ses trophees sont mesme cognus aux estrangers. Valeur. Il n'est pas scant à vn homme de masorte, qui ne suis qu'vn petit Carabin, & trop peu versé aux

armes esloignees de ma vacation d'en vouloir discourir. Ses Lauriers qui couronnent sa teste ont esté cueillis au champ victorieux de trente cinq rencontres d'armées; de cent quarante cobats, où il a combattu de sa main, & en trois cens fieges de places. Et tout le monde recognoit librement qu'en ceste vertu guerriere, il surpassoit autant tous les Roys de la terre, que les Roys surpailent le commun des hommes. Entreprendre en l'aage de 16. ans la conduicte d'vne armee? Aller à la conqueste de son Royaume hereditaire duquel on vouloit le forclorre. Trois infignes remarques entre vne mer de victoires se proposent à nos yeux. Arques, où par trois diuerses escarmouches il mostra aux rebelles que pounoit yn Alexadre en Frace, & vn Celar parmy les Ganles, en l'an 1589. & par tout venoit, voyoit, vainquoit. L'autre est d'Iury l'annee suivante ou plus de quinze cens homes de Cheual tuez ou noyez de l'ennemy, à la seule retraicre plus de 14. cens prisonniers, 20. cornettes de cauallerie gaignees. On remarque en ceste bataille trois choses. La 1. ceste ferme resolution de nostre Roy, de donner bataille auec certaine confiance d'estre fauorisé du Ciel. 2. qu'au champ du combat, à l'instant du conflict il semble que la terre ayt faict naistre des homes armez pour son seruice. La 3. de deux mille Gentilhommes François, seulement douze cens ayans combattu, ayent mis en routte vne armee de quarante mil hommes, deux victoires en mesme iour, ceste-cy & l'autre en Auuergne, pres d'Issone. La reddition des villes, & la reprise d'Amyes ont esté les beaux effects de son courage. Amyes qu'on estimoit ne se pouuoir repiedre que par surprinse. « que l'esperace de la prédure se deust perdre auec l'entreprinse, « desia l'énemy s'esseuit en opinió, que desormais Amyés seruiroit de bornes au pays d'Artois, come iadis soubs Philippes Duc de Bourgogne. Nostre Héry l'inuestit brusquement, la bat de 45, pieces de Cano, fait M. le Mareschal de Biron lieutenat en son armee, l'assiege du costé le plus fort, repousse les sorties des assiegez, les resserre en leurs retrachemens, s'approchet ellemét, que de la my Juillet ils se pouvoiet mutuellemét offéser à coup de pierre, puis se logeat sur le sossé, « tous les iours dismant les assiegez, en leurs saillies, ou par autres stratagemes, en sin les contrainct de se rédre.

C'est vne pertetrop signalee, & playe qui saignera long temps pour la France que la retraicte de ce mode d'vn sigrad Roy, la seule pensee nous doit porter aux larmes: toutefois parmy nos pertes nostre consolation peut estre grande. 1. de nous auoir esclos vne paix generale, & conseruee iusques aux derniers aboys de sa mort, & semble que son sang espanché par les ruës du grand Paris, nous la corrobore & confirme. Mais ce qui no°colole le plus est, que comeS. Ambroise, l'honeur de Milã, & le parago des Docteurs cosolar le peuple de Milan, fasché de la mort du Tres-Chrestie Empereur Theodose, dit. Tantus Imperator recessit, sed no totus recessit, reliquit enim nobis liberos suos, in quibus debemus eum agnoscere. & in quibus eu cernimus & tenemus. Il nous a laissé vn bon nobre d'enfans pour la Frace, Mortuus est pater, & quasi non est mortuus, similem enim reliquit sibi post se. Vespasien est mort, mais Tite est suruiuant, Nostre Roy Louys XIII. l'amour de tout

le peuple, & la bien-vueillance du genre humain, Prince le vif pourtraict de son pere, son image son heritier, fon successeur. C'est la nature des Daulphins d'aymer la musique & les bons accords. Ce Prince qui estoit il y a deux mois, le Daulphin de la France, & à present par vne singuliere grace & benediction de Dieu est assis en son throsne, & tient le sceptre des François, sçaura heureusement conseruer les beaux concerts de la musique de la paix dans son Royaume. Vn Daulphin sauua de naufrage le pauure & miserable Arion : la France demeuroit toute ruynee au deceds de son Prince comme vn Ario, voicy la misere qui nous est ostee aux approches du Daulphin Roy. La bonne & saincte nourriture de cest enfant Roy, nous oblige infiniment à la memoire de son seu pere & à la Royne nostre tres-digne Princesse. C'estoit leur principal soin de l'esseuer & nourrir à la vertu & à la vraye pieté, comme leur petit cœur, leur esperance, & celle de tous les François. Auiourd'huy c'est le soustien de la France, qui conuertira nos larmes en resiouyssance. Sa ieunesse n'empeschera point le bo heur du Royaume. Henry I. extremement deuot contre l'heresse de Berengarius, auant que mourir feit couronner son fils Roy des François aagé seulement de7. ans l'an 1059. S. Louys duquel nostre Roy porte le nom par bon augure, enseigné par vne deuote blanche sa mere, (comme le nostre par vne seconde Blanche en vertu & en merite) n'auoit que 12. ans quand il receut la Couronne. Charles le bien-aymé fut sacré fort ieune, & en minorité, ce sut luy qui reduisit à trois les fleurs de Lys, que ses predeDieu benira pour le bon-heur de la France ce ieune Prince de longues années, & soubs ses sainctes benedictions gouvernera heureusement auec la vertueuse conduicte d'vne tres-sage, tresprudente, & tres-auguste Princesse sa mere, ce Royaume.

#### ORAISON.

O & estes le Roy des Roys, puisque nos pechez ont esté si grands, Vanobis quia peccanimus, que nous auons prouoqué indignement vostre colere, nous auons causé ce malheur, que le premier Prince du monde nous a esté soustraict, ce Prince incomparable, la lumiere de la France, le bonheur des François, l'Hercule des Gaulois, le support de la paix, la frayeur de l'estranger mourut si inopinément en vn temps où chacun se preparoit aux ioyes. Extrema gaudij luctus occupanit. On ne voyoit par tout que magnificence, lon n'oyoit parler que de louanges & allegresses. Le Prince de la France montoit à son Zenith, Roy plein de pieté, la consolation de la Iustice, vn pere de clemence & de misericorde, l'Hercule des François par sa valeur a domptéles monstres qui ruinoient ce beau Royaume. Seigneur, receuez son ame das le pourpris de vostre Paradis, que tant de sainctes prieres faites& dressees à vostre Maiesté, par tous les coings de cest Empire par tat de belles ames, puissent impetrer de yous vn repos eternel pour ce Prince. Et sur hous autres qui demeurons encores en ce valon de misere, en attendant que vous nous en retiriez, comblez nos iours de mille benedictions, & donnez à nostre nouveau'Roy avec augmentation d'aage, les accroissemens des faveurs celestes. Suppleez le default de l'aage par vostreay-de singulier, & à la mere & à l'ensant espandez à iamais voz graces & vos benedictions, & à tous les François vn cœur sidel & obeissant à voz sacrez commandemens, & aux volontez de nostre Prince, asin qu'apres ce monde nous vous puissions voir ensemblement au milieu des bienheureux. Ainsi soit-il.

### Priuilege du Roy.

Louves par la grace de Dieu Roy de France & de Nauarre, au Preuost de Paris ou son Lieutenant, & autres nos iusticiers & Officiers qu'il appartiendra, Salut. Nostre cher & bien amé Iean de Villart Religieux prosez de Saincte Croix de la Bretonnerie. & Prieur du Conuent dudit Ordre à Chauny, nous a tres-humblement fait remostrer, qu'ayant fait & prononcé en l'Eglise S. Martin de ladite ville, l'Oraison sunebre du seu Roy nostre Tres-honoré Seigneur & pere, il a esté conuié de la faire imprimer pour le contentement de sondit Ordre, soubs le tiltre de Triste Discours & Oraison sunebre, sur le trespas de Henry le Grand quatriesme de ce nom, Roy de France & de Nauarre, pere du peuple: Nous suppliant à ceste fin luy octroyer nos lettres necessaires. A ces causes, nous luy auons permis & permettons de faire imprimer ledit liure par tel Imprimeur que bon luy semblera, & iceluy vendre & distribuer, sans qu'autres s'en puissent entremettre, pendant l'espace de six ans, à compter du iour de l'impression acheuce, sur peine de cofiscation de leur impression, & d'amende arbitraire. Si vous mandons, & à chacun de vous commettons endroict foy, si comme à luy appartiendra, que de nostre present privilege, & du contenu en iceluy, vous faictes & souffrez ledit suppliant, & les ayans charge de luy, iouyr & vser plainement & paisiblement, & à ce faire souffrir & obeyr contraignez tous ceux qui pour ce seront à contraindre par toutes voyes & maniere deuë & raisonnable, Car tel est nostre plaisir : Nonobstant quelconques lettres à ce contraires. Donné à Paris le troisiesme iour d'Aoust, l'an de grace mil six cens dix, & de nostre regne le premier.

Par le Roy en son Conseil,

HOBIER.

Ledict de Villart a faict cession & transport du dit present Privilege à Nicolas du Fossé, pour en iouyr par ledit du Fossé durant le temps porté par iceluy, & sur les peines y contenues. Faict ce 10. Noust 1610.

Signé DE VILLART.

6110

#### \* Jelb

# DE TRES-HAVT, TRES-AVGVSTE ET TRES-INVIN-

CIBLE PRINCE HENRY LE GRAND ROY DE FRANCE & de Nauarre.

DEDIE AV ROY.



#### A PARIS;

Chez Iean Libert, demeurant rue Sainst Ican de Latran, pres le College de Cambray.

M. DC. X.

و من شرو المالية المعالم المعالمة المعا

# 

## AV ROY.

TAM IRE,

ayant pris la hardiesse de vous offrir toustours quelque chouze de mes ouurages, depuis l'heure de votre noifsance iusqu'à vôtre auenemant à la Couronne, ie serois à blamer si ie ne perseuerois auec le meme zele, veu le bon œil duquelila pleu à V. M. me regarder toutes les fois que ie me fuis mis en deuoir de luy randre hommage de ce que i auoy necueilla dans le champ des Muzes. A la verité, SIRE, i enffe dezire m'i prezanter à cette heure à l'acoutumée, auec des panoles. de réjouissance, & ne m'élogner, en ce témoignage de mon tres-humble service, du stile que i'ay continuellemant recherché pour m'essayer de luy estre agreable. Mais puisque les effets du tans y rezistent, il faut se ranger à l'obeissance, &, faizant ioug à la necessité, me rezoudre à ses volontez. C'est pourquoy, SIRE, ie me viens ietter en larmes aus piez de V.M. luy prezantant ce que le ducil & la tristesse m'ont voulu permetetre de soupirer sur les cendres du feu Roy votre pere, que DIEV absolue, PRINCE à la verité si grand & si admirable, que ie rougirois d'en ozer parler si les obligations que tous les François luy ont generalemant, & la fidelité que ie doy à V. M. ne m'i inuitoient. Ie ne doute point, SIRE, que tel sujet lamantable ne tire des larmes de vos yeus, aussi

d'ailleurs me promes-je qu'il fera naître du plaizir en votre âme par le recit des merites & de la gloire de ce MONAR QUE inuincible. Et d'autant que la ioye adoucit le dueil quand elle ost mélée parmy, ie vous prezante quant é ce Poème funebre tHymne de réioüissace que l'avoy fait sur l'Entrée de la REY-NE. si parmi l'un V. M. conçoit des objets de tristesse, elle en tronuerra dans lautre de parfait contantemant, étant comme une Idée du Triomfe qu'elle attand quand elle aura esté sacrée de la main des Anges. Puis, SIRE, il ne viendra mal à propos que lon goûte desormais par l'oreille le soulas que nôtre commun defastre a si mizerablemant raui à nos yeus,mais c'est rafreschir nos douleurs que de le ramanteuoir, ie finiray donc mon discours, pour suplier V. M. me vouloir tant honorer que d'auoir à gré mon labeur, & de me vouloir tenir du nombre de vos tres-fidelles & tres-deuos sujets, priant DIEV qu'il vous comble de ses graces, vous maintienne en Pais, aymé & craint sur tous les Rois de la terre, & me rande capable d'estre,

SIRE;

D. V. M. le tres-humble & tresobeissant sujet & serviteur. C. GARNIER.



#### TOMBEAV

# DE TRES-HAVT, TRES-

avgvste, et tres-invincible Prince, Henry le Grand, Roy de France & de Nauarre.

Bons Dieus quels effets! bons Dieus quelle influance!

Que le trein des saizos estrampli d'incostance!

"Que le Monde est trompeur! ah! c'est la verité "Qu'icy bas tout n'est rien que pure vanité!

"Rien d'assuré n'i meut, rien de ferme n'i dure,

"Vn ombre, vn vant, vn songe, vne fraile verdure

"Qui passe incontinant, vne vermeille seur

"Que Nature embellit d'yne viue couleur

"Au naître de l'Aurore & qui meurt dessechée "Quand la slamme du jour est sous l'onde cachée.

Tout raui d'alegresse & de contantemant, Icrespiroy naguere (ô soudain changemant!)

A

Le deziré Triomse & la pompe naissante D'une Reyne parsaitte en vertus seurissante, Et maintenant, comblé de tristesse & d'émoy, Ie soupire la mort & l'absance d'un Roy, Qui, soit en fait de pass ou soit en fait de guerre, N'eut iamais son pareil en merite sur terre.

Les Vierges de Parnasse, à tetins decouuers, A cheueus emperlez, en acoutremans vers, Ayant quité leurs eaus, leurs bois & leurs motagnes, Leurs antres, leurs rochers, leurs vaus & leurs cam-

pagnes,

M'auoient tant honoré que de venir monter Les ressors de ma lyre, asin de contanter Les Deitez de France éternizant leur gloire: Et ces neuf doctes Seurs, en longue robe noire, En cheucus negligez, en sein meurtri de cous, Par vn esset contraire & par vn air moins dous Me viennent réueiller d'vne seconde ateinte, Dezirant que l'anonce (ô facheuze contrainte!) Par les élancemans d'vne sumesses François.

Ie guidoy mon nauire á souhair par les ondes, l'auizoy dans les Cieus les deus lumieres blondes Qui produizent le calme, & par tout les Zestirs de Acompagnoient ma route au vant de leurs soupirs. Ore'il me saut cingler par les vagues salées, D'essroy, d'horreur, d'écume & d'orage empoulées, Sans timon, sans lumiere, & voguer sous l'essort

Des vans de la mizere & des eaus de la Mort.

Ha dure obeissance! ha volonté cruelle!

Ha Muzes! ha! faut-il que mon dueil renouuelle

En tels commandemans, & que ie sois tanté

D'aprandre vne infortune à la posterité,

Qui rauit à la France, à l'abord de sa ioye,

Son plus riche ornemant par vne iniuste voye.

Ie di (le puis-je dire) ha! ce Roy nompareil, Qui de l'onde Hesperide au Leuant du Soleil Auoit planté sa gloire auec tant de Trosées, Ce grand Prince Henry digne de mile Orsées, Cette perle des Roys, ce Phenix des guerriers Qui portoit sur le front tant de braues lauriers. ,, C'est vn arest fatal, vne ordonnance expresse Que tousiours les plaizirs sont mélez de tristesse.

"Que tousiours les plaizirs sont mélez de tristesse, "Les plus beaus iours d'Eté sont les plus orageus, "Les bois les plus gaillars sont les plus ombrageus, "Les sleuues les plus dous ont le moins d'assurance,

"Et voit-on que le foudre impetueus s'élance, "Eclerant & bruyant, sur les mons agitez

Presque tous les maris des cinquante Belides Furent sacrissez aus bors Acherontides, Piteus euenemant, au lieu de receuoir

Les ébas amoureus qu'vn amant doit auoir.
Hypodame & Thetis, sous Hymen assamblées,
Virent differamant leurs noces partroublées,
Thetis par la Discorde, Hypodame en l'horreur

4

Du carnage & du sang alumez de sureur, Et les Princes Troyens, au milieu de leur seste, Des vins & du repos, seruirent de conqueste Aus gens d'armes Grejois, qui, siers en cruautez, Bornerent par leur mort leurs douces voluptez: "Ainsi vont les Destins à qui l'on rand homage, La France dezolée en donne témoignage.

HENRY, ce grand Monarove, auoit déja

par tout

Les coins de l'Vniuers semé de bout en bout Sa valeur indontable, & déja ses loüanges Rauissoient les espris des nations étranges.

Le nom du grand HENRY, la merueille des Rois, Etoit leur entretien, courant dessur leur vois Iour & nuit, à toute heure, & le iugeoient samblable Aus habitans des Cieus, quand d'vn œil esfroyable Ils étonnent les airs, & que sur les humains Ils dardent couroucez la rigueur de leurs mains.

Ce Roy qui dispozoit de la chance des armes, Ce Pere des soldas, ce Prince des gens-darmes Que Die v fauorizoit miraculeuzemant, Voulant regir le Monde autant heureuzemant Qu'il regissoit la France, & valeureus & iuste Le ranger à ses lois comme Cezar Auguste, Il sit soudainemant, tel qu'vn autre Dieu Mars, Au son de la trompette armet tant de soudars Que la noire campagne en tous lieus engagée De ser & de cheuaus demeuroit ombragée.

Tant

Tant de canons iamais on n'entandit marcher, Les armures du croc on voyoit détacher, On les mettoit en point, on les faizoit reluire, Et déja la Victoire amplemant faizoit bruire Que Henry, le premier de tant de Roys diuers, S'en aloit conquéter le rond de l'Vniuers.

Les Etrangers, qui sont voizins de la Frontiere, Aprehandoient craintifs cette sorce guerriere, Leur sang deuenoit froid, ils n'auoiet plus de cœurs, L'effroy que leur bailloit ce veinqueur des vein-

queurs

Leur faizoit tomber l'ame, assurez de leurs pertes, Leurs viles s'étonnoient & demeuroient dezertes, Leurs bourgs & leurs chateaus à l'abando s'ouuroiet, Leurs plaines de silance & d'horreur se couuroient, Et les plus courageus, dépouruns de conduite, Pour éuiter la mort se donnoient à la fuite.

Si les proches voizins étoient glacez de peur, Si la crainte habitoit au profond de leur cœur, Ceus de loin ne viuoient en plus grande assurance, Et n'est pas iusqu'au Turc, esfroyable en puissance, Qui ne s'épouuantât de ce mignon des Dieus, Bien qu'il passe en guerriers les Etoiles des Cieus.

Tandis ce Royiugeant, d'vn entandemant sage, Qu'il aloit commancer vn penible voyage, Et que lon tans en guerre, auant que retourner, Par des lieus inconnus il pourroit séjourner, Il voulut que la Reyne, étant sa Lieutenante, En faueur de l'État cût le nom de Regeante, Et la feit couronner auce solemuité, Pour donner le rang même à son authorité Qu'il auoit au Royaume, & de volonté franche Luy departir l'honneur qu'auoit la Reyne BLANCHE.

De la cette PRINCES SE, en qui nous esperons, Deuoit par vn Triomse, entre mile clairons, Entrer en son PARIS: tout slamboit d'alegresse. A l'abord deziré d'une telle PRINCES SE.

La Concorde & la Paîs marchoient de tous côtez; Iamais tant d'apareil ny tant de raretez Ne brillerent sur terre, ah cruelle infortuné! Ah rigueur! ah tristesse! ah douleur importune! Au comble des plaizirs & des ébatemans, Des charmes, des soulas & des contantemans HENRY vient à mourir, ah fatale iournée! Malheureus accidant! ah fiere destinée! Mais commant?finit-il de naturelle mort Es bras de son Epouze? ah lamantable sort! Au fons de son carosse vn barbare homicide, Vn bourreau mizerable, vn traître parricide Tua pres de son Lovvre, en l'enclos de Paris, D'vn couteau ce bon PRINCE entre ses fauoris, Horreur épouuantable! ainsi mourut Achile Etant deuant les murs de la Troyenne vile, Ainsi mourut Cezar étant dans son Palais, Ensanglanté de cous par ses mémes valais. Malheureus fur celuy qui du fons de la terre

7

Premier tira le ser in frumant de la guerre, Il étoit deser même, & plus cruel cent sois Que tous ces animaus qui frequantent les bois.

Les meurtres, les combas eurent par luy naissance, Il sit la Mort legere, il la mit en puissance De racourcir nos iours, & de guider nos pas, A moins d'vn'clin de teste, où regne le trépas. De là que de malheurs ont couru les Prouinces! Que d'hômes terrassez! que de Roys! que de Princes! De là ce Monstre horrible, oprobre de nos iours, A tué nôtre Prince au plus beau de son cours.

Ah traître! ah déloyal! où vizoit ton courage!
Quel Demon te poussoit! quelle erreur! quelle rage!
Diev cherit-il! emeurtre? ha! quand vn Roy seroit
Le plus méchant qui viue il ne s'accorderoit
A le faire tomber sous le glaiue homicide:
Mais quel étoit le nôtre (ô méchant Arsasside)
Vn Prince dous, clemant, sans colere & sans fiel,
Qui restoroit l'Eglize, vn fauorit du Ciel,
Qui maintenoit la Paîs, honoroit la Iustice,
Et bref l'épouuantail des excez & du vice.

La bonté de ce Roy te deuoit aréter, Sa naiue douceur pouvoit des-agiter La fureur de ton ame, hé quoy? si les gens-d'armes Les plus hardis qui soient au manimant des armes Redoutoient ce Guerrier, & si les plus fors Rois Deuant ses Maies Tez ont pâli tant de sois Iusqu'atourner le dos, comme eus-tu l'assurance D'ataquer, inhumain, cet Hercule de France?

Ie n'ayme point le sang, ie hay les cruautez,

Mais (l'en prans à témoin les saintes Deïtez)

Ie voudroy, pour tout bié, que l'on m'eut sait la grace

De t'auoir mis à mort, l'eusse été l'outrepasse

Les plus cruels boureaus, & dis ans de tourmant

No m'eussent rien parù qu'vne heure seulemant.

Pour quoy suis-ie François soue ne suis-ie yn Tar-

Pourquoy suis-je François! que ne suis-je vn Tar-

Helas! puis qu'vn François eut l'ame si barbare; Had François qui viuiez si comblez de renom, Quelle tache a bruni l'éclat de vôtre nom, François vient de Franchize, & du nom de sidelle Sur toutes nations les François on appelle.

Non ce Monstre nouueau ne fut iamais François, Vue Louue cruelle, vne Lionne ainçois, A qui tous les Demons auoient preté la vie,

Luy tandit la mamelle es dezers de Lybie.

le vy ce Tigre fier quand il ala mourir D'vn suplice trop dous, ah! ie cuiday peris En voyant tel Prodige, & depuis l'heure méme, Vne dure tristesse, vne langueur extréme A passé dans mes ners, & mon cœur assigé, Des ce malheureus iour est demeuré changé Comme ceus qui iadis, auec trop peu de ruze, Auoient consideré la face de Meduze.

Ah! Gardes, ah! commant laissiez-vous aprocher Vnte Monstre d'vn Rox qui nous étoit si cher, Ah! que dans Saint Denis, & même dans l'Eglize,,(DIEV qui maintient les Roys & qui les authorize Vous en eût aprouuez) ne le ranuersiez-vous Etandu sur la place outré de mile cous.

Ah! SIRE, ah! la douceur qui vous fut naturelle A cauzé votre mort impiteuze & cruelle, Votre même bonté vous a mis au cercueil, Et nous en portons, SIRE, yne tristesse, vn dueil Qui ne mouront iamais, ah! pardon grand Mo-

NARQVE,

Vous auez mis la France au giron de la Parque, On n'i vit qu'en mourant, on s'i tire aus cheueus, On sanglotte, on lamante, on n'i fait plus de veus, Le desespoir i regne, & toutes ces merueilles, Cet or & cet argeant, ces beautez nompareilles Qui brilloient dans PARIS, ces Tableaus diferans, Ces Arcs, ces Chapiteaus ne sont plus sur les rans, Ils ont changé de face, on n'i voit que tenebres, Que cierges alumez, qu'aparances funebres, Moines, Crois, triftes chans y marchet tous les iours, Et cette grand' PRINCESSE, où vos saintes amours Auoient fait leur Palais, n'est plus cette PRINCESSE Qui le Ieudy parut auec tant d'alégresse En pompe à Saint Denis, elle n'a plus ce teint De Lys blancs & d'œillers que la Grace auoit peint, On ne la connoit plus, elle n'est plus compagne De ce Roy qui changeoit le sceptre d'Alemagne, Et qui deuoit rejoindre, en faueur d'vn Lovys, B iii

La vieille Aigle Romaine aus saintes seurs de Lys.
Ellè est comme Alcione, apres que la tampaste
Eut en mer répandu flos sur sos sur la taste
Du bon Roy son Epous, Ceix qui ne voulut pas,
Bien qu'on l'en aduertit, retarder son trépas.

Mais quel est-il ce Roy dont la France est dolante? Quel est ce Demy-Dieu que la terre lamante? Vn Prince incomparable, vn Monarque où

les Cieus

Auoient comine à l'enui répandu tout leur mieus.

Saint Lovys fut ayeul de ce Roy magnanime,
Le trauail indonté, qui les Princes anime,
Nourit son âge tandre, & bien qu'il fût du sang
Et de l'Etre de ceus qui cheminent au rang
Des premiers Roys Chretiens, il eut même auanture
Que les pauures soldas qui roussent sur la dute.

Du côté Maternel il sut proche des Roys
Qui seurissoient naguere au siecle des VALOIS.
Ayant pour son Ayeule vne perle en merite,
La sçauante, divine & sage MARGYER ITE,
Seur de François Premier, & d'vn même côté,
Des Lyxambourgs encore il sut aparanté.

Mais que la race ait lieu pour des ames sans gloire, HENRY, dont les vertus deuançent la memoire, N'a besoin d'aucun aide, il étoit vn Soleil

Qui dardoit sans emprunt les rayons de son œil.

Quel Roy fut plus humain, plus acort & plus sage? Quel Prince sut plus dous? quel homme eut d'auantage De clemance & d'amour? & qui pareillemant but . Cl Eut plus d'intelligeance & plus d'entandemant?

Il fit ce que les Roys n'auoient iamais sçeu faire; Il maintint par acord, d'vn mouuemant contraire, Les espris diusez, & sugeant que le fer Donnant prize à l'erreur la feroit triomfer A sourcis eminans plutôt que de l'abatre, Il la fit par raizons sournellemant combatre.

Iamais Roy n'aima tant l'Eglize qu'il fézoit, Il cherissoit les bons, il les fauorizoit, Donnoit les Euéchez aus hommes de sciance, Il étoit ennemy de la vaine dépance, Royal en batimans, en Palais, en Chateaus, Si richemant ornez, si parfaitemant beaus, Que l'Etranger raui, ne sçachant plus que dire, Iugeoit vn Paradis que le François Empire.

Il fut sage en Epargne, & qui voudroit blamer

Vne telle vertu que l'on doit estimer

"Hauroit vn grand tort: par argeant on conserue "Les Royaumes puissans, & l'argeant de rezerue "Baille plus de terreur aus Princes étrangers,

Jue les plus siers objets des plus cruels dangers.
Il n'étoit point iureur, il étoit équitable,
Ferme, pront & constant, sidelle & veritable,
S'il en suit iamais vn, reueré, bien aymé,
Sur tous les Potantas de la terre estimé.

L'homme n'est point vn Dieu, ce Prince aimoit

les femmes,

Dauid les ayma bien, Sanson viuoit des flammes
Qui partoient de leurs yeus, & (si l'on veut ietter
Les fables en auant) le grand Dieu Iupiter,
Bien qu'il eût en ses mains l'éclair & le tonnerre,
Il sit honneur aus traits dont l'Archerot enserre
Les hommes & les Dieus & n'est pas iusqu'à Mars
Qui n'éprouue en son cœur la pointe de ses dars.
, Amour est naturel, mais comme les montagnes
, Paroissét mieus de loin que ne sont les campagnes,
, De même les amours des Grands assujétis
, Paroissent mieus à l'œil que celles des petis,
Et quand ils ne seroient que mouuoir leurs œillades,

Chacun diroit qu'Amour les a randus malades.

Quitons ces diferans, passon tant de vertus
Dont cet heureus Monar que eutles sens reuétus,
On ne les peut nombrer, c'est vne mer prosonde,
C'est vn goufre, vn Cahos, vn sirmamant, vn monde,
Parlon de sa valeur, & touchon les combas
De ce Roy qui passoit tous les Roys d'icy bas.
Il ne faut point trahir de si dignes louanges,
Et bien qu'elles ne soient que pour la vois des Anges,
Bien qu'Homere tramblât en les voulant toucher,
Ne craignon le desastre, imitons le Nocher,
Qui pour gaigner de l'or aus étranges riuages
Se donne à la mercy des vans & des orages.

Alexandre & Cezar qui furent si vaillans, Qui ramportoient l'honneur sut tous les bataillans, Ces soudres, ces guerriers, dot les nobles conquaîtes D'vn bois de lauriers vers couronnerent leurs taîtes, Ces Renaus, ces Rolans qui firent tant d'explois, A l'égal de Henry, la merueille des Roys, Etoient des aprantis au métier de la guerre: C'étoit par les combas vn orage, vn tonnerre Cinque celuy qui flamboye és mains de Iupiter, Et frapant les rochers, que l'on ne peut dissoudre, Les brize, les consomme & les reduit en poudre.

Quand ces Princes viuoient acomplis de renom, Rampars ny rauelins, ny fossez, ny canon, Defances, éperons, parapets ny terrasses, Mousquets ny pistolets, ny petars ny cuiraces N'étoient comme ils sont ore, & les hommes serrez, Par le front, par les stans des bataillons quarrez Ne débandoient alors, d'une étrange surie, Les boulets à l'égal de nôtre Infanterie.

L'on eût conquis plutôt vn grand pays entier Que d'auoir vn logis, enleuer vn quartier, Et l'on eût plutôt mis vne grand' vile en cendre, Que de faire vne tout ou quelque moulin randre.

Voila comme HENRY, le Roy de l'Univers, Surpassoit en valeur tant de Princes divers Comme il les devançoit d'amour & de clémance: Voila comme HENRY le bouclier de la France, Bataillantiour & nuit sans crainte des hazars, Avoit terni la gloire & le nom des Cezars.

Ce Phenix, ce grand Mars qui fut si redoutable,

Ce parangon des Roys qui fut tant admirable, Ne rancontra iamais les ennemis aus chams, Qui ne les abatît dessous les cous tranchans De son glaiue terrible, & que sa main guerriere Ne les enseuesit dans l'ombreuze riviere.

Son front les étonnoit, & redoutoient ses yeus Comme on fait la tampaste & les flames des Cieus, Quand par le bras du Cancre, alumé d'étincelles,

Phebus ouure la terre & blondit ses jauelles.

Mains Roys sont honorez du fait de leurs sujets, On leur donne leur gloire, & met-on leurs projets Enleur nom bien souuant au courant de l'Histoire; Mais quel nom, quel honneur, quel pris & quelle

gloire

N'a merité HENRY? ce preus, ce vaillant Roy, Comme vn simple gendarme, à trauers de l'essroy S'est tousiours rancontré parmy les embuscades, L'acier, les pistolets & les harquebuzades, Les piques, les cheuaus, les masses, les harnois, Encourageant les siens & de cœur & de vois.

D'éloigné qu'îl étoit & banni des ses terres, De pauure & mal-aizé par la suitte des guerres (Merucille incomparable!) il se seit Roy puissant, En grandeur, en threzors, en vertus storissant.

Il conquit en sis ans la France reuoltée, D'vn courage inueincu, d'vne force indontée, Meit l'Espagnol en route, &, par ses vaillans sais, L'inuita de contrainte à demander la Pass A son des-auantage, en luy randant ses viles, Ses fors & ses chateaus; & nos plaines tranquiles Veirent àdonc marcher en leur sein, deus à deus, Au lieu des Regimans, les cheuaus & les beus. Tout ce remit en ordre, & cette belle Astrée, Cette Nymse au dous œil (qui dans cette contrée Flabe encore auiourd'huy par le vouloir des Cieus) I vint rasserent les slos iniurieus Qui lançoient nôtre poupe en l'essort de l'orage Sur le front des rochers voizine du naustrage.

Diray-ie les assaus, tairay-ie les combas Où ce Roy versa tant de gens-d'armes à bas? Dois-je mettre en auant toutes ses entreprizes, Rancontres, sieges, cous, batailles, & surprises? En diray-je le nombre? ha! la vois me faudroit Parauant la matiere, & l'homme plus adroit, Et le mieus auoüé des neuf brunes Pucellès, Ne pouroit mettre en bruit des conquaîtes si belles.

Ie me sens tout pareil aus bergeres qui vont En May dans les iardins où les seurettes sont: Vn girostier paroît, vn œillet se rancontre, Vne roze étincelle, vne slambe se montre, Vn Lys, vn hyacinthe, & voyent tant de seurs, Tant de rares beautez & de riches couleurs Deçà delà briller, qu'elles ne peuuent dire Lesquelles d'assurance elles veulent élire.

Ainsi parmy les faits du grand Prince - HENRY, Qui sut des plus grans Dieus le plus cher fauori,

C ij

l'en voy tant réplandir que ie ne puis entandre En mon ame à laquelle ores ie me doy prandre.

Sile veus témoigner ses combas valeureus, Les assaus diserans d'vn Roy si genereus Eucillent mes espris, & si ie m'auanture L'en parler en mes vers, alors ie me sigure Ses batailles de pris, leurs cous & leurs essors Qui ioncherent la plaine & de sang & de mors.

Qui, des peuples brulez iusqu'aus châs de Scythie, Peutignorer commant P A K I s assujettie Releua sa franchize? & qui de l'Inde, au bord

Où Phebus en la mer ses paupieres endort, N'a iamais entandu la prize & la reprize

D'Amiens sur l'Espagne à force reconquize?

On sçait trop comme Lan fut repris sur yn mont, Or qu'il sût imprenable & qu'il samblât de front Ariuer dans les airs; on sçait comme la Fere l'ar contrainte échapa les prizons de l'Ibere.

Ha Fontaine Françoize irois-tu dans l'oubli!
Toy qui veis de tes yeus ce grand Prince, ennobli
Des faueurs de là haut, terrasser deus mile hommes,
N'étant acompagné que de cent gentis hommes!
Genereuze vertu! courage de lyon!
Tout ce qu'on a chanté des guerres d'Ilion
Seroit ores voiléssile Chantte de Grece
Eût connu de son âge vne télle prouesse.

Arques n'est rien qu'vn songe, Yuri n'est rien qu'vn

Vant

Au prés de ce miracle, &, s'il faut plus auant Penetrer les effets d'une telle victoire, Le succez de Bretagne aura manque de gloire.

· Mon esprit est confus en tant de nobles faits, Sur tous les faits de guerre vniquemant parfaits, I'ay les sens éblouis, ô mon Diev quelle suitte! Comme des Cheualiers qui viennent sans conduitte Deuers le randez-vous, ie voy de tous côtez Les gestes de HENRY flamboyans de clartez. Sedan vient d'vne part & le camp de Limoges, Del'autre l'aperçoy les mons des Alobroges Sous les canons trambler, & comme les Hyuers Donnat place aus Iumeaus les chams paroisset vers, De même apres l'horreur de tant de canonnades, Apres le feu, le sang, apres les mousquetades, Ie voy dessur les sos à branle d'auirons, Au milieu des haubois, des fifres, des clairons, Voguer d'vn même trein que feroient les Déesses, La Reyne son Epouze & l'honneur des Princesses Qu'il attand sur la riue & du cœur & des yeus; Il est enuironné des François Demi-Dieus, Et paroît dessur eus de port & de vizage Comme feroit vn pin sur vn moindre bocage.

Ha! qu'vn si rare PRINCE, vn Roy si valeureus (O Ciel! ô mer! ô terre! ô Destins rigoureus!)
Soit tué d'vn belitre, ha perte ireparable!
Ha douleur! ha tristesse à iamais deplorable!
Malheureuze auanture & malancontreus soit,

Que de telle vermine vn tel homme soit mort!
Les outre-coulemans des plus grandes rivieres,
Les Tans des ordonnez, les tampestes meurtrieres,
Les opozitions de Lune & de Soleil,
Et, bref, tous ces Deuins nous faizoient voir à l'œil
Ce malheureus dezastre, & le coup de tonnerre
Qui s'entandit en Mars annonçoit par la terre,
Assez apertemant, que son Mars abatu
Deuoit bien-tôt mourir en perdant sa vertu.

Les Cieus à tel abord de tristesse pleurerent, L'air deuint nuageus, les Astres se voilerent, Phèbus eut le teint blème, & Diane, qui luit Pour faire vn nouueau iour en l'obscur de la nuit, Rouilla son clair vizage, & la tresse argentée De son poil éclérant deuint ensanglantée.

Toute choze fremit en cet éuenemant, Et PARIS dessurtout, saizi d'étonnemant, Fut vn cors priué d'ame, ha! que ce perit Monde, Cette plaine des Lys qui n'a point de seconde, Ha! DIEV, que ce rampart de creance & de soy Témoigna deservice & d'amour à son Roy!

Ce n'étoit que soupirs, ce n'étoit rien que larmes, Sanglos, gemissemans, compleintes & vacarmes, Les vns croizoient les bras, les autres, qui plomboiét Leur estomac de cous, en defaillant tomboient, Les autres sans mouuoir adoroient le silance, On aloit, on venoit, on portoit la samblance De la Mort sur le front, d'autant qu'à cette fois On perdoit sans retour le Pere des François.
Tel bruit vers le Printás, sur les branches nouuelles,
Font les petis oizeaus & du bec & des aîles,
Quand leur pere ou leur mere, atrapez sous la glus,
Pres d'eus, comme deuant, ne se rancontrent plus.

Si Paris fut en duciltoute la France encore En tous lieus a fait voir commant elle déplore Vn Roy si magnanime & si plein de bonté: Les patoureaus des chams l'ont même regretté, Leurs troupeaus l'ont gemi, couchez à la ranuerse, Tout soupire & lamante vne fin si diuerse, Les chantres peinturez des forays & des bois Pour y contribuer ont acordé leur vois, Les fleurs & la verdure en ont panché la taîte, Et les arbres fueilus, comme si la tampaste Auoit en leur disgrace épandu sa rigueur, Afin de leur ôter leur force & leur vigueur. Et si toute la France a randu témoignage De l'extreme douleur qui touchoit son courage, Les Etrangers de même ont témoigné commant Ils en auoient reçeu du mécontantemant.

L'Italie a maudit cette perte comune, La Flandre & le Piémont en si dure infortune Ont ietté des soupirs, le Turc en a pleuré, Ceus qui boiuent le Rhin, qui l'auoient deziré Pour étre leur Seigneur, en ont sormé des pleintes; Le Roy de la Tamize à reçeu les ateintes Deson departemant, & les peuples gelez Qui demeurent vers l'Ourse, & les Mores brulez. Et pourtant si naguere & la France & l'Espagne Ont de leur sang contraire abruué la campagne, L'Espagnol en son cœur a lamanté dequoy Les Roys sont peu de choze ayant perdu ce Roy.

Mais quoy? la Mort prand tout, il s'i faut tous re-

zoudre,

"Les Grans & les petis elle reduit en poudre, "Et sans auoir respect des Princes couronnez "Ils sont comme artizans par elle moissonnez. Hector & Sarpedon l'ont connu deuant Troye, Achile & Menelas par vne méme voye Ont borné leur destins & Troïle & Pâris, C'est toutes sois beaucoup de perdre trois Henrys Tuez en cinquante ans, & de voir par outrance Hors de guerre épancher le sang Royal de France, Et voir ainsi meurtrir vn Roy sivaleureus, Qui nous tenoit en pass, & nous randoit heureus, Non pas seulemant nous, mais tout ce qui respire D'où le Soleil éclaire & d'où son char il vire.

Il auoit tant & tant de hazars échapez, Tant & tant d'assassins & de malheurs trompez, ,Mais souuant le nauire échapé de l'orage ,Seront par vn tans calme & seperd au riuage.

On ne le verra plus, il est ores là haut Ioüissant du bon-heur qui iamais ne deffaut, Il nous void dessous luy, iamais dessur la terre On ne verra marcher ce vaillant chef de guerre,

S'en

S'en est fait, il est mort, il est à Saint Denis, Où sont les cors des Roys quandils sont des-vnis. Hier (quel changemant!) il y fut pour conduire Son Epouze en triomfe, & n'auizoit-on luire Que riches Diamans, aujourd'uy, par vn fort Qui nous met tous ensamble aus riues de la Mort, (Ah! les Neueus vn iour le pouront-ils bien croire?) Il y va talonné d'vne grand' suite noire, De cierges alumez, de torches & de Crois, Tels sont les Ascendans & les Destins des Roys.

A tout iamais les fleurs enuironnent sa Tombe, L'ouurage de l'auette en abondance y tombe, Le nectar & la manne, & soient veus à l'entour

Les bâmes odoreus y fleurit nuit & iour.

O Lovys!ô François! que vos Tobes grauées, Sur les autres de pris noblemant éleuées D'vn orgueil admiré, commançent de fléchir A celle de Henry, que l'on doit enrichir Auec plus d'artifice, à fin que la memoire Desormais en connoisse & l'honneur, & la gloire.

, Que dis-ie la memoire? ha! le marbre n'est rien, ,Le Tans en fait son propre, il faut vn autre bien "Pour la faire durer, & l'airain ny le cuiure

N'ont tant d'authorité que les enfans d'vn liure. Il conuient par les vers luy dresser vn Tombeau Qui les âges surmonte, & ne craigne ny l'eau, Ny le feu, ny les vans, ny la tampaîte fiere: Quant à moy si ie l'ay des mon âge premiere

Celebréiour & nuit, il faut qu'en ce deuoir I e sache redoubler ma force & mon pouuoir: Et bien que mes Destins & leur dure influance Ay'nt élogné mes vers de la reconnoissance, Ie m'i sens obligé, mon Pere eut cet honneur De le suiure iadis, & perdit ce bon-heur, Après deus ans complets, au gré des maladies Qui randirent partout ses sorces engourdies.

O Roy qui fus si grand, si puissant & si fort, Et n'és rien de prezant qu'vn ombre de la mort, Vne vaine poussiere, vn triomse des Parques, O lé plus valeureus des plus vaillans Monar Ques! Repoze maintenant quant é les bien-heureus, Et parmi tant de biens ne sois plus dezireus

"Des Royaumes d'embas, c'est vne onde qui passe, Le bien dont tu iouis tous les autres surpasse, Et le nectar divin qu'à cette heure tu bois

Vaut mieus que tout l'auoir des Princes & des Roys.

Et vous Roy des François qui venez d'vn tel Pete, Vous mon Prince Loyys, qui sortez d'vne Mere Si pleine de vertuz, regnez, & faites voir Aus comuns yeus de tous quel est votre pouuoir: Croissez en tout bon-heur, conseruez la Iustice, Refrennez les excez & corigez le vice, Aymez & craignez Diev, maintenez vos sujets, Et tel que Saint Loyys ayez de tels objets.

Ce grand Diev qui peut tout regira votre enfance, Il a tousiours montré qu'il veilloit pour la France, Vous l'aurez pour conduite, il ne vous lairra point, Vous étes son image & vous estes son Oint.

C'est luy qui donne force & non point les armées Leieune successeur des plaines Idumees, Ce vaillant Prince Hebricu, qui fit tant de combas, Rua des Philistins le General à bas, Et, si nous voulons croire aus Poemes de la Grece, Hercule aus ans premiers de sa tandre ieunesse, Demontrant son merite en ce premier esfort, Triomfa des serpans qui demandoient sa mort.

Fuyez toute rigueur, abhorrez la vangeance, Comme le Roy defunt honorez la clemance, Elle est fille des Cieus, & n'est rien de plus dous Que ses beaus yeus divins qui sont aimez de tous; Les Dieus en font du cas, cherissez-la deméme, Toutesfois si l'on porte à vôtre Diadéme Du respect moins qu'il saut, prenez come les Dieus Le tonnerre en vos mains, & d'vn bras surieus, En mile tourbillons, débandez la tampaîte Dessur les malueuillans & leur brizez la taîte.

Viuez, croissez, regnez, conseruez-nous en pass, Et si vous aprouuez tous les vers que i'ay fass. Depuis vôtre naissance, en vous randant homâge, Si l'ardeur qui m'échause & l'ame & le courage A vous randre seruice a penetré vos sens, O Roy tout le plus grand des Roys plus seurissans! O notre chere attante !inclinez à ces larmes, Que i'apans à front bas à la gloire des armes,

D ij

24

Le feu Roy votre Pere, & ne regardez point Si le chant de ma Lyre étant si mal en point. Vous aborde l'oreille, he? qui pouroit bien, SIRE, Qui pouroit bien toucher les accors d'vne Lyre, Fusse vn Pindare même incomparable à tous, Parmi le commun dueil qui se roule entre nous?

FIN.





AVOIT ETE FAIT POUR L'ENtrée de tres-Chrestienne & tres-Auguste Princesse MARIE de MEDICIS, à prezant Reyne Regente & Mere du Roy.



Vand i'auroy protesté d'une vois solennelle De ne plus randre hommage à la bande immortelle

Des Nymfes de Parnasse, ou quand bien ie n'aurois La vertu de chanter les Princes & les Roys: Pourtant m'éueillerois-ie en ce tans où nous somes, Voyant deuant les yeus de plus de cent mile homes Etrangers & François rauis de toutes pars, Triomser vne Reyne à l'égal des Cezars, Mais qui ces Empereurs deuance en la maniere Qu'vne prosonde Mer vne basseriuiere.

Hausse ta porte ô l'heur & l'honneur des Citez;
Paris villes ans pair, en qui les Deitez
Ont d'accord répandu leur meilleure influance:
O la perle du monde! ô l'Astre de la France
Dont les rayons prizez decorent l'Univers)
C'est toy qui dois ioûir de tous les biens divers
D'un Triomse si rare & si plein de merueille,

D iij

Sus done, hausseta porte, ô Ville nomparcille, Afin de receuoir en tes bras éjouïs

Celle qui nous rebaille vn autre Saint Lovys.

N'est-ce pas la raizon qu'vne grande Princesse Que rien ne parangonne, ains vne grand' Déesse Entre en pompe chez toy, qui n'as rien de pareil Des bors de l'Oriant au Couchant du Soleil?

Hé? bons Dieus! quelle ville icy bas est egale Au miracle parsait de ta grandeur Royale? Hé? quelle ville au Monde est plus digne que toy De receuoir en elle vne Epouze de Roy? Le plus heureus Monar Que & le plus braue en guer-Qui jamais ait paru sur le front de la terre. (re

Vn grand sieuue t'aroze, & sand par le milieu
Ton sein sertile & dous qui nouriroit vn Dieu:
Mile Palais en toy s'éleuent iusqu'aus nuës,
Mile Tamples sacrez: & tes pons & tes ruës
(Soit que le iour éclaire abandonnant les eaus,
Ou que la nuit ombreuze arange ses slambeaus,
Ou que Diane montre vne lumière blonde)
Sont toussours en tout tans acompagnez de monde,

Chez toy les Roys de France ont leur premier se-Les plus rares beautez de l'Empire d'Amour (jour, En toy sont leur demeure, & tirent des œillades Pour randre tout d'vn coup mile peuples malades.

Tu fais viure les ars, tu donnes iour aus Lois, Tu produis la Noblesse, & l'instruis pour les Rois Au métier de la guerre, & les meilleurs gens-d'armes Par toy sont couronnez au milieu des alarmes.
Ton los est infini, pourtant ce n'étoit rien
Manquant de ce Triomse, arété pour vn bien
Rezolu dans les Cieus, Triomse incomparable,
Qui témoigne le pris & la gloire admirable
D'vne Reyne parsaite, & le bon-heur aussi
Qui redonda sur nous quand elle vint icy.
Parauant tout par tout les Fureurs animées
Couroient & rauageoient, on ne voyoit qu'armées,
Sieges, combas, assaus, & l'acier & le ser
Montroient aucc horreur l'image de l'Enser.
Pietons & Cheualiers dezertoient les campagnes,
Les enseignes brandais à aus grannes des montroients.

Pictons & Cheualiers dezertoient les campagnes, Les enseignes branloiet aus croupes des motagnes, L'air étoit ensoufré de poudre & de boulets, Picques, lances, épieus, glaiues & corcelets, Etoient au lieu des blez; mais tout icy bas change, Le Tans pront & leger, qui toute choze mange, , Ainsi le delibere, ainsi le peut-on voir

Par cette grande Reyne en qui gît notre espoir. Bien heureus est celuy qui maintenant respire Afranchi de la tombe, afin de voir reluire Son Triomfe celebre, ha! que de raretez l'auize en mon esprit slamber de tous côtez.

Vne Pompe samblable auoit son étanduë, Quand la Mere des Dieus, en son char atanduë, Au gré des Immortels ariuoit dans les Cieus: Mainte crespe ieunesse, au beau front, aus beaus yeus, Aus lons cheueus dorez, à la face atrayante, Aloit deuant son char d'une grace riante, Les vois, les instrumans, les tabourins sonnoient, En diferans accors, les mons en rézonnoient.

l'entan déja le bruit des trompettes qui sonnent, Des cloches, de tâbours; l'oy les canons qui tonnet, I'oy bruire les hausbois, les fifres, les clairons, I'oy retantir le peuple en tous les enuirons, Ie ne voy que Tableaus, ie ne voy que Trosées, Chifres, Palmes, Lauriers, Colones étosées, Deuizes, Chapiteaus; ie ne voy que soudars, Que cheuaus emplumez, les delices de Mars, Reuenans, retournans, à passade, à courbettes: Ie voy par les maizons tant de beautez parsaittes, Qu'ébloüi de leurs rays en mon entandemant, Ie ne me connoy plus tant l'ay d'étonnemant.

Ie voy le Magistrat le plus grand de l'Europe Et l'Vniuersité fille de Caliope; Vn nombre de sçauans & de prudans les suit, Tout stambe d'écarlate & du pourpre qui luit, Tout éclaire, tout brille, & comme les Etoiles Réplandissent en May quand la nuit tand ses voiles, l'auize le Clergé, dont l'éclat sur-humain

Voudroit ceder à peine à l'éclat du Romain.
Le Soleil, amoureus d'une feste si belle,
Campe dans les Iumeaus, & dardant l'étincelle
Qui repare le monde, il réchause les airs,
Et n'est pas iusqu'aus chams qui n'en paroissent vers.

De les apprissents de sueilles se ramparent.

Deja les arbrisseaus de fueilles se ramparent,

Deja

Deja les prez molets de seurettes se parent,
Déja les ruisselets murmurent à l'enui,
Déja les oyzillons d'un accord ressuiny
Font les bois rezonner, & les ieunes bergeres,
A pas entre-choquez, sur les tandres sougeres
Trepignent bons sur bons, & chacune à son tour
Fast retantir l'honneur de ce bien-heureus iour.

Siles rochers pouuoient ils randroiét témoignage Comme ils en sont touchez, & n'est grotte sauuage Qui ne voulût montrer, auec selicité, Quel amour elle porte à la divinité D'vne si grande Reyne: aussi la Vierge Astrée Par elle a sait retour dedans cette contrée, Par elle nos malheurs ont retranché leur cours, Par elle nos citez, nos chateaus, nos fausbours Sont rantrez en commerce, & nos plaines tranquilles Si tôt qu'elle y marcha redeuindrent sertilles.

Au regne de Saturne on veit telle saizon, Ie di quand de soy-même en tous lieus, à foizon La terre produizoit toutes sortes de chozes: Que le front des rochers se couronnoit de rozes, Que de lait & de vin les sleuues regorgeoient, Que de manne & de miel les forays se chargeoient, Qu'Amour étoit sans fainte, & que iamais la guerre Aus dépans des humains n'auoit rougi la terre.

Combien nous luy deuons lque nous somes tenus Aus charmes de ses yeus des grans Princes connus! Beaus yeus victorieus, dont l'infaillible ateinte

E

Conquit vn Roy veinqueur, l'épouuâte & la crainte Des Roys plus redoutez, & qui pareillemant Au bruit de son renom la conquit iustemant. Carles Destinsiugeoiét, dés mainte & mainte année, Que de leur mariage vne race bien née Viendroit vn iour en estre, & que de sa Grandeur Tout l'Vniuers entier empliroit sa rondeur.

Iadis comme vn prodige vne Reyne Marie\* (Conduizant par la main l'horreur & la furie, Reyne de Hongrie. La mort, le feu, le sang, & bref mile étandars Boufans sous la rigueur de Bellone & de Mars) Atterra nos citez, embraza nos vilages, Détruizit nos moissons, gâta nos labourages, Nos arbres & nos fruits: Elle, d'vn pareil nom, Dezireuze de viure en plus iuste renom, Les maintient, les restore, & comme en Idumée Saba Reyne parfaite en vertus renommée (Vizitant vn Monar que en tous biens plantureus) Epandit en chemin les bâmes odoreus Qui viennent iusqu'à nous, cette Reyne de même, Vizitant son Paris d'vne gloire supréme, Lairra de tous côtez, non sans prosperité, L'amour & la concorde à la posterité.

Mais quel aize me touche & le cœur & l'oreille? Quel dous rauissemant acompli de merueille? Hausse ta porte ô l'heur & l'honneur des citez! Paris vile sans pair, en qui les Deitez Ont d'accord répandu leur meilleure influance: O la perle du Monde! ô l'Astre de la France! Il convient recevoir en tes bras é joüis Celle qui nous rebaille vn autre Saint Lovys.

Tu connois sa Grandeur, ce n'est vne Princesse De qualité moyenne, elle est vne Déesse Reyne de maint pais, & dont le noble sang La peut saire en tout lieu marcher au premier rang.

Elle est des Medicis, elle est de ceus d'Avtriche, Nièce d'vn Empereur, elle est sage, elle est riche D'honneurs & devertus, & n'ayme rien si fort Que de voir ton sejour & d'ancrer à ton port.

Le Triomfe aparoît, voicy déja les Gardes,
Mousquets, piques, drapeaus, morions, halebardes
S'éleuent à mes yeus; voicy les Cheualiers,
Qui deça, qui delà paroissent à miliers
D vne grace éminante, ha que de pierreries!
Ha que d'or! que d'argeant & que de broderies!
Que de belle ieunesse, en habis diferans,
Cheminante à l'enui se montre par les rans!
Que de Princes diuers & que de Gentilshommes!
Si déja la Frontiere a tant de miliers d'hommes
Préparez au combat, & si telles gens sont
Donnez pour leur conduite, en peu de tans ils vont
Brizer & soudroyer l'embusche d'Alemagne,
Et couroner Henry comme sut Charles Magne.

Si le diuin Homere eût veu premieremant, Ces braues Cheualiers il eût certainemant, Pour immortalizer leur bruit & leur memoire, Abandonné les Grecs à l'oubliance noire, Et tous les compagnons du Prince Agamemnon

Seroient ores là bas apauuris de renom.

Que voy-je? ha quel objet! quelle viue lumiere!
Où mes sens éblouis prennent-ils leur carrière?
Ic ne suis plus à moy: que l'on iette des seurs,
Des rozes, des œillets de toutes les couleurs,
Des girostiers, des Lys, des marguerites franches,
Du myrthe, du Laurier, des paquerettes blanches,
Violettes sans nombre, hiacyntes dorez,
Narcisses, Iossemins, des Graces adorez,
Et qu'à lons traits encore on verse l'eau d'orange,
L'eau de myrte, de roze, & celle du nom d'Ange.

Que la vois se marie aus instrumans plus dous, Que le peuple s'incline, & frape cous sur cous Des mains, auec vn bruit de ioye & d'alegresse, l'auize le Triomse où notre grand' PRINCESSE Atire les Dieus même, elle auance le pas,

Iunon de telle sorte ariuoit icy bas.

La foy, la pûreté, l'honneur & la clemance, La vertu, la grandeur & la magnificence Acompagnent son char, la Pais marche deuant, Et le Renom qui vole au parangon du vant.

Diev (qui tout preuoyant, tout prudat & tout sage Pour le bien des François voulut son mariage) L'assiste, la benit, & ses Anges certains, Volans à ses côtez, luy soutiennent les mains.

Et cepandant Henry, qui tous les Roys surpasse

Comme feroit vn mont vne campagne basse,
Demeure tout rauy contamplant ses beaus yeus:
Il y voit tous ses faits les plus victorieus,
La Bretagne y paroît auec l'Espagne fiere,
Il y voit en esprit, d'vne liesse entiere,
Les François reünis, & les mons dangereus
Qu'il franchit tout armé quand d'vn soin genereus
Il fut au deuant d'elle, & que par Hymenée
Des Lys du Firmamant elle sut couronnée.
,, Le peuple, qui se range aus passions des Grans,
Onive le priers se mire en leur sois apparent

"Qui volontiers se mire en leur fass aparans, A méme éjoüissance, & l'Etranger (peut aître) En si diuin objet n'en sera moins paraître.

L'Iberien Monarque est de sa paranté: Le SAINT PERE (qui sit à la natiuité De Lovys son DAVFIN, que déja l'on renomme, Tant de solennitez & de seus dedans Rome, Qui le mit au berceau, qui le sit batizer) Honore son mesite & la daigne prizer.

Mais come il fait bon voir ces Nymfes immortelles Qui sont prés de la R E Y N E! elles sont toutes belles, Si que l'on iugeroit à leurs graues douceurs Que Paris a mandé la troupe des neuf Seurs.

Qu'il fait bon voir encor' tant de nobles Princesses! L'on diroit qu'icy bas les premieres Déesses Viennent pour habiter, & qu'elles daignent mieus Séjourner à Paris qu'en la voute des Cieus.

Entre elles i'y remarque vne perle d'élite,

34

Vne sage Palas, vn threzor de merite, Fille, petite Fille & Seur de plusieurs Roys, Le dernier rejeton des Princes de Valois.

C'est elle qui cherit les deus Filles des Muzes, La Poezi, la Muzique, en sa belle ame infuzes, Et qui, par la fureur de ses diuins écris,

Iette la poudre aus yeus des plus rares espris.

En fin, come on peut voir les Iumeaus dessur l'ode R'asserenner les flos quand la tampaîte gronde, Ains comme prés l'Aurore en vizage riant Vn Soleil qui flamboye es plaines d'Oriant, l'aperçoy l'Heritier de l'Empire de France, L'Étoile de mes vers & de leur influance, Et quant éluy Madame, à qui les Cieus amys Ont vn nouueau Royaume asseurémant promis, Quand, sous vne aliance en bon-heur acomplie, Milan sera le chef de coute l'Italie.

De nuit par l'Horizon tant d'Astres ne sont vùs Que de braues Seigneurs de louange pouruus Cheminent à leur suite, auec leurs équipages De Suisses, d'Estassers & de Pages.

Que l'on marque à tousiours au nobre des heureus Ce beau iour de Triomse, & vous, qui genereus Portez dessur le chef vne verte couronne De palme & de laurier que l'honneur environne, Vous Poëtes sacrez, vous Cynnes, dont les pas Iamais ne connoîtront les chemins du trépas, Mariez en l'esset à vos Lyres dorées, Non par des chans comuns, des verves admirées
De gens grossiers & lours sans doctrine & sans art,
Mais par des vers tirez au patron de Ronsard
L'Homere Vandomois & du braue Des-Portes:
L'vn qui par ses écris, en diferantes sortes,
Mit Bellone en campagne, & l'autre qui pouvoit
Faire combatre Amour à l'heure qu'il vivoit:
Comme instruis au giron des neuf doctes Pucelles
Au mont de la Pleyade, où ces Nymfes iumelles
(Par les mains de Baif) ouvrirent les secrets,
Encores tous nouveaus, des Romains & des Grecs.

Thrône des Majestez, Infante de l'Empire, (mire, Azile du repos, verger des Lys François, Triomsez, Diev le veut, alez à cette sois L'adorer à son Tample, où vous dezirez estre, Iettez vous à ses piez, & luy faites paraître Comme vous deserez en toute humilité Vos biens & vos honneurs à sa Diuinité, ,,C'est luy qui fait les Roys, qui leur ôte & leur done, ,,A moins d'vn tourne-main, le Sceptre & la Couró-

Et vous, Reyne, que l'œil d'vn si grand peuple ad-

De ce lieu vous prandrez la route du Palais, (ne. Où tout discord, tout bruit de chiquane & de plais, De Change, de Marchans ne sont plus demeurances Le festin, la muzique & les jeus & la dance Les en ont mis dehors, pour vous montrer commât Auiourd huy toute choze a du rauissemant.

Ceus qui das les prizos baignez de chaudes larmes

Patissent iour & nuit tant de rudes alarmes,

36

Criminels, endétez, en ce iour ennobli

Noyent toutes leurs peurs dans le fons de l'oubly.

Moy-méme, qu'vn chagrin soucieus importune
D'auoir bonne origine & mauuaize fortune,
Ie me sens tout gaillard, & suis comme i'étois
Quand Phebus aus crins d'or en mes plus ieunes
Afin de m'embellir d'vne gloire certenne, (mois,
Par neuf sois me bagna dans les eaus d'Hipocrene.
Et seray plus ioyeus (ô Reyne de haut pris)
Cent & cent mile sois, si mes vers éntrepris
Au gré de vos honneurs, le sujet d'vn Homere,
Gaignent tant de bon-heur que de vous satisfaire.

Ces Colonnes, ces Arcs que l'on dresse pour vous, Ces aprets, qui randroient les Dieus mémes ialous,

Ne dureront qu'vn iour ou sis heures d'espace.

Quand vn riche nauire à force de vans passe, Vn mont de blanche ecume en boüillonnant le suit, Il entame la vague & demenne vn grand bruit, Mais tout soudainemant qu'il a franchy cariere, On ne voit rien de luy sur l'onde mariniere.

Ces Colosses diuers, ces Termes arondis Qui surent éleuez dedans Rome iadis, Sont minez par le Tans, mais l'œuure incomparable Du Chantre de Mantoüe à nul autre samblable Est passé iusqu'à nous, de même par mes vers A iamais votre Pompe ira dans l'Vniuers, De l'Ourse au Garamante, & d'où Phebus sommeille Iusqu'où l'Aurore pronte en son char le réueille.

FIN.



